

الفصل الأول

صمت ... سكون ... لا يقطعة سوى صخب البحر ... وكأنه
يصرخ معترضاً على تلك الجريمة وستمند أمواجه في لحظات
لتبتلعهم جميعاً ..

في أحد الكبائن البعيدة عن العمران جلس ثلاثتهم أمامها كانت لا
تزال فاقدة للوعي .. نظر لهم نظرة شيطانية ارتعدت لها فرائصهم
ثم قال بنبرة هادئة : إطلعوا وشوفوا حتعملوا إيه في المصيبة
اللي بره

أجابه عادل متبجحاً : طيب والمصيبة دي حنعمل فيها إيه
إقترب منه وامسك بطرفي قميصه بقوة حتى كاد ان ينتزعهما في
يده ثم دفعه للخارج وهو يقول : ملكش دعوة بيها

عادل : ماشي إلبسها إنت بقه إحنا ملمسناهاش أصلاً كل واحد
يشيل مصيبتة وإحنا حنعرف نتصرف ... يلا يا هشام
تبعه الشاب الآخر في سكون بجسدٍ مرتعش مما حدث وهو ينظر
نحوها وهي ملقاه على الفراش وما زلت فاقدة للوعي

نظر عادل للفتاة الأخرى الملقاه أمامه وشرد بخياله ليتذكر ما
حدث لم يوقفه سوى صوت هشام وقد بدأ يصرخ : حنعمل إيه

.....خلاص إحنا ضيعنا روحنا في داهية.....والكلب
اللي جوه ده مش حيساعدنا حيسيبنا كده

عادل : إهدي يا هشام

هشام : إنت السبب والزفت اللي شربتهوليأنا مليش
دعوة

عادل : وحية أمك

هشام : خلاص يحيي يتصرف ماهي شورته

عادل : يحيي مقربلهاش إنت ناسي ولا إيه هو أخذ الثانية وقفل
الأوضة علشان محدش فينا يلمسها غيره

هشام : طيب حنعمل إيه دول لما يفوقوا حيلغوا حيودونا في
داهية

عادل : هو عايز اللي جوه ومش عارف ناوي على إيه
.....هات مخدر

هشام : ليه

عادل : خلينا أشممها مش عايزها تفوق إلا بعد كام ساعة نرميها
في أي حته ونخلع

هشام : يا سلام ماهي لما تفوق حتبلغ

عادل : حتجيبنا منين يا هشام هي تعرفنا منين !!!! والشاليه ده
تبع يحيي شيلته ويشيلها بقهيلا.....يلا

هشام : حاضر

في الحجرة المغلقة كان مازال ينظر إليها وهي ممددة أمامه على الفراش..... بفستانها الممزق وبشعرها المبعثر على الوسادة..... أغمض عينيه لتمر أمامه صور متقطعة مما حدث..... صراخها ومحاولتها اليائسة للهروب من برائته..... ومحاولته المستميتة للنيل منها..... حملها بقوة للفراش..... ولكنها ظلت تقاوم وتقاوم مقاومة جعلته يتعامل معها بعنف شديد..... امتدت يده لينزل كفه بعنف على وجنتها..... وتحولت اللحظات التي طالما حلم بها لكابوس إنتهى بإصطدام رأسها بقوة في الجدار..... مازلت فاقدة للوعي وهو لا يعي ماذا حدث..... هل ستفيق أم أنها رحلت وتركت عالم الأحياء..... شعر بدقات قلبه تتسارع بقوة عندما فكر في هذا الإحتمال..... فتح عيناه بفزع وهم ليتوجه نحوها لما يوقفه سوى رؤيتها تتحرك..... إنها تفيق.....

فتحت عينها وعلى الفور شعرت كأنها تحمل أطناناً فوق رأسها..... مازالت رؤيتها غير واضحة..... غرفة غريبة وهي مستلقية على الفراش..... لا ترى الآن سوى سيقانها العارية..... بحركة لا إرادية سترت نفسها عندما رأت هذا الوجه الغريب الذي ينظر نحوها بعيون مترقبة..... نظرت نحوه بعيون ممتلئة بالخوف والدهشة : إنت مين ???

نظر لها بدهشة بالغة..... لا تتذكره..... أم هي الصدمة..... تابعت وقد تملكها الخوف وتمكن منها

الذهول : أنا فين أنت مين مين
..... أنا أنا

نظر لها بعيون تملؤها الصدمة : إنتي إيه قولي

هي بدموع : مش عارفه مش فاكرة
..... مش فاكرة حاجة مش فاكرة حاجة

يحيي في ذهول : مش ممكن

هي : أنا إنت مين

أجابها بعيون تشعر بالانتصار فالحظ قد صادفه أخيراً بعد طول
إنتظار أجب بثقة : أنا يحيي جوزك

الفصل الثاني

قبل تلك الأحداث بيوم واحد

كان يقف على الشاطئ يراقبها من بعيد مازالت كما هي بل
أصبحت أجمل ليست فقط مجرد زوجة جميلة بل أم
جميلة أيضاً نظر بغضب للرجل الذي ظهر بجانبها
يحمل طفلة صغيرة تكاد تكمل عامها الأول كان من
المفترض أن يكون هو هذا الرجل وكان من المفترض أن تكون
تلك الفتاة ابنته كم إفتقدها كان ينظر لخصلات شعرها
الداكن التي تتطاير في الهواء ويغض عينيه فيتذكر رائحته
المميزة تذكر ذلك اليوم في المصعد عندما إقترب
منها ونهرته بقوة شعر وكأنه مازال يشتم عطرها

المميز على الرغم من بعدها عنه لعشرات الأمتار اه
يا حبيبتي كم إفتقدتك إبتعدت من أجل أن أقترب ولكن
هيهات فأنا لكي مجرد ذكرى غير مرغوبة!!!! لم ينقذها من
إنتهاك عينيه سوى صوت الهاتف رد ببرود بعد أن
عرف الرقم : الو

صوت نسائي : الوإزيك

يحيي : تماموصلتي ولا لسه

هي : في السكةالطريق طويل قوي

يحيي : طيب أول ماتوصلي كلميني

هي : إحنا حننفاذ إمتي

يحيي : بالليل

هي : علطول كده

يحيي : مش إنتي عملتي اللي قلت ليكي عليه

هي : اه وهي مستتية مني تليفون

يحيي : خلاص يبقى ليه التأخير

هي : وفلوسي

يحيي : جاهرة

هي : والسبي دي

يحيي : جاهز

هي : خلاصحاكلمك أول ما أوصل

يحيي : سلام

أغلق الهاتف ليجدها إختفت من أمامهإبتسم بسخرية
وهو يبحث عنها ثم قال لنفسه وكأنه يحدثها : حتروشي مني فين
يا سلمىالنهارده حاخذ حقيحقي أنا مش
حق غيري يا سلمى

في أحد الشقق القريبة من شاطئ البحر كان صوت بكاء الصغيرة
مرتفعاً وسلمى حائرة تحاول تهدئتها

أحمد : إيه مالها

سلمى : مش عارفةخايفة تكون بردت من البحر

أحمد : لا متخافيشإستنى كده

حمل أحمد طفلته وقام برفعها عالياً كما إعتاد أن يفعل فإنقلب
بكاء الصغيرة لضحكات عاليةنظر لزوجته بإبتسامه
وقال : شفتيدي نصابة عايزة تلعب

إبتسمت سلمى وهي تنظر لضحكة طفلتها التي كانت تشبهها تماماً
بإستثناء العينين فسلمى كانت تتميز بعيون واسعة بلون كسواد
الليل أما جودي فعيونها كعيون أحمدخضراء بلون
الزيتونلامعة كصفحة من المياه النقية تحت ضوء
الشمس

أحمد حب عمرها كما يقولونشاب ثلاثيني وسيم
بدرجة كبيرةله عيون خضراء مميزة لامعة وشعر
أسود حالك وبشرة بيضاء إنعكس عليها اللون الخمري من تأثير

الشمس فأعطته مظهراً جذاباً إقترب أحمد من زوجته التي
كانت تنظر له شاردة ونظر لها نظرة ذات مغزى ثم تابع : على
فكرة مادام إنتي معجبة كده أنا ممكن أوزع جودي

إبتسمت سلمى لزوجها في خجل إنها الإبتسامة التي
طالما عشقها تلك الفتاة ذات العيون الساحرة بلون
كسواد الليل وشعرها المرسل حتى خصرها هو داكن
لا يختلف عن لون عيناها ملمسه كنعومة الحرير مثل بشرتها
الناضرة

تابع أحمد في شغف : طيب بجد ودي جودي ساعتين كده عند
مريم وطنط أهو نستفيد من وجودهم هنا

سلمى : بقه كده

أحمد : يلا بقه

سلمى وهي تأخذ لوجي بإبتسامة : حاضر

مريم فتاة بملامح تحمل في طياتها البراءة بشعرها الكستاني
القصير وعيونها ذات اللون العسلي تشعر بالراحة الشديدة لها
بمجرد رؤيتها .

كانت مريم ووالدتها التي هي بدورها خالة سلمى يقضون عطلتهم
الصيفية في نفس الوقت بالشقة المجاورة كانت
سلمى على علاقة وثيقة بخالتها فهي من تذكرها بوالدتها المتوفاة
التي إبتعدت عنها قهراً هي وأخواها بعد طلاقها من أبيهم

وزواجها من آخر فعاقبها الأب بحرمانها من أبناءها
وتربت سلمى في كنف جدتها والدة أبيها التي أخذت دور الأم
ولكن بملامح تشوبها القسوة وقلب لا يحمل سوى الغلظة .

بعد وفاة والدتها والصدمة الشديدة التي تعرضت لها سلمى التي
كانت وقتها لا تزال في السادسة عشر من العمر تهاون الأب
أخيراً وجعل للخالة الطيبة مكان داخل عالم إبنته ومنذ
ذلك الوقت أصبحت سلمى ومريم أصدقاء كانت مريم
تصغر سلمى بعام واحد فهي الآن ابنة الثانية والعشرون ربيعاً
تخرجت من كلية الفنون الجميلة على عكس سلمى التي أنهت
دراستها بكلية التجارة ثم تزوجت سريعاً بعدها بأحمد كان الأخ
الأكبر لإحدى صديقاتها ويعمل بوظيفة مرموقة كمهندس بأحد
الشركات الكبيرة

عايشت مريم مع سلمى أهم اللحظات في حياتها حبها
لأحمد زواجها جودي وقبل ذلك
يحيي

سلمى بعد أن دخلت غرفة مريم تحمل جودي : خدي بتقوللي
عايزة طنط مريم

مريم وهي تترك رواية كانت تقرأها وتنظر لسلمى في خبت : لا
والله

سلمى : اه والله

مريم : ماشي ماشي إبقى إفتكري الجمائل دي

سلمى : خالتو فين

سلمى : عشرة بالليل مش متأخر شوية

رباب: يا سلمى إحنا في صيف والبلد سهرانه عموماً أنا لسه في أول الطريق أول ما أوصل نتقابل علطول

سلمى : خلاص اوكيه

رباب : انا بجد يا سلمى عمري ما حانسى جميلك ده

سلمى : يا بنتي الناس لبعضهاأول ما توصلي كلميني خلاص

رباب : تمامسلام يا جميل

أغلقت سلمى الهاتف لتجد مريم تنظر نحوها بنظرة فاحصة وقالت على الفور : رباب !!!! رباب مين

سلمى في تردد : ربابصاحبتي بتاعة زمان

مريم : إيه !!!!!!! إنتي رجعتي تكلميا تاني يا سلمى

سلمى : لا تاني ولا أولانيهي كلمتني من كام يوم وقالت إنها محتاجة مبلغ كده سلفحرام يا مريم عيانة ومحتاجة عملية

مريم : عملية إيه

سلمى : عملية في القلب وبتجمع مبلغ بتستلف من هنا شوية ومن هنا شوية

مريم : وطلبت كام بقه

سلمى : خمس آلاف جنيه

مريم : وإنتي حتجيلها المبلغ ده

سلمى : جبته خلاص إنتي ناسية إني محوشة فلوس بس
متقوليش لأحمد إنتي عارفة مش بيطقها ومش حيصدقها

مريم : عنده حق أنا كمان مش مصدقاها

سلمى : حرام يا مريم دي مزنوقة وأنا ماقدرشمش
جايز ماما لو كانت لقت حد يساعدها كان زمانها عملت العملية
وعايشة

مريم : أستغفرى الله يا سلمى دي أعمار

سلمى : ونعم باللهخلاص قفلي بقه هي لما عرفت إني
هنا قالتلي إنها بالصدفة في إسكندرية وحتيجي تاخد مني المبلغ
لإنها محتاجاه ضروري

مريم : حاقول إيه

سلمى : بصي حتجج بيكي ونخرج سوا نقابلها ونرجع علطول

مريم : انا מבحبش البنت دي يا سلمى

سلمى : أرجوكي يا مريم لو خرجت لوحدي حاقول لأحمد إيه
.....خلاص يا جميلهي نص ساعة بس إحنا
حننزل من قبلها على أساس إنتي عايزة تتفرجي في السوق أوكيه

مريم : خلاص على الساعة كام

سلمى : نقول تسعة كده

مريم : أوكيه بس علشان خاطرک

الفصل الثالث

كانت الساعة قد قاربت على العاشرة مساءً عندها رأى عادل جسده وهو يخرج من البحر ذو الأمواج العاتية.....كان عادل شاب في السادسة والعشرون من العمر على درجة لا بأس بها من الوسامة بشعرة الكستنائي الناعم ومظهره الجذاب عندما تراه لأول وهلة تشعر أنه شاب مثقف من عائلة محترمة !!!! عائلة كسبت هيبتها من تجارة المخدرات !!!!!

إقترب هشام من عادل وهو ينظر للبحر الهائج ويقول : المجنون نزل البحر دلوقتي

هشام هو صديق عادل المقرب تخطى الثلاثون من العمر بعدة سنوات.....شاب إختفت ملامحه الحقيقية ولم يتبقى له سوى ملامح الإدمان الذي تمكن منه حتى النخاع وقضى على كل شئ يمتلكه وهكذا تحول لصبي من صبيان عادل وأبيه في عالم تلك التجارة المحرمة

عادل بسخرية : عامل فيها راجل

هشام : لا بس هو قلبه ميت أنا إمبراح كنت مرعوب في التسليم

(يقصد بذلك مقابلة الصحراء التي قاموا فيها بإستلام شحناتهم من المواد المخدرة)

عادل : بس علشان أول مرة لكن هو متمرس في الموضوع ده
.....بكرة نبقى أحسن منه

هشام : حتتفضله اللي هو عايزة

عادل : عادي الراجل طلب خدمة.....خلينا نخدمه
.....إحنا في الآخر شركاء وهو ليه علاقات جامدة بره مصر
.....عملها في وقت قياسي ابن اللدينه

هشام : طيب خلاص أسكت.....طالع وعينيه بتطق شرار

عادل : ها يا مان على معادنا

يحيى : حنتحرك دلوقتي

جلست رباب في إنتظارهم في السيارة في المكان المحدد بعد أن
هاتفتم سلمىنظرت لنفسها وهي تقود السيارة الفارهه
وتذكرت سيارتها المتهالكةإبتسمت في سخرية وهي
تقول : والله وباضتك في القفص يا يحيى

كانت تتوقع أن تراه قبل تنفيذ إتفاقهم الملعون ولكنه أرسل لها
صديقه صاحب تلك السيارة ليتركها معها حتى تقابلهم في الموعد
المحدد ومعها غنيمته !!!!!!!

قطع أفكارها صوت نقرات خفيفة على زجاج السيارة
.....كانت سلمىلم تتغير بل أصبحت أجمل
من السابق !!!!

سلمى جميلة الجميلات ذات القلب الضاحك التي يتهافت على
إرضائها الرجال فتعيش في عالمهم بطلّة بينما تقبع هي بعالم
الكومبارس

رباب : سلمى وحشتيني قوي قوي قوي يا جميل تعالي إركبي
نظرت سلمى بدهشة للسيارة الفارهة فما كان من رباب إلا أن
تابعت على الفوردي عربية واحدة صاحبتني
إديتهالي أسافر بيها علشان ماتبهدلش في المواصلات

سلمى : اه كتر خيرها

رباب : يلا بقّة إركبي

سلمى : لا مش حينفع الساعه قربت على عشرة
.....إتفضلي يا ستي

رباب : يا خبر تديني الفلوس كده وتمشيهو انا
باشحت منك يا سلمى طيب أقعدي معايا شوية

مريم : بجد مينفعش علشان متأخرش

إنتبهت رباب لصاحبة الصوت الرقيق نظرت لها بدهشة والضحك
يملاً مشاعرها : مريم !!!! إزيكياه كبرنا وإحلوينا

مريم : ميرسي

رباب في محاولة للتخلص من الصحبة الغير مرغوبة : طيب يا
مريم لو إنتي مستعجلة ممكن تمشي وخلي معايا سلمى شوية
وبعدين حاوصلها لغاية البيت

سلمى بإصرار : مينف عشأحمد عارف إني خارجه
معاها

مريم : مش حينفع أسيبها

رباب بسخرية : خلاصبراحتك

خضعت الفتاتان في النهاية لإلحاح رباب وبدأت السيارة تتحرك
بسرعة شديدة بثلاثتهن ورباب لا تكف عن الكلام وهي تقص لهم
حياتها البائسة!!!!!!

بدأت مريم تشعر بالضجر وسلمى أيضاً وودوا الخروج من
سيارة تلك المضطربة التي تضغط بكل قوتها على دواسة الوقود

.....

سلمى : ربنا يبسرلك الحال يا رباب معش بقه ممكن نرجع
إتأخرنا قوي

مريم بغضب : كمان إحنا بعدنا وإيه المكان المهجور ده يلا لفي
رجعينا للعمار

رباب وهي تجفف دموعها : اه صحمعش مخدتش بالي

بدأت رباب تخفف من سرعة السيارة لتستدير بهم لطريق العودة
ولكنها أوقفت السيارة فجأة ثم بدأت محاولة يائسة لإعادة تشغيلها

مريم : إيه في إيه

رباب مش عارفه مش راضية تدور

مريم بإنفعال : نعم!!!! حنعمل إيه دلوقتي إحنا في حته مقطوعة

سلمى : إهدي بس يا مريمرباب حاولي تتصرفي
رباب : ثواني حالكم صاحبتى أسئها كدهأوففففف
مفيش شبكةدقيقة حاطع بره العربية جايز الموبايل
يلقط

وبالفعل تحركت رباب مبتعدة عن السيارة وبدأت تتحدث في
الهاتف حتى إختفت في الظلام

مريم : راحت فين دي

سلمى : مش عارفة أستغفر الله العظيم يارب
وفي الظلام بعيداً عن السيارة ببضعة أمتار كانت تقف مع ثلاث
رجال تتحدث هامسة وهي تتسلم من أحدهم شنطة صغيرة

.....

رباب : أيوه هما في العربية

يحيى : هما !!!

رباب : أعمل إيه معاها بنت خالتها

عادل : ولا يهملك يا قمر ماتيجي إنتي كمان

يحيى في ضجر : عادل

عادل : إيه يا عم رزق وجالنا نقول لأ

يحيى : أوففففففففففف طيب خلاص يلا إتحركوا

وفجأة ظهر شبح من وسط الظلام إقترب من نافذة السيارة سريعاً
وهو ينظر لهما بعيون جائعة وقال : مساء الفل يا قمرات

لحظات من الرعب والفرع أصبأهما الجمود شلل
جسدي وعقلي جمود لم يقطعه سوى صراخ سلمى
وعندها في حركة سريعة فتح الباب ليدفع بمريم ذات الجسد
الصغير جانباً ثم يهدد رقبتها بسكينٍ حادٍ والآخر إستقر بجانب
سلمى في السيارة وإنطلق بها مسرعاً

كان الشاب يقود بإنفعال وهو يستمع لصراخ سلمى وبكاء الأخرى
نظر هشام لعادل وملامح التوتر تشوب وجهه : سكتهم يا
عا.....سكتهم مش عارف أسوق

نظر عادل له بحنق لأنه كاد أن ينطق بإسمه ثم نظر لسلمى نظرةً
شيطانية وقال لها : لو سمعت صوتك تاني حادبها فاهمة
.....قال ذلك وهو يحرك نصل السكين بقرب شديد من رقبة
مريم التي إستسلمت لبكاء هستيريكان جسدها
ينتفض من الرعب ليس فقط من هذا النصل الحاد القريب من
رقبتها بل من تلك اليدين الآثميتين التي إنتهكت حُرمة جسدها
.....بكل وقاحة

صمتت سلمى وأدارت وجهها لتخفيه بين كفيها وهي تشعر
بالعجز وإستسلمت لبكاء هستيريوهكذا تحركت بهم
السيارة مسرعة تشق ظلام الليل نحو بقعة أكثر ظلاماً وخلفهم
هو بسيارته السوداءمستسلماً لسيطانه

.....واعداً نفسه بقاء معشوقته الوحيدة بعد لحظات

.....

وفي بقعة بعيدة عن العمران وعلى شاطئ البحر وقفت السيارة
.....بدأت في تحريك أصابعها ببطء لتبصر عيناها المكان
.....مجرد كابينة متهالكه بجانب الشاطئ ورجل يقف
أمامها يقترب من السيارة ببطء فتظهر ملامحه رويداً رويداً كلما
إقترب من الضوء عيون حادة بشرة
سمراء ملامح إختفت وسامتها وسط وجه من القسوة
.....قسوة ظهرت مع مرور الزمن لتتجلب شيطاناً
.....برقت عيناها عند رؤيته يحيى

كل ما بعد ذلك مر سريعاً كالبرق دون أن ينطق فتح باب
السيارة ليجذبها بعنف وعاد صراخها ليملاً المكان
يحيى ليه بتعمل كده ليه عايز إيه حرام
عليك أبوس إيدك سيبي حرام عليك

لم يجبها فقط جذبها بقوة للداخل وأغلق باب الغرفة
ولم تحتاج بعدها بإجابة فنظرته لها كانت كافية لتعلم ماذا يريد
وبعد دقائق من المقاومة إرتطم رأسها بالحائط في عنف فسقطت
مغشياً عليها

الفصل الرابع

كانت ما تزال في حالة من الذهول وهو ينظر نحوها دون أن
ينطق شعر بصوت سيارة تقترب قام على
عجل وهو يقول لها : إستتي هنا

خرج ليجد عادل وهشام قد عادوا مرة أخرى قابلهم
بملامح أكثر إطمئناناً

عادل : إيه الأخبار

يحيى : فاقت بس مش عارفة حاجة مش
عارفة هي مين

عادل : إيه !!!!!

يحيى : زي ما بقولك شكلها فقدت الذاكرة
..... ممكن لما دماغها إتخبطت ??

هشام وهو يقف مستنداً للحائط ويدخن سيجارة محشوة بشراهة
رغبة في النسيان !!!! : مش شرط

يحيى : إيه بتقول إيه

هشام : بقولك مش شرطممكن تكون في حالة
صدمة وتخرج منها بعد دقائق أو ساعات

يحيى : وإن ده محصلش

هشام : معرفش معرفش

يحيى : ومدام ماتعرفش بتفتي ليه

عادل : حتعمل إيه

يحيى : حتفضل معاياوحاشوف

شرد بعدها وقال لنفسه هامساً : جاز ماتفتكرش

.....ماتفتكرش حاجهماتفتكرش غيري في
حياتها

عادل : بتقول إيه ؟؟؟ حتعمل إيه دلوقتي حتفضل هنا بيها

يحيى بعد تفكير : لأ مش حينفعأنا راجع على
إسكندرية هناك حاتصرف

ثم تابع : إخلعوا إنتم بقة مش عايزها تشوفكمعملتوا
إيه مع الثانية

عادل : حنعمل إيه رميناها في حته بعيدة قدامها 3 ساعات على
ما تفوقإنجز نفسك بقة

نظر له يحيى بإزدراء متذكراً ما حدث لمريملم تكن
في الحسبان وكان عادل كالذئب الجائعوكيف يمنعه
من شئ كان سيفعله هو حتى لو كان بإسم الحب

عاد لها مرة أخرى بعد رحيلهم كانت ما تزال تجلس في نفس
الوضعية على الفراشلمح حقيبتها ملقاه على الأرض
فأخفاها بمهارة لن تحتاج لشيء من تلك الحقيبة فهي الآن مولودة
جديدة

يحيى : يلا بينا

نظرت له وعيناها مملووة بالتساؤلات ولكن دون أن تنطق

يحيى : متخافيش يا حبيبيتي

تحركت بعد ترددلاحظ أنها لا تقوى على المشي
فحملها بين ذراعيه ووضعها في السيارةشعوره الآن
منتهى السعادة فحبيبته بين ذراعيهيشعر بأنفاسها
.....يشتم رائحتهاأي ثمن يدفعه للحصول على
تلك اللحظة بل يهون كل شيء للحصول على تلك اللحظة ويفعل أي
شيء من أجل أن تكون تلك اللحظة واقعه الملموس .

كانت تجلس هادئة كالطفلة الخائفة وبعدها إنطلقت السيارة
الرباعية مسرعة وشقت طريقها بسرعة شديدة لمكان آخر

وعلى الهاتف تحدث مع أحدهم : ألوميكاتو إزيك

ميكاتوإسمه الحقيقي محمد شاب في

السابعة والعشرين من العمر تعرف عليه يحيى بحكم تجارته

الحاليةميكاتو هو من يُطلق عليه ديلر ليس فقط للمواد

المخدرة بل لكل شيء وأي شيء.....

ميكاتو : باشاايه النور ده

يحيى : ميكا أنا جاي على إسكندرية دلوقتي وعايز مكان

ميكاتو : جاهز يا باشا

يحيى : آمان بعيد عن القلق عن الناس

ميكاتو : سهلة

يحيى : خلاص ضبط ساعتين كده واكون عندك

ميكاتو : في إنتظارك

يكاد رأسه أن ينفجر من القلق فمنذ ساعات وهو يبحث
عنهن كان جالساً في قسم الشرطة بيد مرتعشة
ممسكة بالجوال الذي ربما لساعات يحاول الإتصال بزوجته دون
إجابته

نظر له الظابط بلا مبالاة ثم قال : عادةً بلاغات الإختفاء بتكون
بعد أربعة وعشرين ساعة

أحمد : يا فندم بقينا الفجر وهي عمرها ما إتأخرت كده ومعها
بنت خالتها في كارثة حصلت انا عايز مراتي

الظابط : طيب إهدى بس يا أستاذ حضرتك كان في
مشاكل أو حاجة

أحمد : يا حضرة الظابط دي نازله السوق والبنت سايبها معايا
..... أنا خايف حد يكون عمل فيهم حاجة

الظابط : معاك صورهم

أحمد : إتفضل

الظابط : طيب حضرتك إمضيلى هنا وتقدر تتفضل

أحمد : أتفضل !!!!

الظابط : قعدتك هنا مش مفيدة لا ليك ولا لينا وإحنا حنشوف
شغلنا متخافش

تركه أحمد وإنطلق بسيارته دون تفكير فقط يطوف
بالشوارع بحثاً عنها وعلى الجانب الآخر جلست هناء والدة مريم
بجمود على سجادة الصلاة وبجانبها على الفراش طفلة نائمة
.....دموعها تنهمر بدون إنقطاع ولا ينطق لسانها سوى
بكلمة واحدة مريم مريم

بقدميها المرتعشتين وعيونها الغائرة بدأت تبصر نور الصباح
.....خيال من البشر هممة صورته
تقفز مرة أخرىما زالت تشتم أنفاسه الكريهة
.....فتحت عيناها في فزع لتجد نفسها مغطاه بملابس رجل
طيب أراد ان يستر جسدهاوينظر نحوها في حزن
.....إنه أبيها هل عاد من الموت
..... هل ماتت هيأغمضت عيناها وغابت عن
الوعي مرة أخرى مع إقتراب صوت غريبإنها عربية
الإسعاف

كان الجميع ينظر في شفقة لتلك الشابة الصغيرة
.....ملابسها الممزقة

الكدمات بوجههاإنها أقرب للموت منها للحياة
.....وكانها كانت في معركة مع الذئابنعم
ذئاب ليسوا ببشر.....

حملوها في عربة الإسعاف متجهين بها للمشفى وهي غائبة عن
الوعي في عالم آخر بل عادت لنفس الكابوسهل
عادت هناك مرة أخرىما زالت تسمع صخب البحر
وكانه يلعنهمكم تمت أن تمتد امواجه لتبتلعهم جميعاً
.....ولكن مهلاً هناك شئ لامعإنها ترى وجهها
الفرعلا بل هذا هو النصل الحاد على رقبتها
.....إستباح به جسدهاثم إنتهك برائتها
.....أنوثتهاعذريتهاهلاوس
.....تبدأ بصراخ وتنتهي بإبتسامةإبتسامة من
هذا الوجه الذي سيلازمها طيلة عمرهاإبتسامة
لأنه نال ما أراد وفقدت هي ما ناله

الفصل الخامس

بزغت الشمس وألقت بأشعتها الذهبية على شاطئ البحر منبئة
بصباح جديد.....توقفت السيارة بأحد الأحياء بالعجمي
.....مكناً هادئاً بل يكاد يكون مهجوراً كما طلب
.....أمسك بيديها لتنزل من السيارة.....كانت
صامته طوال الطريق.....لم تنبس شفتاها بحرف
.....دخلت المنزل وهو خلفها ومعه صديقه الذي كان
ينظر نحوها بدهشة فهي ترتدي فستاناً ممزقاً سترته بقميص
رجالي إستتبط أنه خاص بيحيى.....نظر له يحيى بعد أن
أجلسها على أحد المقاعد ثم قال : شكراً يا ميكا.....جدع
.....ده كان طلبي

ميكا وهو ما زال ينظر نحوها : أنت تأمر يا برنس

فاجئة يحيى عندها بقوله : مراتي

ميكا : هه

يحيى : بقولك مراتي

ميكا : اه.....مبروك يا باشا

يحيى : خد دول.....أنا مش حينفع أنزل الأول حتجيب فطار

وبعدين تروح تجيب هدوم حريمي هه وطلبات للبيت لحمه وجبن

يعني ظبتي الثلاجة

ميكا : عيني خلي يا باشا

يحيى : لا معلش

ميكا : طيب والمقاس

يحيى : إتصرف

نظر ميكا مرة أخرى لها متفحصاً ثم تابع : مش مشكلة سهلة

نظر له يحيى بغضب شديد ثم قال : طيب يلا بقه علشان
متأخرش

خرج ميكا وعندها نظر لها يحيى وإتجه نحوها وقال : أدخل
إرتاحي لغاية ما الفطار يجي

ظلت قابعه مكانه وكأنه لم تسمعه وضع يده على ذراعها
فإنقضت بفرع إقترب منها وملس على شعرها وقال :
حبيبي متخافيش

نظرت له ثم نظرت حولها وكأنها تتدرك ما حدث منذ البداية ثم
سألته : أنا إسمي إيه

..... إنه السؤال الأول السؤال البديهي فهي لن
تظل صامته ماذا كان يظن هل ستظل صامته كالدمية
تترك نفسها له يشكلها كيفما يشاء صمت لحظات ثم
أجابها بثقة : إسمك سلمى

صمتت قليلاً وكأنها تحاول إستيعاب الإسم أو ربما تحاول تذكره
..... تابعت بعدها : سلمى مش فاكراه خالص

يحيى : مش فاكراي

سلمى : مش فاكراي علشان أفتكرك

نظرت لنفسها في المرآه.....خلعت قميصه ونظرت
لنفساتها الممزق.....تأبعت دون أن تنظر نحوه : هو إيه
اللي حصل

يحيى : مش مهم تعرفي كل حاجة دلوقتي

إستدارت له في غضب وقالت بإصرار : إيه اللي حصل

نظر لها ملياً كان يحتاج لترتيب الكلمات داخل عقله بل لترتيب
الأكاذيب داخل عقله تابع وقال : في ناس كانوا عايزين أذيتنا
.....هجموا علينا في الكابينة.....أعداء ليا كانوا عايزيين
يعاقبوني بيكي بس مقدروش لكن في وسط الخناق دماغك
إتخبطت في الحيطه وأغم عليكي.....وهما هربوا وأنا
فضلت جنبك لغاية ما فقتي

سلمى في ذهول : أعداء !!!! بيعاقبوك

إقترب منها يحيى أمسك بوجهها وهو ينظر إليها بهيام ثم قال :
حبيبتي.....عمري ما حسمح لحد يخدشك خدش
.....إنتي أغلى حاجه عندي وأحميكي بروحي ودمي
.....عايزك تظمني

سلمى باكية : أظمن.....انا معرفكش إنت بتقول إنك جوزي
وأنا شايفاك غريب عني.....طيب فين أهلي أهلك

يحيى وقد إسترسل في الكذب وبدأ يصدقه : إنتي أهلي وأنا أهلك
.....حبيبتي إحنا مالناش حد مالناش غير بعض ومن زمان

وفجأة لمعت عيناه جاءته فكرة عبقرية.....اخرج محفظة
ومنها أراها صورة.....صورة لشاب وفتاة
.....شاب يبدو في العقد الثاني من العمر وفتاة صغيرة

..... هي تلك الفتاة كانت تقف بجانبه تبتسم بخجل وهو يضع
ذراعه حول كتفها تشعر في إبتسامته أنه ملك الدنياتابع
بنقة : شفتي دي صورتنا زمان مع بعضدي أول قصة
حبنامن ساعتها وإحنا سوا مالناس غير بعض
.....يتيم ویتيمة مالهمش غير بعض يا سلمى

إقترب منها وإحتضنها بقوة لم يعطيها مجال للإبتعاد أو التفكير
.....لم ينقذها سوى طرق الباب

ميكا : الفطار يا سيد الكل على بال ما تظفروا وتشربوا الشاي
أكون جبنتك بقية طلباتك

يحيى : ميكا عايزك في حوار مهم

ميكا : أمرك

يحيى : أنا راجع على إيطاليا

ميكا : علطول كده

يحيى : عايزك تكلم الفنان

ميكا : اهطلباتك

يحيى : عايز باسبور وتأشيرة وبأسرع وقتقال
جملته وهو يشير بعينه لسلمى

فهم ميكا مقصدة وتابع : مفيش حاجة صعبة على الفنان

يحيى : واللي يطلبه حياخده أهم حاجة السرعة فاهم

ميكا : تمام حنحتاج صورة بس

يحيى : هات إنت الطلبات وبالليل حتكون عند الصورة

ميكا : ماشي حاخلع انا وأرجع سريع سريع

وضع أمامها طعام الإفطار نظرت للطعام في مضض وقالت : مش
قادرة

يحيى : مينفعش حتقعي من طولك إحنا ماكلناش من إمبارح

سلمى : أرجوك فعلا مش قادرة

يحيى : طيب لو كلتي حجاوبك على كل أسئلتك

سلمى : لأ انا عايزة حاجة تانية

يحيى : أمرك يا حبيبتي

سلمى وقد بدأت تركز بعض الشيء : عايزة اروح للدكتور .

الفصل السادس

كان أحمد يحمل ابنته الباكية وهناء تحضر لها رضعتها بيد
مرتعشة وقلب ملكوم وهي تفكر في ابنتها وابنة أختها وما قد
يكون حل بهم طرقات قوية على الباب دق
معها قلبها فتح أحمد الباب على الفور ليجد ضابط
من القسم ومعه خبر قد يكون مفرحاً قد يكون صادمًا
..... هناك فتاة في المستشفى إحداهن
..... وجدها المارة فاقدة للوعي قلق

.....بل فزع إنتاب الأم ومشاعر أحمد مثلها تماماً
..... نزل مع الضابط على الفور وخلفه هناء وببيدها زجاجة
اللبن للصغيرة الجائعة المشتاقة لرائحة أمها ترى من
هناك هل هي سلمى أم مريم وماذا حدث
..... شك من كلاهما تحول إلى يقين فهاهي
مريم تقبع بالمشفى ضحية ضحية
إغتصاب .

الطبيب : هي دلوقتي في حالة صدمة وفاقدة للنطق
الضابط : يعني مش حنعرف نستجوبها دلوقتي
الطبيب : صعب

كان أحمد يستمع للطبيب في ذهول وهناء جالسة
بجانب إبنتها ممسكة بيدها وقد وضعتها في صدرها ودموعها
منهمرة دون إنقطاع
أحمد بعد سكوت طويل للطبيب : طيب والحالة دي حتستمر لإمتي
الطبيب : مش واضح الصدمة اللي إتعرضت ليها كانت
شديدة عليها
أحمد : علينا كلنا

شعر أحمد بإنقباض قلبه ونظر إلى صغيرته وإحتضنها بشدة وقال
لنفسه : يا ترى إنتي فين يا سلمى عايشة ولا
.....

إنهمرت دموعه وهو يحتضن جودى وينظر نحو مريم الراقدة
على الفراش بملامح بائسة

إقترب منه الضابط الصغير بعد أن شعر بالشفقة لما أصابهم :
متقلقش يا أستاذ إن شاء الله حنوصل للمدام ونقبض على الكلاب
اللي عملوا كده

نظر له دون أن ينطق ثم إحتضن إبنته وظل يتابع من في الغرفة
بصمت .

طاوعها لا يعلم لماذا هل ليريح قلبها أم ليريح قلبه هو
..... توجه معها للطبيب لاحظ التوتر الشديد الذي ظهر
عليها وهما في قاعة الإنتظار أمسك بيديها
المرتعشة ونظر لها نظرة حانية وقال : متخافيش
وأخيراً أعلنت الممرضة عن موعد الدخول ولكن الطبيب يريد
رؤية المريضة وحدها !!!!!!!

شعر بالقلق والخوف وندم للحظات على قراره
ليته ما طاوعها مرت الدقائق ساعات فقد
فيها أعصابه وظل يحرق السجائر واحدة تلو الأخرى
..... حتى خرجت أخبرته الممرضة أنها تحتاج
لبعض التحاليل والأشعة وتستطيع إجراء ذلك الآن في مركز
الأشعة التابع لهم بنفس المبنى وافق على مضمض بعد أن
أخبرته أن الطبيب يود رؤيته أيضاً

دخل الغرفة وقد حاول أن يرسم على ملامحه ملامح الثقة
.....إبتسم بهدوء للطبيبكان رجلاً يبدو أنه في
العقد الخامس من العمر يتميز بشارب كثيف ونظرةٍ فاحصة قال
له وهو ينظر في بعض الاوراق أمامه : إتفضل يا أستاذ يحيى
يحيى : متشكر

الطبيب : ممكن تحكي لي اللي حصل للمدام بالتفصيل
يحيى : الحقيقة المدامإتخبطت في دماغها خبطة جامدة
شوية ومن ساعتها زي ما حضرتك شفت مش فاكرة حاجه
خالص
الطبيب : أيوة ده حصل إزاي

يحيى : كنا في الكابينة بتاعتنا على البحر وفي ناس هاجمونا
.....كانوا عايزين يتهجموا عليها

الطبيب : الناس دول إنتم تعرفوهم
يحيى : هي لأولا أنا بشكل شخصيالحكاية
كلها تخليص طار حد مسلطهم عليا
الطبيب : وبعدين

يحيى : كنت بتخانق معاهم وبدافع عنها وفي وسط الزحمة واحد
منهم زقها بعنف ودماغها إتخبطت وبعدها أغم عليها
.....هربوا بعدها وأنا فضلت أفوق فيها ولما فاقت لقيتها لا
عارفاني ولا عارفة نفسها

الطبيب : إممممممممممأستاذ يحيى مراتك كانت
خائفة قوي لما الناس هاجمتكم يعني حسيت إنها مفزوعة من
اللي حصل

يحيى : هو كل ده حصل بسرعة قوي بس أكيدكانت
مرعوبة طبعا بس مش فاهم ليه السؤال

الطبيب : منطقيا الخبطة على حسب وصفك صعب قوي تعمل
التأثير دهيعني ممكن يكون فقدان مؤقت وده مش
حيدوم أكثر من أربعة وعشرين ساعة

يحيى وقد اصابة القلق فحاول أن يكون أكثر تماسكاً : مش فاهم
الطبيب : اللي حصلها ده مش بسبب الخبطة

يحيى : نعم !!! أمال إيه السبب

الطبيب : واضح إنها إتعرضت لصدمة نفسية شديدة
.....وواضح

إنها بطبيعتها شخصية هشةمستحملتشدي
حالة معروفة عندنا في الطب النفسي

يحيى : طيب هي كده ذاكرتها حترجعلها إمتى

الطبيب : مش معروف ممكن بكرة ممكن بعد شهر ممكن بعد سنة
هي محتاجة علاج اللي عندها إسمه فقدان ذاكرة عام وحصلها
نتيجة صدمة نفسية شديدة وإعتقادي الشخصي إن دي مش اول
صدمة تمر بيها في حياتها علشان كده محتاج أجمع منك
معلومات مهمة عن حياتها وحياتكم مع بعض

يحيى في ذهول : أكيد

الطبيب محاولاً طمأنته : متستغربش يا أستاذ يحيى الصدمة النفسية أوقات بتكون أعنف وأشد من الصدمة الجسدية خصوصاً لو الشخصية عانت في حياتها من مشاكل نفسية قبل كده وعلشان كده محتاج أعرف منك تاريخ الحالةأوقات الصدمات العنيفة بتأثر على خلايا المخ في حالات بينسوا الأحداث الخاصة بالصدمة وفي حالات تانية زي مدام سلمى بينسوا كل حاجةحالات نادرة بس بتحصل

يحيى : هي ممكن تفضل كده متفكرش حاجة خالص

الطبيب : خليك متفائلمع زوال أسباب الصدمة والعلاج ومحاولة تذكيرها بالماضي حترجع تفكر البركة فيك بقه

يحيى : اه طبعا أكيد بس ياريت تسمحي نبدأ من بكرة علشان الموضوع ده إجهاد عصبي شديد عليا وعليها

الطبيب : مفيش مشكلةحدد معاد بره وأنا في إنتظاركم

وهكذا بعد أن أنهت سلمى الأشعة والتحليل أخذها يحيى وهو ينوي عدم العودة مرة أخرى

استقرت بجانبه في السيارة وهي تشعر ببعض الإطمئنانفقد طمأنها الطبيب ووعدا بأنه مع العلاج المناسب قد تعود ذاكرتها نظر لها مبتسماً ثم قال : بقيتيأحسن

سلمى : الحمد لله

يحيى : طيب يلا بقه حجيبك الأيس كريم اللي بتحبيه وبعدين
نروح نجيب شوية هدموم علشان الغبي ده جاب لبس ذوقه زى
وشه

سلمى : ليه مجبناش هدمومي

يحيى : احنا كنا في الكابينة بالصدفة ما كناش ناوين على بيات
ومش خارج على الشقة علشان سلامتك وسلامتي

سلمى : مين الناس دول اللي عايزين يادونا

يحيى : متشغليش بالك بالحاجات دي دلوقتي الدكتور قايل مش
عايز اي إجهاد عصبيحبيبتي طول مانتي معايا
محدث حيقدر ياديكي

قال جملته وإقرب منها وعيناه تمتلئ بالشوق رغبةً في تقبيلها
وإبتعدت عنه على الفور فإبتسم لها وقال : عارف إنك شايفاني
غريب مع إن مفيش حد في الدنيا دي أقرب ليكي مني
.....معلش

كان يحيى يشعر بالحزن لبعدها عنهفهي بجانبه ولكن
لا يستطيع أن يلمسهاصبراً قليلاً هكذا قال لنفسه
.....أخذها معه وإشترى لها أفضل الملابسمن
أفخم المتاجرجعلها تبدو كالأميراتثم أخذها
لأحد الأستوديوهات وإلتقط لها صورة من أجل جواز السفر
المنشودنعم سيأخذها ويرحل بها بعيداً
.....هي الآن طفلة المدللةالتي لا تعرف
أحداً في الكون سواه

إحنا حنسا فر قال جملته لها بعد ان وصولوا للمنزل

سلمى : إيه

يحيى : حنسيب البلد كده أحسن كمان علشان تتعالجي برة
..... برة أحسن من هنا بكتير

سلمى : حنروح فين

يحيى : إيطاليا ليا شريكي هناك حيظبتلي الدنيا
..... في خلال كام يوم حنكون في البحر ومسافرين

سلمى : ياه

إقترب منها وإحتضنها من الخلف كانت تشعر بالإضطراب من
إقترابه فهي تشعر أنه غريب لا تتذكره لم
يبال بارتعاش جسدها بين ذراعيه إحتضنها بقوة
وتابع : مش عايزك تجهدني عقلك كله حيبقى تمام
سلمى : نفسي أفهم إحنا كنا إيه ومسافرين ليه

يحيى : بالتدريج متستعجليش دي نصيحة الدكتور
على فكرة

أذعنت لرغبته وأظهرت الموافقة كان يود بشدة لو
بقيت بإحضانه حتى الصباح ولكنه فضل الصبر على اللقاء مع
معشوقته قبل يدها واوصلها لغرفة نومها وقال :
تصبحي على خير يا حبيبي انا نايم في الأوضة اللي
جنبك متخافيش أنا عارف إنك لسه شايفاني غريب
..... فاهم ده كويس

إبتسمت بخجل ولكنها شعرت بالراحة عندما أغلقت باب غرفتها
وإستغرقت في النوم سريعاً من الإجهاد

الفصل السابع

في الصباح إستيقظت لتجده قد أعد طعام الإفطار ووضعته على
المائدة

سلمى : صباح الخير

يحيى : صباح النورنمتي كويس

سلمى : الحمد لله

يحيى : طيب يلا الفطار جاهز

سلمى : تعبت نفسك

يحيى : أكيد لأ

على مائدة الإفطار كانت تنظر له وهو يضع ملعقة السكر في كوب
الشاي الخاص بها وقالت : عارف باخد كام ملعقة سكر

يحيى : أكيدطول عمرك بتشربيه بمعلقة واحده

سلمى بعد أن تذوقت الشاي : تفكر لو كنت باخد سكر أكثر أو
أقل كنت ححس بفرق

يحيى : مش عارفإنتي حاسه بفرق

سلمى : لأ متقبله طعمه عادي

يحيى : أكيد علشان معمول زي ما متعودة عليه

إبتسمت بإيجاز ثم تابعت شرب الشاي قال لها بعد ذلك
: انا نازل نص ساعة وراجع علطول

لم تجب كانت تبدو شاردة وكأنها تفكر في شئ آخر
..... نظرت له بعدها وهي تتسائل وتنظر نحو يدها اليمنى
.....

سلمى : هي فين دبليتي

يحيى : نعم

سلمى : مش إحنا متجوزينليه أنا مش لابسة دبلة

لاحت ذكرى في الأفق تذكر إقترابه منه في تلك الليلة صرخت
رافضة لهتلك الحلقة الذهبية اللامعة التي زينت بها
إصبعها ولكن ليست حلقة الذهبية بل إنها رباط منمق بإسم آخر
.....خلعها من إصبعها بعنف وقذفها بعيداً وكأنه يعلن رفضه
لهذا الزيجةوكان الحظ كان رفيقه فلم تستيقظ من
غفوتها لتكتشف أنها زوجة رجل غيرهلاحظت شروده
فتابعت : سرحت في إيه

إبتسم لها بسخرية ثم قال : إتفضلي

ناولها دبلة كان محتفظ بها في جيبه ومكتوب عليها من الداخل
يحيى ثم خلع دبليته وأراها إسمها المحفور عليهاسلمى
وكانه أراد أن يقضي على كل بذور الشك داخلها

سلمى وهي تمسك بالدبلة : ليه أنا مش لابساها

يحيى : لأنها ضاقت عليكيوكنتي سايباها معايا علشان
أوديتها للصايغ يوسعها

وضعتها في إصبعها فلاحظت بالفعل أنها تدخل بصعوبة شديدة
..... أعطتها له مرة أخرى وهي تحرك رأسها بالإيجاب في
إشارة انها فهمت مقصده تابع بعدها

يحيى : حاروح مشوار نص ساعة وراجعمحتاجه
حاجه

سلمى : لأ

يحيى : خلاصعندك التليفزيونسلي نفسك
على بال مارجع

سلمى : حاضر

يحيى : سلامقبل رأسها وخرج لمقابلة ميكا حتى
يعطيه صورتها وينهي إجراءات جواز السفر والتأشيرة خاصتها
.....

ناول ميكا الصور وهو يقول : خليه ينجز أنا مستعجل

ميكا : ماشي

يحيى : أنا عايز جوازين سفر

ميكا : إثنين !!!!

يحيى : واحد بالبيانات دي دي بيانتها الحقيقية وواحد
ببيانات مزورة علشان أعرف أطلع بيها بره البلد
بسهولة

ميكا : مش فاهم يا ريس

يحيى : مش مهم تفهم

ميكا : لازم أفهم يا باشا علشان الفنان يفهم وشغلك يبقى مضبوط

يحيى في ضجر : إعتبرني خاطفها مش حاعرف أطلع
بره البلد ببيانتها الحقيقة مش عايز أجازف فهمت

ميكا : والتاني اللي بإسمها

يحيى : لا ده مش محتاجه في السفر محتاجه حاجة تانية
متخصصكش

وضع يحيى يده في جيبه وأخرج رزمة من النقود ناولها لميكا
الذي إتقفها بسعادة وتابع : لو عايز خمسين باسبور
..... إحنا في الخدمة يا باشا حتسافر بحر يا باشا
صح

يحيى : أكيد بحر ليا ناسي وحاعرف أظبط الدنيا

ميكا : تسافر بالسلامة يا باشا يومين والطلب يبقى جاهز

يحيى : كثير بكرة تكون الحاجة عندي

ميكا : هو الجواز مش بياخد وقت هي بس التأشيرة المضروبة

يحيى : ده الفنان مش أي حد واللي حيطلبه جاهز وأكثر كمان

ميكا : يبقى أمرك يا باشا بكرة

يحيى : وتشوف مواعيد البواخر تحجز أول معاد تلاقيه
فاهم

ميكا : خلاص يا كبير رحلة سعيدة

ظلت قابعة مكانها بعد خروجه تقلب بين محطات التلفاز
ولكن عيناها لا تري شيئاً أذناها لا تستمع عقلها يسعى
جاهداً محاولاً تذكر شئ أي شئ إنها تشعر
كأنها طفلة ولدت منذ يوم واحد لا يوجد
أمامها سوى يحيى زوجها الذي لا تعرفه !!!! هل
هناك آخرون بشر غيره معارف
..... أصدقاء أشباح من الماضي
..... نظرت إلى المكان حولها بيت غريب
..... أين منزلي أشياءي الخاصة
..... ربما أتذكر إذا لمست بيدي ما امالك
..... لماذا نهرب ونترك كل شئ وكأنها
راحلة من مجهول لمجهول لم تشعر بنفسها إلا
وهي تتجه لباب الشقة تود الهروب أو ربما تود أن
تبحث عن نفسها

فتحت الباب لتجد لتجده أمامها
..... كانت عيناها تنطق شراراً وجه آخر له
لا تعرفه

دخل وأغلق الباب خلفه إقترب منها والغضب يملأه ثم قال : كنتي
رايحة فين

عادت للخلف ولم تجبه تابع بإصرار : كنتي رايحة فين يا سلمى
أشاحت بوجهها عنه وهمت تتركه أمسك بذراعها بعنف وجذبها
نحوه وقال : بقولك كنتي رايحة فينعايزة تضيعي يا
سلمى لو خرجتي لوحدك حبيبك إزايمتخيلة
ممكن يحصل إيه لو نزلتي لوحدك

نظرت له بعين دامعة وقالت وهي تحاول أن تتخلص من قبضته :
يحيى لو سمحت سيب دراعيدراعي بيوجعني يا يحيى
يحيى وقد قربها إليه أكثر : مش حسيبك يا سلمىمش
حسيبك

فاجئها بقبلة قويةقبلة عاشق مشتاق لحبيبته
.....نجحت في التخلص من قبضته وإبتعدت وهي تنظر له
في إرتباك وخوف

ضرب المائدة بقبضة قوية كادت أن تشطرها نصفين وقال وهو
ينظر لها نظرة بها مزيج من الحب والغضب والرغبة : بتهربي
مني يا سلمىليه

نظرت له في حيرة ثم إستسلمت للبقاءإقترب منها
وإحتضنها وهو يقول : متبعديش يا سلمى حتأذيني وتأذي نفسك
.....إنتي مالكيش غيري وأنا مليش غيرك دي الحقيقة
اللي نفسي تفتكريها

سلمى بصوت متحشرج : تايههتايهه قوي

شعر بضعفها كانت كالصفور المرتجف خائفة تنشد
الإطمئنان حملها بلطف ووضعها في الفراش ولكن لم يتركها
جلس بجانبها وضمها في صدره وتابع : متخافيش
..... أزمة وحتدي إنتي بس سيبيلي نفسك
وأوعدك حتبقى زي الفل
إستكانت وإستسلمت وأسندت رأسها على صدره
..... شعر بإستكانتها وإستسلامها وعندها أحاط جسدها
بذراعيه وقربها منه بقوة ليأخذ حقوقة
الزوجية !!!!!!!!!!!!!!!

الفصل الثامن

نعم بدا في ممارسة حقوقة الزوجية وهي إستسلمت لزوجها
..... زوجها المشتاق إليها بشدة !!!!!!! وفي مكان آخر
..... شق السكون صراخ طفلة لا تحتاج سوى
ضمة من صدر أمها لتعيد لها الإطمئنان كان أحمد
يقف حائراً بعيون باكية أمام صراخ طفلتها حملها
وظل يقبلها حتى تهدأ وهو يفكر بسلمي أين أنتي يا
حبيبتي تُرى هل سأراكي مرة أخرى أم أنك رحلتي
إلى الأبد

حمل طفلته وخرج من المنزل متجهاً للمشفى كانت
مريم لا تزال على حالها ربما تشعر بوجود أمها ولكن ما تلبث أن

تعود لعالم من اللاوعي لا تعرف هل هي فاقدة
للنطق أم رافضة ترك جودى مع هناء والدة مريم
وذهب للقسم يبحث عن جديد

أحمد : وصلتوا لحاجة يا حضرة الضابط
الضابط : لسه يا أستاذ أحمد

أحمد : إزاي طيب مريم ظهرت هي فين
الضابط : إحنا مكثفين جهودنا في البحث ومستنيين حالة مريم
تتحسن علشان ناخذ أقوالها

أحمد بحسرة : مريم دي في دنيا غير الدنيا
..... أنا حتجنن يعني ولاد الكلب دول بعد عملتهم
الطبيعي يسببوهم هما الإنتين في مكان واحد ليه مريم
كانت لوحدها إلا إذا كانت سلمى جرالها حاجة
..... لا ياربي لا

قال جملته الأخيرة وقد اخفى وجهه بين يديه شعر
الضابط بالأسى من أجله فربت على كتفه وهو يقول : أستاذ أحمد
..... المفروض ماقولكش ده دلوقتي بس إحنا مش ساكتين
في خلال يوم أو إنتين التحريات حتوضح حاجات أكثر
أحمد : مش فاهم

الضابط : إحنا حنشوف الأرقام اللي إتصلت بيها زوجتك
وإستقبلتها على المحمول أهو خيط جايز يوصلنا لحاجة
أحمد : حاجة إيه أنا مراتي معندهاش مشاكل مع حد

الضابط : بس هي لسه مختفية وإحنا لازم نحط كل الإحتمالات
جائز الحل يكون في نمرة كلمتهامحدث عارف

نظرت إليه بامعان وهو مستغرق بجانبها في النوم
.....كانت تحاول أن تتذكره ولكن دون جدوى
.....فقط تشعر أن ملامحه مألوفه ولكن لا تعرفه
.....نعم لا تعرف زوجهافقد سلمت نفسها منذ
ساعات لرجل لا تعرفهشعرت بانقباض في قلبها
تملك منهاقامت وتركته وظلت جالسة وحدها في الغرفة
الأخرىتفكر وتفكر كاد عقلها أن ينفجر من
كثرة التفكير دون جدوى

كان يقف على باب الغرفةيراقبها في البداية لم تلحظه
كانت مستغرقة في أفكارهاإنتبهت على صوته
وهو يقول : سرحانه في إيه

نظرت له على الفور وكأنها إستفاقت من غيبوبتها : هه

يحيى : ياه دانتي كنتي في دنيا تانية خالص

سلمى : امممم كنت سرحانه شوية

يحيى : في إيهفي يحيى

إبتسمت له وظلت صامته إقترب منها وإحتضنها من الخلف وقبل

رأسها ثم قال : معلىش حقك عليا

سلمى : إيه

يحيى : متحمتش في نفسي كان لازم أصبر عليك
شوية بس أعمل إيه طول عمري ضعيف قدام جمالك

.....

نظرت له وقد رقت مشاعرها لحديثه المنمق معها وقالت : إنت
إتجوزتني علشان أنا جميلة

إبتسم لها يحيى ثم أراها لتصبح في مواجهته وأمسك بوجهها
وقال : إحنا قصة حبنا مفيش زيها مفيش راجل بيحب
ست قد منا بحبك يا سلمى مش عايزك حتى تفتكري ده
..... بس عايزك تحسيه حتى لو عقلك مش فاكراه
..... بصي لقلبك

سلمى : نفسي نفسي انام وأقوم الأقي نفسي فاكرة كل
حاجه فاكراك وفاكرة الدنيا اللي كنت عايشة فيها

يحيى : سيبيلى نفسك يا سلمى أو عدك حاملاً دنيته
ومش حتحسي أبداً إنك ناقصة ذكرى من الماضي

أومأت رأسها بالإيجاب عن غير إقتناع ولكن لم تجد سبيلاً للراحة
دون الإذعان لرغبته تابع بعدها

يحيى : أنا حانزل اجيب عشا متين فوقى كده على بال ماجي
..... خلاص

سلمى : حاضر

وهكذا خرج وعاد وتناولوا طعام العشاء وجاء موعد الخلود للنوم
..... ولكنه لم يتركها وحدها ظل معها بنفس الغرفة فنامت
مستكينة في أحضانها في محاولة للإعتياد عليه

إستيقظ يحيى في الصباح فلم يجدها بجانبهخرج
مسرعاً يبحث عنها كان يخشى أن يفقدها مرة أخرى
.....شعر بالراحة عندما وجدها بالمطبخ تعد طعام الإفطار
.....كانت تبدو جميلةإرتدت بيجامة بسيطة
من القطن وربطت شعرها برقة ورفعته عالياً نظرت له وقالت :
صباح الخير

يحيى : اممممم واضح إنك فاكرة الفطار بيتعمل إزاي

سلمى وهي تبتسم : اه تخيل

يحيى : الدكتور قال عاديطبيعي

سلمى : خلاص تقريبا جهزاغسل وشك على بال ما
أحضر السفارة

وعلى المائدة جلس بجانبهاقبل يدها وهو يقول : تسلم
إيدك

سلمى : ده حاجه بسيطة

يحيى : لا إزاي فول وبيض مسلوق وبيض مقلي وسلطة وجبنة
وشاي

سلمى : اممممم عملت البيض نوعين لإني مش عارفة إنت
بتحب أي نوع

يحيى : بحب النوع اللي من إيد سلمى

سلمى : طيب يلا بقه علشان ما يبردش

يحيى : على فكرة أنا حافظر وأنزل كده أقضي كام مشوار
.....عايز أرجع بقه الأقي مراتي موضبالي أحلى غذا
.....طماع أنا صح

سلمى : طماع علشان طلبت غذاأصلا أنا زهئانه
وعايز أشغل نفسيتحب تاكل إيه

يحيى : مش حاتقل عليكيمكرونه بشاميل من إيدك
الخلوة دي

سلمى : ياه بس كده على بال ما تيجي حتلاقيها جاهزة
يحيى : فاكرها ولا حنجيب كتاب أبله نظيرة
سلمى وهي تضحك : لا متخافش فاكراها

يحيى : بموت في ضحككبتخطف قلبي

سلمى وقد نظرت له في خجل وإبتسمت فأمسك بيدها وتابع : انا
مش عايز أنزلقال ذلك وهو ينظر لها بعيون يملؤها
الشوق فقالت بارتباك : لا خلص اللي وراك بقه ولا إنت خايف
المكرونه تطلع وحشة

يحيى : القمر يعمل حاجة وحشة !!! مستحيلمش
حتأخرسلام يا حبي

سلمى : سلام

وبالفعل شغلت سلمى نفسها بإعداد الغداء ولكنه لم يأخذ كل وقتها
فنظرت حولها ولم يعجبها منظر المكان فشمرت عن ذراعها

وبدأت بتنظيف المكان من كنس ومسح وخلافه
.....لتقتل الوقت .

عاد يحيى وقد وجدها قامت بالتنظيف والأرض ما زالت رطبة بعد
مسحها

يحيى : يا خبر إيه ده ليه تعبتي نفسك

سلمى : لا تعب ولا حاجةخليني أضيع الوقت

يحيى : إتفضلي

قال ذلك وهو يعطيها علبة صغيرة

سلمى : إيه ده

يحيى : إفتحها

فتحت سلمى العلبة لتجد بداخلها دبلة أنيقة وقد رصعت بأحجار
صغيرة من الألماس نظرت له في دهشة فتابع

يحيى : كنت المفروض حاوسع الدبلة بس دي عجبتي قوي
.....أحلى دبلة لأجمل وأرق إنسانة في الدنيا

امسك يحيى بالدبلة وأبسها لها ثم أخرج علبة أخرى بها خاتم لا
يقبل قيمة عن الدبلة

سلمى : إيه يا يحيى ده كله

يحيى : ده حاجة بسيطةبكرة حا عوضك عن كل
حاجة سيبناها هنا

الفصل التاسع

بعد مرور عدة أيام

خرجت مريم من المشفى كانت لا تزال على حالها
.....صامتةشاردةقررت أمها أن
تخرجها من هذا المكان والعودةربما تتحسن إذا
ابتعدت عن تلك البلدةجلست بجانب أمها في سيارة
الأجرة متجهين للمنزل بعينين متحجرتين وملامح تائهة
.....نظر لها أحمد في حيرة ثم قال بعد أن وصلوا
للمنزل : انا حاروح القسم وبعدين أرجع تكوني جهزي
وأوصلكوا المحطة

هناء بعين باكية : طيب يا بني حتسب جودي كده

أحمد : جودي بعد ما حضرتك توصيلها لماما هي حتاخذ بالها
منهالكن أنا ماقدرش أمشي من هنا وأسيب سلمى
.....ماقدرش

نظرت هناء له والألم يملأ قلبهاتوجه أحمد
للقسم أملاً في سماع أي جديد وخوفاً من سماع أي جديد
.....

الضابط : اهلا إتفضل يا أستاذ أحمد

أحمد : في جديد يا حضرة الضابط

الضابط : الحقيقة في

أحمد : خير

الظابط : إحنا عرفنا الأرقام اللي إتصلت بتليفون مدام سلمى
واللي برده إتعملت منه

أحمد : وبعدين

الظابط : الحقيقة تقريبا يومها رقم وحيد هو اللي كلمها ولما
عملنا تحرياتنا إكتشفنا إنه خط مسروق من ست كبيرة وهي
سابتة وكسلت تبلغ

أحمد : إيه

الضابط : الرقم ده كلمها مرتين يوم الحادث.....مرة الظهر
ومرة بالليل تقريبا الساعة عشرة

أحمد : يعني بعد ما خرجوا كمان

الظابط : كمان لما زدنا جهودنا وبطريقة محترفة وصلنا
للموبايل اللي اتعملت منه المكالمة لقيناه مع طفل من أطفال
الشوارع بيقول لقاها في الشارع

أحمد : يعنيده معناه إيه

الظابط : معناه ان اللي كلم زوجته كان عارف اللي يحصل
وعشان كده قطع كل خيط يوصلنا ليها.....معناه إن زوجة

حضرتك إختفائها مش صدفة.....ده مع سبق

الإصرار.....الأمل الوحيد عندنا في مريم

.....هي اللي عارفه مين إتصل بيها وقالها إيه وخرجوا

راحوا فين

خرج احمد من القسم وهو في حالة ذهول.....من إتصل
بسلمى.....من يود أذية زوجته.....ماذا
تعرف مريم؟؟؟

كانت تنظر له وهي تبكي بإضطراب شديد.....وترتعث
لمجرد إقترابه منها.....فقد أحمد اعصابه وهو يقول : يا
مريم أرجوكي.....أنا عايزة أعرف حصل إيه ومراتي
ممكن تكون فين.....إتكلمي يا مريم خرجتوا رحتم فين
.....مين إتصل بسلمى

كانت مريم ترتعث وهي تنظر له في رعب فهي لم تكن تراه كانت
تري شخص آخر.....نعم آخر عاد وسيهاجمها مرة
أخرى ظلت تصرخ بهيستريا شديدة وهو يقف مذهولاً أمامها
.....إحتضنتها أمها ونظرت نحوه بغضب الأم الخائفة على
إبنتها : سيبنا يا بني.....سيبنا يا بني الله يسهك
.....كفاية اللي حصل لبنتي.....حرام عليكم
.....حرام عليكم

أخذ أحمد طفله الصغيرة ونظر نحو مريم في حزن ورجاء ثم
خرج.....

وفي مكان آخر على رصيف الميناء طغا صفير الباخرة وهي
تعن الرحيل على كل الأصوات.....همهمة الناس
.....التحيات وكلمات الوداع.....كانت تقف
وحيدة.....لا يوجد من يودعها.....هل يوجد

من سيفتقدتها أو يسأل عنهانزلت دمعة من عيناها
فهي تترك مكاناً غريباً لتذهب لمكاناً أكثر غربة وقف بجانبها
وقال لها : يلا يا حبيبتي علشان ترتاحي في الأوضة
وضعت نظارتها الشمسية حتى لا يلحظ الدموع في عيناها
وإتجهت معه تاركةتاركة ربما ما لا تعلمه

.....
كانت غرفة أنيقة بفرش وثيرتقدم منها وطبع قبلة
صغيرة على وجنتها وقال : إرتاحي وغيري هدومك
.....ساعتين ونتعدى في المطعم وبعدين تتفرجي على جمال
البحر

سلمى : حاجة تخوف

يحيى : إيه

سلمى : حاجة تخوف لما تكون في وسط البحرمفيش
حواليك غير الميةمفيش أرض صلبة تمشي عليها
.....هو انا كنت بخاف من البحر يا يحيى

نظر لها بعمق وظل صامتاً للحظاتنعم فلطالما
خافت سلمى من البحرطالما أخبرته أنها كانت تقف
على الشاطئ دوماً لا تستطيع أن تقرب المياهكم
تمنى في أحلامه أن يحملها ويغوص بها في المياه وهي تشعر
بالآمان بين يديهنظر لها نظرة حانية ثم قال :
أيوه كنتي بتخافي بس لما كنت بشيلك وانزل بيكي المية كان
الخوف بيروح علشان انا معاكي

إحتضنها يحيى وملس على رأسها وقال : طول ما يحيى جنبك
متخافيشمتخافيش من أي حاجه

خرج وتركها لترتاح ووقف ينظر لأمواج البحر المتلاطمة التي
تظل تتخبط ووتتصارع حت تصل نحو الشاطئ معبرة عن قوتها
بل معنة عن إنتصارها.....

أغمض عيناه وتذكرعاد بذهنه عشر سنوات إلى
الوراءنعم فالنظرة الاولى كانت منذ عشر سنوات
.....

وُلد يحيى في قرية صغيرةوبعد مرور سنوات إنتقلت
العائلة للقاهرة حيث توفر للوالد عمل كحارس لأحد العقارات
.....كان يحيى وقتها ما زال طفلاً لم يتعدى عامه الحادي
عشرتغيرت طباع يحيى كثيراً منذ إنتقاله
للمدينةتأثر بزحامهاصخبها
.....السيارات الفارهة والملابس الأنيقة
.....ومع مرور الوقت أصبح يحيى طفلاً متمرداً
.....يتذكر يحيى جيداً العلقة الساخنة التي لقنها له والده
بعد أن قام بقيادة سيارة أحد قاطني العقار التي كان موكلاً
بتنظيفها وعلى الرغم مما أصابه بعدها توبيخ وإهانة ليس من
والده فقط بل أيضاً من مالك السيارة إلا أن تلك اللحظات التي قاد
فيها السيارة كانت أسعد لحظات حياته عندها علم ما يحتاجه
.....إنه المالمفتاح الحياة السحري الذي
تُفتح به كل الأبواب المغلقةومع مرور السنوات

تحول يحيى لباحث عن المال سلك كل الدروب من أجله
.....دروب الشر قبل دروب الخير .

كانت الحياة تمر أمامه أيام تلو أيام يتحرك ببطء في
دراسته التي ربما كان يستند عليها رغبةً في كسب إحترام الناس
.....حتى جاء يوماً مشمساً كان يدخن سجائره بشراهه
أمام مدخل العمارة السكنيةفقد أصبح شاباً في
العشرين من عمره على قدر لا بأس به من الجاذبية يرتدي ثياباً
لا بأس بها على الرغم من وضع عائلته المتواضع إلا أن المال
كان قد سلك لجيبه طريقاً.....

توقفت سيارة فارهةإنها عائلة صغيرة ستقطن أحد
الشقق بالعقاررجل بملامح شديدة الصرامة يبدو في
العقد الخامس من عمره نظر ليحيى بإزدراء شديد و شابان يبدو
انهم من سن يحيى ربما أكبر أو أصغر بعام لا يختلفان في
الملامح عن الوالدو زوجة جميلة جميلة
جداً تمسك بيدها فتاة عندما رآها دق قلبه بعنفلم
يرى مثل حسنها طوال عمرهشعرها الأسود المسترسل
على ظهرهابشرتها النقيةإبتسامتها
.....أناملها الصغيرة..... عيناهالم
يستطع أن يحيد نظره عنها غير مبالٍ بوالدها ولا أخاها
.....من حسن حظه لم يلحظ أحد سهام بصره الموجهه
نحوهالم تلاحظ تلك الصغيرة ذات الخامسة عشر ربيعاً
هذا الشاب المتيم بها من أول لحظة .

الفصل العاشر

بعد مرور عدة أسابيع كان يحيى قد عرف كل شئ تقريباً عن تلك العائلة..... فالأب مهندس بترول يقضى أغلب وقته بعيداً عن المنزل . فغالباً ما يمضي معهم أياماً معدودة ثم يكمل بقية الشهر بعيداً في الصحراء ليتابع عمله والشابان الصغيران أحدهما بكلية الهندسة بالسويس والآخر يصغره بعام..... أمنية الأب أن يعملوا معه في نفس المكان و الزوجة تتميز بجمال مبهر..... يلحظة كل من يراها من أول وهلة..... ويبدو أن زوجها كان يغار عليها بشدة فكان يضع لها العديد من القواعد والشروط في غيابه..... وهناك الابنة الصغرى..... من خطفت قلبه منذ أول وهلة..... سلمى..... ذات الخمسة عشر ربيعاً..... جميلة كأماها بل هي أجمل بل هي أجمل من رأت عيناه..... كان يراقبها من بعيد..... يختلس بعض النظرات عندما يراها في الشرفة والهواء العليل يعبث بخصلات شعرها فتتطاير في الهواء وهي تحاول أن تزيحها بأناملها الرقيقة من فوق عيناها..... في البداية لم تلاحظه ولكن بعد فترة لاحظت هذا الشاب الأسمر الذي يتتبعها بنظراته كلما رآها وبعد وقت قليل علمت أنه ابن حارس العقار.....

يحيى هذا الشاب اليافع بشرته
السمراء ملامحه الجذابة الرجولية بنفس
الوقت عيناه التي تتميز بلون العسل الفاتح
..... لا تعرف ماذا إصابها لم تكره إهتمامه
..... فالمرأهقة الصغيرة كانت سعيدة بتلك النظرات التي
تُصوب نحوها دون إنقطاع النظرات إنها
أيقونة العشق فيها يعلن العاشق عن نفسه بها تبدأ
قصة وتنتهي رواية وما أجمل أن تشعر الفتاة بأنها
مرغوبة وأن هناك من يعشق ظلها ينتظرها
..... يتمناها وسلمى ليست كأي فتاة فهي الصغيرة مدللة
أمها بعيدة كل البعد عن الأب بجديته المعهودة وطباعة الغليظة
..... كانت تشعر بالحرية كلما ابتعد أبيها عن المنزل وإنشغل
أخوها بالدراسة والإستذكار فكانت تقف في الشرفة
مستمتعة بنسمات الهواء العليل أولاً ونظرات يحيى ثانياً
.....

وجاءت المرة الأولى التي تراه فيها عن قرب كانت
تنزل مسرعة على السلالم وتحمل بيدها بعض الكتب والأوراق
عندها إصطدمت به فجأة شعرت أنها حقاً صغيرة أمام
هذا الشاب اليافع ذو العشرون ربيعاً وقعت أوراقها وتبعثرت على
الأرض فقام بجمعها سريعاً وناولها الأوراق وهو ينظر نحوها
بتأمل قائلاً : إتفضلي

كانت تلك المرة الأولى التي تستمع فيها لصوته إنه
صوت رجولي صوت دافئ ونظرة حانية

أخذت الأوراق بارتباك وإنطلقت غاضبة من نفسها.....

.....

ولكن يحيى كان في قمة سعادته تلك هي المرة
الأولى التي يتحدث فيها إليها يقترب منها لهذا الحد
..... استجمع أفكاره وإنطلق لعمله فقد كان يحيى يعمل مع
أحد تجار الهواتف المحمولة والإلكترونيات ولكن
كان يحيى يختص في غالب الأمر بالأعمال غير المشروعة
..... التهريب من الجمارك والتعامل مع البضائع
المسروقة أملاً في الكسب السريع كان قد أهمل
دراسته بل يكاد إنقطع عنها ولكن عندما ظهرت سلمى قرر العودة
للدراسة مرة أخرى ولكن بتكاسل وممل فالشهادة
الجامعية مطلوبة وخاصةً لشاب مثله ولكنها لن توفر له ما
يحتاجه من مال مال يُخرجه من قالب ابن البواب
لقالب صاحب الأملاك !!!!!!!

لم تمضي شهور وحدث زلزال هز كيان الأسرة الصغيرة
..... لسبب غير معلوم اشتدت الخلافات بقوة بين
الزوجين ليتم الطلاق وترحل سلمى مع أمها مرت
شهور كانت الأسوء له على الإطلاق رحلت من كان
يعشق النظر إليها لم يتحدث لها سوى مرة واحدة ربما
لم يقل سوى جملة واحدة ولم تقل هي شيئاً ولكنها سلبت قلبه
وعقله تلك الصغيرة التي ما زالت تخطو أولى
خطواتها في عالم الأنوثة ولكن بعد عام من الرحيل

عام لم تغيب فيه عن تفكيره بل ظلت قابضة في عقله تأبى الخروج
..... عادت سلمى عادت وقد أصبحت أكثر حسناً هي
الآن في السادسة عشر ربيعاً جميلة كالأميرات لكن بوجه
حزين لا يعلم التفاصيل لماذا رحلت وكيف عادت
..... كل ما يعلمه أن هناك عجوز جاءت لتحل محل الأم
..... إنها الجدة والدة أبيها و علم أن الأم ضاق
بها الحال وتزوجت من آخر ولهذا أخذ الأب منها سلمى
..... عادت سلمى وتركت ضحكتها مع أمها

كانت تنظر بشروء لكتابها عندما دخلت الجدة عجوز
تعدت الخامسة والستون من العمر ورث عنها الإبن
طباعة الغليظة هو وحيدها ترملت صغيرة
وقضت عمرها في تربيته وتنشئته فأصبحت الأب
والام ووضعت حولها وحوله جداراً من الغلظة والتشدد رغبة في
النجاة داخل دروب الحياة الصعبة مرت الأيام ثم تزوج
الإبن بأم سلمى عن غير رضاها فالأم لم تحب يوماً تلك
الزوجة الجميلة التي سلبت عقل ومشاعر إبنها في وقت بسيط
ومع مرور السنوات لم تكف عن الشكوى منها
..... شعرت بالراحة عندما تم الطلاق غير عابئة بالأبناء
..... راهنته على أن الزوجة الجميلة لن تصبر على الحياة
القاسية شهور معدودة وستهرع للبحث عن زوج آخر وعندها لا
يجب أن يترك لها إبنته تعبت بعقلها وتسى تربيتها وهكذا عادت

سلمى لتجد نفسها في وقت قليل وحيدة مع الجدة بعد رحيل
أخواها للدراسة في جامعة بعيدة في السويس مثل عمل أبيها

.....

الجدّة : في حد يذاكر على السرير

سلمى بتحدي : اناأنا يذاكر على السرير

الجدّة : إنتي عندك شهادة يعني تعودى نفسك على المذاكرة
الشديدة من دلوقتي وإلا حتخيبي زي أمك

نظرت لها سلمى بغضب فهي دائماً ما تتعمد إهانة أمها قالت
بغضب : تيتة لو سمحتي عايزة أذاكر

نظرت له العجوز بحنق وتركتها وذهبت للنوم.....شعرت

سلمى بالضيق تركت الكتاب وإتجهت للشرفةنعم

البرد قارس ولكنها تريد الإستمتاع بالهواء الطلق

.....إنه هوكان ينظر نحوها بشوق

.....فقلما كان يراها منذ عادتلم يتخيل أنه

سيرى وجهها في تلك الساعة المتأخرةظل ينظر

نحوها بثقة وكأنه يقول لها إفتقدتكأحبك

.....نظرت نحوه بدورها ولكن نظرة بدون معني ثم عادت

للداخل وأرغمت نفسها على النوم

وهكذا مرت الأيام بينها وبين جدتها بين شد وجذب
.....وحب يحيى الصامت حتى جاءها إتصال علمت منه ان
أمها دخلت المستشفىهرعت غير عابئة بتوعد جدتها
لخروجها دون إنتظار إذن أبيهاعادت باكية حزينة
على أمها التي على ما يبدو ستلزم الفراش طويلاً مع مرض لعين

.....
- أبوكي وصل يا سلمى وهو بقه حيعرف يتصرف معاكي
.....قالتها الجدة بغضب

الأب : إيه يا سلمىإزاي تخرجي من غير موافقة
جدتك وموافقتي

سلمى بتحدي : يعني لما أعرف إن أمي في المستشفى المفروض
أعمل إيه حتى لو مش فارقة معاك هي أمي وتفرق معايا
الجدة : لا وواضح إنها علمتك البجاجة وطولة اللسان

نظرت لها سلمى بحنق شديد وهمت تغادر المكان ولكن توقفت
على صوت أبيها وهو يزعق : سلمىكلام جدتك
يتسمعهي مكاني في البيتخروج من
غير إنها مفيشمفهوم ولا تقدي في البيت خالص ولا
مدرسة بقه ولا دروس ولا حتى زيارات أمك

دمعت عيناها وشعرت بضعفها أمامهم فقالت بإستسلام : مفهوم
وهكذا دخلت غرفتها وحيدة مع دموعها تشعر بأنه لا يوجد من
يكثرث بمشاعرها في هذا السجن

وكانت المفاجئة فبعد وقت قليل رحلت الأم عن عالم الأحياء
.....كرهت سلمى بعدها جدتها بشدةواعتبرت

أنها كانت الحاجز بينها وبين قضاء أطول وقت ممكن مع أمها
..... كانت كلماتها صادمة للوالد الذي دخل الغرفة
فوجدها تقف في مواجهة جدتها وتقول بصوت باكي : إرتحتي
الجدة : بتقولي إيه

سلمى : ماتت وسابت الدنيا كلها علشان ترتاحي عمرك
ما حبيتها ولا حبتيني

الجدة : إنتي إزاي تكلميني كده يا بنت

سلمى : مش حسامحك أبداً إنتي وقفتي حاجز بيني وبين أمي
..... عمري ما حسامحك

والد سلمى في ذهول : سلمى إنتي إزاي يا بنت
تتكلمي كده

سلمى : إرتحت يا بابا ضميرك مرتاح لما سمعت كلامها
والد سلمى : إنتي بتقولي إيه

سلمى : أنا عارفة كل حاجة سمعتكوا متديهاش
فلوس مش هي مسؤولة من جوز يصرف على عياها
..... فاكرة كلامها بالحرف امي كانت محتاجة
فلوس علاجها وإنت بخلت عليها نظرت سلمى نحو
جدتها نظرة نارية مملووة بالشر ثم تابعت : إنتي السبب في
موتها ياريتك إنتي اللي موتي وهي عاشت

لم تشعر سلمى بعدها إلا وكف والدها ينزل بسرعة البرق على
وجهها نظرت له باكية في ذهول وتركتهم وهرعت
لغرفتها .

شعر الأب بالندم للحظاتإبنته الصغيرة في حالة
يرثى لهاوتحتاج لبعض اللين في هذا الوقت بالتحديد
.....و سلمى قضت ليلتها في بكاء ولكنها أخفت في
نفسها أمراً من الجنونانتظرت حتى خلد الجميع للنوم
ودخل الثلث الأخير من الليل وتحركت على أطراف قدمها بهدوء
.....حاملة حقيبة صغيرةوفي نيتها الهروب

الفصل الحادي العاشر

كان يحيى قد إقترب من المنزل عندما شعر بخيال يتحرك في
الظلامبرقت عيناه عندما رآهانعم
إنها سلمىماذا تفعل بالخارج في هذا الوقت المتأخر
.....لم يدر بنفسه إلا وهو يلحق بها مسرعاً
.....إعترض طريقها ونظر لها في دهشة وقال : رايحة
فينإيه اللي مخرجك دلوقتي
نظرت له في غضب فلاحظ أن عيناها إغرورقت بالدموع نظر لها
نظرة حانية وتابع : في إيه
قالت وهي غاضبة : وإنت مالك

تخطه وتابعت طريقها ولكنه هرع خلفها مرة أخرى وأمسك
بذراعها بقوة وهو يقول : سلمى إستني

سلمى : إنت إتجننت سيب إيدي

يحيى : آسف ممكن تستنيرايحة فين بعد نص الليل
لوحذك

سلمى : إنت شخص عجيب جداً وإنت منين ليك حق إنك تسألني
وتتكلم معايا أصلاً

لم تكذ تنهي سلمى جملتها حتى سمعت بعض الخطوات تقترب
منهم في إصرارشابين بمظهر غير مريح على
الإطلاقإقتربوا منهما في ثقة وقال أحدهم : مساء
الفلللللللللل

يحيى في غضب : نعم !!!!!!!!!!!!!!!

الشاب : مبكلمكش إنت بكلم القمر

يحيى : والله طيب سمعني صوتك بقه يا خفيف

أمسك يحيى بذراع الشاب بقوة ليثنيها خلف ظهره ويقوم بلويها
فما كان من الشاب أن صرخ من الألمعندها إقترب
الآخر وقام بجرح يد يحيى بآلة حادة يحملها ثم فروا هاربين

فزعت سلمى من منظر الدماء وعندها قامت بخلع وشاح أزرق
اللون كانت قد لفته حول رقبتها وبدأت بوضعه على جرحه سريعاً
وهي تقول : يا خبرإنت بتنزف جامد

يحيى : مش مشكلة بسيطةيلا إطلعي على البيت

سلمى : أيوه بس

يحيى : بس إيهاللي حصل ده عينة بسيطة من اللي
ممکن تواجهيه لما تنزلي لوحدك في وقت زي ده
.....عارف وفاهم اللي إنتي فيه بس الهروب مش
حل

نظرت له في دهشة فتابع بتقة ونظراته مرتكزة عليها : تصبحي
على خير

تركته وعادت لمنزلها مسرعة وقد فهمت أن ما بداخل يحيى أكثر
من مجرد نظرات

إستلقت على فراشها تفكر في ما حدثماذا لو
إستطاعت الهروبأين كانت ستتجهفالعلاقة
بأقاربها محدودة للغايةماذا لو كان حدث لها شيئاً
بغياًكيف كان سيشعر أبيهاهل كان سيحزن
من اجل عصفورته الصغيرة كما كان يناديها سابقاً أم كان
سيغضب من الشيطانة الصغيرة كما تناديها جدتها حالياً
.....هل حقاً هناك من يهتم لأمرها في هذا البيت
.....يحيى إنه يهتم لأمرهاتري ذلك بوضوح في
عينيهنعم هو يحبها كثيراً

في الصباح قررت النزول مبكرة للمدرسةهي تكره
المكوث بهذا المنزلرأتهكانت يديه ملفوفة برباط
أبيض من الشاش نظرت له في حزن وقالت : إيدك عاملة إيه
دلوقتي

يحيى : تمام متقلقيش أنا واخذ على كده

سلمى : واخذ على كده !!!!!

يحيى مبتسماً : اه

سلمى : ليه بتتخاق كل يوم ولا بتدور كل يوم بالليل على حد
تنقذه

يحيى : لا مش للدرجة ديظروف الشغل بقه
بتخليني أتعامل مع نوعيات كثير

سلمى : إنت بتشتغلخلصت دراسة

يحيى : لأ لسه ده وده

سلمى : برافو إنت في كلية ؟

يحيى : تجارة

سلمى : وبتشتغل إيه بقه

يحيى : بشتغل في التجارة برده مع تاجر في الموبايلات وكده
يعني

سلمى : اممممممم

يحيى : إنتي عارفة إسمي ولا لأ

سلمى : عارفة إسمك يا يحيى

إبتسم يحيى فهو الآن يعلم أنه غير مجهول بالنسبة لها تابع بعدها
: ياريت تاخدي بالك من نفسكأرجوكي

سلمى : إنت قتلي إمبراح عارف وفاهم اللي إنتي فيه عارف
إيه

يحيى : عارف إنك مش مرتاحه في البيت عارف أد إيه
مفتقدة مامتك اللي من ساعة ما مشيت والضحكة سابت
عينكي

نظرت له وقد إغرورقت عيناها بالدموع : إنت إنت
..... بتقول إيه

يحيى وقد نظر لها بثقة : بقول الحقيقة

في تلك اللحظات مرت مدام عنايات إحدى قاطنات العقار نظرت
لهم بإزدراء شديد بعدها قال يحيى بضيق : مينفعش نتكلم هنا
..... اللي طالع واللي نازل مش حنسلم من لسانه

سلمى : عندك حق المهم خد بالك من إيدك وغير على
الجرح

يحيى : وإنتي خدي بالك من نفسك وإوعديني بلاش أفكار مجنونة
عايز أنام مرتاح قال جملة الأخيرة ونظراته موجهه
لها بعمق شعرت بالخجل فنظرت في الأرض وتابعت : حاضر
..... سلام دلوقتي

يحيى : سلام

كانت تجلس بالمدرسة شاردة لم تنتبه للدرس لاحظها
رباب إحدى زميلاتها

ورباب فتاة تعشق العيب تعددت علاقتها مع هذا وذاك
فأصبحت منبوذة نظراً للسمعة التي إكتسبتها ولكنها
كانت دوماً تحاول التقرب من سلمى

كانت رباب تكن مشاعر الغيرة دوماً نحو سلمى فهي
الجميلة التي يتهافت الجميع على إرضاءها تتذكر جيداً علاء أحد
أصدقائها الذي إنبهر بها بمجرد رؤيتها وطلب منها على الفور أن
يتعرف بها ولكن سلمى رفضت بشدة وقذفت في وجه رباب
الحقيقة المؤلمة لست مثلك .

إقتربت رباب من سلمى في خبث وقالت : اللي واخذ عقلك

سلمى : هه

رباب : ياه يا بخته يا بخته هو مين ده مصر كلها
حتحقد عليه

سلمى : في دماغك إيه يا رباب أنا سرحانه عادي

رباب : على رباب ده مش سرحان عادي

سلمى : أنا قايمة إنتي فايقة ورايقة

رباب : لا أنا بس عندي خبرة في المواضيع دي يعني

إبقى إستشيرى حانفك ماتقلقيش علشان محدش

يضحك عليكى بس

سلمى : مفيش حاجه أصلاً علشان أستشيرك فيها

رباب : طيب خلاص متتترفديش عليا مش قصدي

سلمى : معلى يا رباب فعلا دماغى مشغولة شوية
عندك

فى منزل سلمى كان أبىها يشعر بالغضب مما حدث ليلة البارحة
ولكنه كان يعلم فى قرارة نفسه أن آخر ما تحتاجه سلمى فى
الفترة الحالية هو العنف عندها قرر الإتصال بهناء
خالة سلمى التى أبعدتها عن أبناءه بعد الطلاق من أهم وإنقطعت
العلاقة تقريباً بعد موت طليقته ولكنه وجد فى تلك الخالة بادرة
أمل لعودة البسمة لوجه ابنته بعد ان تبدلت وأصبحت كالقنبلة
الموقوتة المهيئة للانفجار

وبالفعل عادت سلمى للمنزل فى أحد الأيام لتجد خالتها وابنتها
الوحيدة مريم فى زيارة للعائلة شعرت بالدهشة ووالدها
يقابلها بوجه بشوش ويقول : تعالى يا سلمى سلمى على خالتك
وعلى مريم

سلمى : أهلاً يا طنط

هناء : إزيك يا حبيبتي وحشتني قوي

مريم : إزيك يا سلمى

سلمى : إزيك يا مريم

هناء : خلاص بقه وبقول قدام البشهندس مستنياكى تيجيلي
كثير دانتي حته منها

إغرورقت عينا هناء بالدموع وهى تتذكر أختها ثم نظرت لسلمى
وتابعت : حقك عليا يا بنتي مش قصدي أفكرك

سلمى : هو أنا نسيت أصلاً يا طنط علشان أفكر

مريم الصغيرة في محاولة لتغيير الموضوع : سلمى إنتي في ثانوية عامة صح

سلمى : اه

مريم : ربنا معاكي

سلمى : إنتي في سنة كام دلوقتي

مريم : ثانية ثانوي

سلمى : قربتي يعني

مريم : حنبقى صحاب

سلمى : حنبقى صحاب

غادرت هناء ومريم وشعرت سلمى ببعض السعادة لدخول خالتها حياتها مرة أخرىسعادة لمسها الوالد في وجهها على الفور فشعر بالرضى

نظر لها أبيها بحنان إفتقدته في السنوات الأخيرة ثم تابع : مش عايز أسافر وانا قلقانمش عايز مشاكل مع تيته

سلمى : حاضر يا باباعندذك ورايا مذاكرة

دخلت غرفتها التي تقضي بها أغلب أوقاتها وحيدة ولكنها لم تفتح كتبها بل إتجهت للشرفة تبحث عن يحيى الذي إعتادت نظراته العاشقة نحوها ثم أدمنتها

الفصل الثاني عشر

إختفى لأيام.....أصبحت تبحث عنه.....شعرت
بالسعادة عندما صادفته في ذلك اليوم.....كانت قد أنهت
لتوها درس خصوصي بأحد المراكز عندما وجدته أمامها لم تشعر
بنفسها وهي تقابل نظراته بإبتسامة.....إبتسامة شجعته
على الإقتراب منها عندها نظرت لها رباب بخبث وهي ترمق هذا
الشاب الوسيم الملامح وقالت لها : تعرفيه

سلمى : هه

إقترب يحيى في تلك اللحظة وبادر بقوله : إزيك يا سلمى

سلمى في إرتباك : اه.....أهلا

رباب : مش تعرفينا

سلمى : رباب صاحبتى وده يحيى.....قربينا

رباب : اهلا

يحيى : اهلا

رباب : طيب أمشي انا بقه وأسيبكم براحتكم

غادرت رباب على الفور وسلمى ترمقها بنظرات غاضبة لاحظها
يحيى الذي بادر بالقول : آسف.....ضايقتك

سلمى : لأ هو بس هي حتفهم غلط

يحيى : أنا كنت بس عايز أتكلم معاكى.....مكملناش كلامنا
آخر مرة

سلمى : صحيح إنت مختفي بقالك كام يوم
نظر لها نظرة ذات مغزي وإبتسم قائلاً : كويس يعني لاحظتي إني
مختفي

سلمى وقد بدا الإحمرار على وجهها : هه

يحيى : ممكن نتمشى شوية

سلمى : لأ مينفعش

يحيى : طيب نتكلم فين وبعدين ده مكان عام

سلمى : أنا متشكرة لموقف الشهامة اللي عملته معايا لكن
.....

يحيى : أنا مش طالب اتكلم معاكي علشان موقف الشهامة ده
موقف عادي أي حد مكاني كان حيعمله

سلمى : طيب عايز تتكلم في إيه

يحيى : إنتي رافضة تتكلمي معايا علشان أنا إبن البواب صح

كانت جملته صادمة.....مباشرة.....تلمس جزء
كبير من الحقيقة.....ظلت صامته لوهلة ثم قالت : لأ مش
الفكرة.....أنا مينفعش أتكلم مع شاب غريب

يحيى : عموماً أو عدك مش حضايك تاني.....كنت اتمنى
تعتبريني صديق.....تفضفضي معاه مشاكلك

سلمى وقد غضبت : مشاكل إيه إنت تعرفني منين علشان تعرف
مشاكلي وإزاي تتكلم معايا كده أصلاً

يحيى وقد نجح بخبث في جذبها للحوار : أنا باسم خناقاتك مع
جدتك بشوف دموعك وإنتي نازلة من البيت أنا
أكثر واحد في الدنيا حاسس بيكي علشان أنا كمان بيتي سجن بس
حارج منه حعيش الدنيا زي منا عايز مش زي
ماهما عايشين

سلمى وقد بدا التأثير على ملامحها من حديثه : إنت غريب قوي
يحيى : إزاي

سلمى : كلامك شكك لبسك يعني أكنك
.....

يحيى : كملي مكسوفة ليه أكني ابن ناس مش ابن
البواب

سلمى : آسفة أكيد مش قصدي كده بس فكرة إنك
مختلف عن باباك ومامتك وإخواتك

يحيى : ده لإني قررت ومن زمان أكون مختلف مش حعيش في
القالب الضيق بتاعهم ولو الدنيا إدتني ضهرها حافتح
دراعتي وأخدها في حضني وحاوصل حابقي
ملك وساعتها حط الدنيا دي كلها في علبة وأقدمها لحبيبتني
قال كلمة حبيبتني وهو ينظر نحوها بقوة قاصداً أن يصلها مغزي
كلمته نظرت له لوهلة ثم قالت بصوت منخفض : ياه
ياريت أقدر اعمل زيك

يحيى : ركزي بس في مذاكرتك إنت ثانوية عامة السنة دي
سلمى : اه فكرتني

يحيى : نفسك تدخلني كلية إيه

سلمى : أي حاجة مش فارقة

يحيى : إنتي حتعملي زيي ولا إيه طيب انا مركز في الشغل وقتلت
الكلية شهادة على الحيطرة

سلمى : كلمة بابادايماً لما حد يسأله عني يقول سلمى
مش مهمشهادة على الحيطرة في الآخر مسيرها للجواز
عكس إخواني لازم هندسة ويشغلهم معاه

يحيى : مالكيش دعوة ب بابا إنتي عايزة إيه

سلمى : عايزة أروحالكلام أخذنابس بجد
برافوا عليك أتمني ليك التوفيق

يحيى وقد ابتسم ونظر لها بثقة : حنشجع بعض

سلمى : على إيه

يحيى : على المذاكرة علشان أخلص كليتي وأركز بقه في الشغل
وإنتي كمان تدخلني الجامعة

سلمى : إنت ذكي قوي خلنتي اتكلم معاك بقالي ربع ساعة اهو
بعد ما كنت حامشي

يحيى : مش ذكاءإصرار

سلمى : سلاملازم أمشي

يحيى : اوكيهلنا لقاء آخر

سلمى مبتسمة : سلام

غادرت وتركته سعيداً.....فهي الآن ليست مجرد سراب
ينظر نحوه من بعيد.....بل واقع إقترب منه كثيراً

مرت الأيام متشبهة.....الحوار بين سلمى وجدتها يكاد
يكون مقطوعاً.....تكاد تعيش وحيدة حتى عندما يعود
والدها في أجازته الدورية.....كانت الكلمات بينهما قليلة
مقتضبة.....جافة.....لم يكن هناك جديد سوي
خالتها هناء ومريم.....إقتربت من الأسرة الصغيرة.....
فقط أم وإبنتها تركهم الأب ورحل عن عالم الأحياء منذ زمن
.....أصبحت صديقة لمريم.....تقص لها كل شئ
ولكن لم تخبرها عن يحيى.....وماذا ستخبرها.....لا
يوجد ما تخبرها به ولا سيوجد ما تخبرها به.....قالت لها لنفسها
في إصرار.....حتى جاء يوم رآته فيه كانت عائدة للمنزل
باكية بشدة.....إعترض طريقها وعلى وجهه علامات
القلق وقال في لهفة : سلمى.....في إيه

سلمى وهي تبكي بشدة : مفيش

يحيى في إصرار : لأ في قولي خضتيني

سلمى : الموبايل بتاعي إتسرق.....مش حخلص من تيته
دلوقتي لما تعرف

يحيى : طيب إهدي إيه اللي حصل إتسرق منك إزاي

سلمى : كنت مروحة من الدرس وماسكاه في إيدي جه واحد
راكب عجله وخطفه من إيدي وجري

يحيى : دلوقتي.....كنتي في شارع إيه

يحيى : الحمد لله

سلمى : جبته إزاي

يحيى : إعتبريني محظوظ

سلمى : ده أنا اللي محظوظة

يحيى : لا أنا اللي محظوظ علشان واقف قدامك دلوقتي

شعرت بالخجل من نظراته نحوها فتابع بثقة : روي بقه علشان
متأخريش

تركته وعادت لمنزلها سعيدة وإستطاع أن يحتل عقلها طوال اليوم
.....حتى جاءتھا مكالمة على هاتفها الجوال من رقم
غريبكانت الساعة قد قاربت على العاشرة مساءً
.....داخل غرفتها المغلقة ردت بحذر لتجد صوته الدافئ
يحدثها قائلاً : الرقم معايا مقدرتش ماتصلش وأسمع صوتك

سلمى : يحيى !!!! إنت جبت الرقم منين

يحيى : إنتي ناسية إن الموبايل كان معاياإتضايقتي

سلمى : كنت أفضل تطلبه مني

يحيى : كنتي حتوافقي

صمتت لم تجبه تابع بعدها : ممكن تطلعي البلكونة

سلمى : نعم

يحيى : مش عايز غير إني أشوفك بس قبل ما انام
.....ممكن

سلمى : لأ طبعا ماينفمش

يحيى : أرجوكيده طلب صغير أشوفك بس دقيقة
.....مستاهلش

سلمى وقد بدأت تتصاع لرغبته : حاطع بسرعة وأدخل تاني
عطول

يحيى : ماشي

خرجت للشرفة فوجدته يقف منتظراً.....نظر لها بشوق
وظل صامتاً والهاتف مازال بيده قالت بعدها في إرتباك

سلمى : خلاصتصبح على خير

لم يجب ظل ينظر نحوها صامتاً تابعت : يحيىيحيى
قال بصوت هادئ : معلى لما بشوفك بانسى الكلام

إبتسمت له بخجل ثم أغلقت الهاتف وكانت تلك هي الليلة الاولى
التي يزورها في أحلامهاوهكذا تغل يحيى داخل
حياتهاأصبحت المكالمات يومية ثم تبعها اللقاءات
.....لتجد نفسها بعد فترة داخل قصة حب عشقها بجنون
وعشقت عشقه

الفصل الثالث عشر

نظرت لها مريم نظرة لوم بمجرد أن دخلت معها غرفتها

.....

سلمى : إيه يا مريومه مالك

مريم : مين ده اللي كان بيوصلك يا سلمى

سلمى : هه

مريم : انا شفتكم من البلكونة

سلمى : ده يحيى

مريم : مين يحيى

سلمى وقد بدا عليها التردد : حد من معارفنا

مريم : مين ده اللي من معارفكم يمشي معاك في الشارع

ويوصلك لحد هنا

سلمى : خلاص حكيك

وقصت سلمى على مريم كل ما يخص يحيىصمتت مريم

قليلاً ثم قالت : يعني مش فاهمة إيه شكل العلاقة

سلمى : هو بيحبنيبيحبني قوي

مريم : وإنتي يا سلمى بتحبيه ؟

سلمى : مش عارفة بس برتاح وأنا معاهبيهتم بيا

وبيسمعني ويفهمني

مريم : سؤالي واضح بتحبيه مستعدة تحاربي علشاناه

سلمى : أحارب !!!!

مريم : أمال إنتي فاكرة باباكي حيتقبل بسهولة علاقتك بيه
.....إنتي شايفة مستقبل للعلاقة أصلاًهو شايف
مستقبل للعلاقة

سلمى : مافكرتش كدهمافكرتش في بكرة وبعدين يحيى
وإنتي معاه ماتحسيش أبدأ إنه من طبقة أقل بالعكسده
بيلبس أحسن من ناس عندنا في العمارةلما بنخرج
مع بعض بيوديني أحسن أماكن

مريم : وهو معاه فلوس منين

سلمى بثقة : بيشتغل

مريم : إيهبيشتغل إيه يا سلمى

سلمى : على فكرة هو في كلية تجارة وبيشتغل مع الدراسة

مريم : أيوه شغل إيه ده بقه اللي بالثانوية العامة وبيجيب فلوس
كثير

سلمى : بيشتغل في تجارة الموبايلات

مريم : اوففففففففف مش مرتاحه يا سلمىالموضوع كله
مش مريح باباكي لو عرف حتبقى كارثةفوقي لنفسك
كده كلها شهر وخلص حتبدأي تروحي الجامعة
.....حتتعامل مع مجتمع أوسع وناس أكثر

سلمى : قصدك إيه

مریم : أنا شايفها علاقة مالهاش مستقبل يا سلمىمش
حتجيبك غير وجع الدماغ

إستمعت سلمى لكلمات مریم على مضض وأنهت زيارتها لهم
سريعاً لتقضي بقية الوقت مع يحيى

جلس يحيى مع أحد أصدقاءه وقد بدا على وجهه إنشغاله بأمر
مهم

سعيد : إيه يا يحيى مش مضبوط ليه

يحيى بعد تهيدة عميقة : مفيش

سعيد : طيب خذك نفس

يحيى : مليش فيه يا سعيد إنت عارف

سعيد : ماهو ده اللي حيظبتك الجمجمة

صمت لفترة ثم قال بعين لامعة : تصدق عندك حق

سعيد : إيه

يحيى : حيظبتني فعلا بس مش شربهسعيد عايزك

تعرفني بالمعلم شفيق

سعيد : ايه !!!! ليه يا عم السكة دي

يحيى : عايز فلوسموضوع التهريب في الخفيف ده

مش جايب همه

سعيد : بص يا يحيى صحيح إنت واد جدع وقلبك ميت بس
المخدرات قصة تانيةالوقعة بجون

يحيى : عارف بس تستاهل

سعيد : مش شرط شغلتي أنا مش جايبه همها

يحيى : لإنك مقضيها توزيع على ضيق وناس مش جايبه همها
لكن أنا مش عايز ده أنا عايز أبقى من رجالته أفوت في العمليات
الصعبة ميهمنيش

سعيد : شفيق بيحب الرجالة اللي زيكخليني أشوفه

يحيى : ماشي وأنا مستني الرد

كان يقف بجانبها أمام نهر النيلبقعتهم المفضلة
قال وهو ينظر نحو المياه : نفسي يكون النيل ده بحر

سلمى بدهشة : بحر

يحيى بنبرته الهادئة : اه بحرموجغضب
.....ثورةحركة

سلمى : ياه ليه ده كله

يحيى : مش عارف جايز علشان أنا كدهأنا شبه البحر

سلمى : ماتقولش كده

يحيى : ليه هو البحر وحش

سلمى وقد بدت نبرتها أكثر جدية : غدارالبحر غدار
.....انا بخاف قوي من البحر

يحيى وقد نظر لها باهتمام ثم قال : ليه بتخافي من البحر يا سلمى

سلمى : معرفشمن ساعة ما وعيت على الدنيا وانا
بخاف منهأتفرج عليه من بعيدلكن أدخل
جواه لألأ

يحيى : حتى لو معايا

نظرت له في صمت فتابع وقد أمسك بيديها : حتى لو شلتك
.....حوطتك بدراعتي علشان أحميكي برده حتفضلي خايفة

نظرت له بخجل وحاولت سحب كفها الصغير من بين يديه ولكنه
أبى بل ظل ممسكاً بها بقوةقالت له في عتاب وخجل :
يحيى

ظل مرتكزاً بنظراته عليهاطالما عشقت تلك
النظراتالتي تعبر عن عشقه الجارف ولكن مهلاً هل
حقاً يحيى مثل البحر تعشق هدوءه وقد تقتلك ثورته
.....أخرج من جيبه حلقة لامعة صغيرة ليضعها في إصبعها
الصغير نظرت له في دهشة وقالت : إيه ده

إبتسم ونظر لها نظرتة الواثقة وتابع : سلمى إنتي عارفة أنا
بحبك أد إيه

صمتت وهي تنظر للدبلة الصغيرة بإصبعها تابع بعدها : بحبك
.....عارف إنه صعب دلوقتي بس مش طالب منك غير إنك
تحطيتها في إيدك وإنتي في الجامعةمش عايز حتى حد
يفكر فيكي

سلمى : يحيى هو انا محتاجه دي علشان تفكرني مثلاً

يحيى : لا يا حبيبيطيب ماهو انا كمان جبت لنفسى
واحد عليها اسمك كمان وبتاعتك عليها اسميدي أول
هدية أجيبها ليكي يا سلمىدلوقتي ذهب بس أوعدك بعد
كده حتبقى أتماظ

نظرت سلمى ليدها مرة أخرىهي سعيدة بعاشقها
المجنون ولكن لا تعرف لماذا شعرت بإنقباضمر أحدهم
بكاميرا يدعو الناس لإلتقاط صورهمناداه يحيى بثقة
.....نهفته ولكن بلطف وقالت : يحيى حتعمل إيه

يحيى : إيه حنتصوريعني مناسبة زي دي خاصة بينا
إحنا بس متستاھلش صورةيا ريس

وهكذا وقف بجانبها في الكادرهو بسعادة طاغية
.....هي بملامح شادرةلم تفيق من شرودها إلا
على ضوء الفلاش

عن غير إقتناع ولكن من أجلهمن أجله فقط وضعت
تلك الحلقة اللامعة في إصبعهاهل عشقت هذا الشاب
.....أم عشقت عشقه لها

وفي غضون أشهر قليلة إستطاع يحيى أن يحتل مكاناً مميزاً داخل
عالم التجارة المحرمةكان لديه نهم شديد
للحصول على المالومن أجله خاطر بكل شئ
.....وفي الصحراء الواسعة غاص بعالم آخر

.....قبائل تقعات على تلك التجارة إختراق
الحدود وتهريب كل ما يخطر بعقل أو لا يخطر كان يبتعد
عن سلمى بعض الأوقات ولكنها كانت قابعة في قلبه
..... يراها أميرته التي سيضع كل ما يمتلك تحت قدميها
!!!!!!

ولكن قد تأتي الرياح بما لا تشتهي السفن فبعد سنة من
عشقهما المستتر إنكشف الأمر بمصادفة لعينة
..... أحد الجيران لمح هذا العشق الممنوع بين ابن الخادم وإبنة
المخدوم

كانت بغرفتها تطالع بعض الاوراق عندما دخل والدها وتسبقه
عاصفة هوجاء كانت عيناه تشع غضباً
..... حمراء مخيفة وقفت ونظرت
نحوه بفزع وتلجم لسانها وتوقف عقلها عن التفكير
.....

صفعة صفعة قوية من كفه على وجهها أفقدتها
توازنها فسقطت على الأرض باكية بكاء لم يرحمها
..... جذبها من شعرها بعنف وهو يصرخ : ماشية مع ابن
البواب يا بنت ال عايزة تفضحيني أنا
حاوركي يا سلمى

إنه الظلام.....ظلام شديد يحيط بها من كل جانب
.....ماذا حدث.....هل ستختفي سعادتها من جديد
صرعها أَرْضاً وهي ترتجف من الخوف وخرج كالمجنون
.....دخل ثائراً للغرفة الضيقة نظر له حارس العقار في
دهشة : خير يا بشمهندس

الآب : لم كراكيك وغور.....مش عايز أشوف وشك في
العمارة

الحارس بدهشة : ليه يا بيه

الآب : الزفت إبنك فين

الحارس : مين يحيى.....موجود

خرج يحيى وعلى وجهه علامات الصدمة.....إندفع الآب
الثائر موجهاً له اللكمات بمجرد رؤيته.....ولسانه ينطق بكل
ما يعرف من السباب.....

نظر له الآب ليجده غارقاً في دماءه.....ملاح وجهه إختفت
لا يوجد سوى كدمات.....وابيه يصرخ ويبكي حائراً
.....نظر له بإزدراء شديد ثم بصق في الأرض وقال :
كلب

لا تعلم هل كانت تلك البصقة هي القشة التي قسمت ظهر البعير
.....هي التي فجرت البركان.....وكتورة البحر في
غضبه إنتفض يحيى وإقترب من الآب الثائر برق له بعينه وقال :
حبها.....ومسيرها في يوم حتبقى ليا
.....حتبقى مراتي

الفصل الرابع عشر

حتبقى مراتي بعد تلك الكلمات

إبتعد الأب الغاضب فقد شعر أنه لا يتعامل مع
شخص عادي بل شخص مسه الجنون وهو ليس
كجنون روميو لا هو بعيد كل البعد عن روميو

ظلت حبيسة غرفتها لأيام ألم قلق
..... عقاب لا تعرف ماذا سيحدث وماذا سيحل
بها كانت تستمع لصراخ في بعض الأوقات
..... وسكون في أوقات أخرى همهمة
..... لوم من الأبن لأمه فقد ترك
الأبنة أمانة بين يديها ولكنها لم تصن تلك الأمانة ألفت
باللوم على أمها التي رحلت عن الحياة عندها علم
الأب أنه ليس هناك أمل مع أمه العجوز وفي غضون
أيام صدر قرار ستنتقل سلمى للعيش مع خالتها
..... التي أحاطها الأب علماً بكل ما حدث وطلب
منها مراقبتها جيداً وغادرت سلمى غادرت شرفتها
التي كانت تنتظر فيها نظراته وغرفتها التي شهدت أول احلامها
به

مرت أيام كانت خالتها فيها تراقبها كالصقر وتنتظر
لها بعين الشفقة وعين اللوم في وقت واحد

جلست أمامها هناء لوهلة قبل أن تتحدث كانت
سلمى تشعر بتوتر شديد فهي تعلم ما تنوي الخالة التحدث عنه
.....توتر جعل ملامحها غاضبة نظرت لها
هناء بإبتسامة لتكسر هذا الحاجز ثم قالت : ها حتفتحيلي قلبك ولا
حتفضلي ساكته

سلمى وقد بدت عليها الدهشة فقد كانت تنتظر فاصل من التوبيخ
يليه تعليمات ونصائح وإرشادات تنوي أن لا تستمع إليها
.....قالت بدهشة : إيه

هناء : مستنياكي تحكي

سلمى : أحكي إيه يا طنط

هناء : تحكي عن قصة الحب اللي خليتك تجازفي وتتحدى كل
التقاليد والأصول

سلمى : أنا إتحديت التقاليد والأصول ؟؟؟؟

هناء : طبعاًماهو مادام سمحتيله يخرج معاكي ويقرب
منك كده وإنتي عارفة خطورة ده يبقى إتحديتي التقاليد والأصول

سلمى بتوتر : أنا مفكرتش كده

هناء بنفس الهدوء : طيب فكرتي إزاي

سلمى : مفكرتشقربت منه وقرب مني بدون أي
تفكير أو تخطيط

هناء : منك أكيد لكن هو ؟

سلمى : هو حبنيحبني قويكان جنبي
في وقت محدش كان حاسس بيا فيه.....يكون ده
جزاءه

هناء : كنتي عايزة والدك يعمل إيه لما يعرف يا سلمى ياخده
بالحضنأصبحت ملامح هناء أكثر حدة وصوتها
أكثر جدية ثم تابعت : عايزة تتجوزيه يا سلمى
نظرت سلمى لها بتحدي : وإيه المشكلة لما اتجوزهإنه
فقير

هناء بنبرة واثقة وهادئة أيضاً : أكيد لأ الفقر مش عيب
.....مش هو ده السبب

سلمى : طيب إيه

هناء : لإن ببساطة في خطوط حمرا في المجتمع مش كلنا نقدر
نعديهايعني باباكي عمره ما حيناسب البواب
.....إنتي حتقدري تتعاملي إزاي مع اهله اللي أكثر من
مرة خدموكي اللي مسح سلم واللي شال ليكي شنطة

صممت سلمى وظلت شاردةتابعت هناء : طيب إنتي
مفكرتيش في ده لإنك ببساطة سنك صغير ومعنكيش خبرة في
الحياةهو بقه فكر ولا لأهو أكبر منك
بحوالي خمس سنين يعني المفروض إنه فكركان حيجي
يتقدم لوالدككان حيقدر وإن قدر اكيد كان واثق
إنه مش حيوافقكان حيعمل إيه
.....تفتكري يا سلمى كان حيجي اليوم اللي يطلب منك
تتجوزيه من غير رضى أهلك

سلمى وقد غضبت بشدة : وتفتكري يا طنط أنا البنت اللي تتجوز
من ورا أهلها

لا تعرف هل هي غاضبة من إتهام خالتها أم غاضبة
من نفسها أم غاضبه من تلك الحلقة اللامعه
المتزينة بإسمه التي أعطاها لها وكأنها رباط مبدئي بينهما

.....

إقتربت منها هناء ونظرت لها نظرةً حانية وملست على شعرها
وقالت : إنتي مش متخيله أوقات الواحد ممكن يعمل إيه بإسم
الحب ويفتكر إنه صح

نظرت لها بعين باكية ثم تركتها وجلست وحيدة بغرفتها

مرت أيام لا تعرف عنه شيئاً فقد قطع عنها والدها كل سبل
الإتصال حتى إستاطعت خالتها إقناعه بعودتها
للجامعة عودة مشروطة

قالت لها هناء بنبرة حانية : انا وثقت فيكي يا سلمى مش عايزة
أندم

وعادت لدراستها تحاول بشتى الطرق وضع تلك
التجربة وراء ظهرها حتى ظهر لها مرة أخرى

.....

كانت في طريق عودتها للمنزل وها هو ينتظرها وعيونه
تكاد تنطق بشوقه شعرت بالفرع خوفاً أن تلمحه هناء
أو مريم من الشرفة حاولت أن تتخطاه أن تهرب

ولكنها تبعها لمدخل العقارإعترض طريقها غاضباً وقال :
بتهربي مني يا سلمى

نظرت له بعيون باكية ثم أشاحت بوجهها عنه وإلتزمت الصمت
.....نظر لها بعيون حانية وتابع بنبرة رقيقة : حبيبتي
.....حصل إليهعملوا فيكي إليه

جففت دموعها ثم تلفتت حولها وتابعت : يحيى أرجوك لو خالتي
شافتك تحصلني مشكلة كبيرةساعتها بابا حيخليني
أسيب الكلية ويمعني من الخروج

يحيى : طبعاًأهم حاجة عندهم إني أبعد عنك
.....سلمى إحنا لازم نهرب

طغت ملامح الصدمة على وجههاقالت بغضب :
يحيى إنت بتقول إليه

يحيى : نهربلفظها بهدوء وثقة وبنبرة بطيئة رغبة في
التوكيد

سلمى : لأ مش ممكنمش أنا اللي أعمل ده
.....قالت ذلك وقد أخرجت من حقيبتها حلقتة اللامعه

يحيى في ذهول : لأ يا سلمىلأ

سلمى : أرجوك يا يحيىإنت متخيل لو بابا شافها
معايا ممكن يعمل فيا إليه

يحيى : متخافيش من حد أنا حميكي منه

سلمى : عندنك

تركته واتجهت للمصعد ولكنه تبعها بإصراروبثورة
غاضبه دخل خلفها وضغط على اعلى زر ليحتجزها معه لدقائق

سلمى : يحيىإنت مجنون بتعمل إيه

يحيى وقد اتسعت حدقة عيناه وأطال النظر إليها بشغف: مجنون
بيكي

سلمى : يحيى أرجوك إنت بتطلب مني المستحيل
.....إنت مش خايف عليا

يحيى : أنا بحبكمش قادر أتصور بعدي عنك يا
سلمى

إقترب منها بنية أن يقبلهانهفته بعنف
.....كان تلك هي المرة الأولى التي يرى فيها تلك
ال نظرة الغاضبة من عيناها شعر بخطأه وإستعجاله للأمور إبتعد
عنها ثم زفر بقوة وقال بنبرة أكثر هدوئاً : آسفأنا
بتصرف بجنون واضح إن دي لحظة الوداع

رق قلبها مرة أخرى نظرت له وقالت : وداعحتروح فين
يحيى وقد خرجت دمعة صغيرة من عيناهكانت تلك هي
المرة الأولى التي ترى فيها دمعه تأثرت بشدة وهي تستمع
لكلماته : حسافرمش خارج غير وأنا قوي
.....وساعتها حتكوني مراتي يا سلمى محدش حيقدر يقف
في طريقنامش طالب منك غير إنك تستيني
.....إستيني يا سلمى

وهكذارحل.....رحل تاركاً قلبه معها
يتذكر عبوره الحدود هارباً بمساعدة باولوالموزع
الذي كان يتعامل معه ويتسلم منه الشحنات المخدرة
.....كان باولو معجباً بجرأتهبذكاءه
.....بقدرته على تخطي الصعاب
.....وفي روما قدمه للباشاكما
كانوا يطلقون عليه هو الرجل الكبير
.....الملكلم يتوقع باولو أن هذا الشاب
الصغير سيصبح بعد سنوات قليلة ذراع الباشا الأيمن بل والأيسر
أيضاً

وفي تلك السنوات تغيرت سلمىأصبحت أكثر
إطمئناناً وهدوئاً بعد أن مكثت مع خالتها ومريموأصبح
يحيى ذكرى قديمة بالنسبة لها تختفي رويداً مع مرور الزمن
.....و ظهر أحمد وظهر حب قوي داخل قلبهاحب
العمر كما أطلقت عليه مريم لتتزوج وتتجب ملاكها الصغير
وتبتسم لها الدنيا أخيراً وليعود عاشقها المجنون فيجدها إقترنت
بغيرهفيثور كالبحر الهائج ولم لا يثور بعد أن
صادفته صديقة حاقة لتخبره أن سلمى تزوجت بعد عشق جارف
.....صديقة استطاع شراءها بحفنة من المال وتهديدها بليلة
ماجنة

دخل الغرفة ليجدها قد إستغرقت في النوم نظر لها وقال محدثاً
نفسه : بحبكبجنونوبنتقم منك في نفس
الوقتليه يا سلمى نستينيليه بعني

حبيبس خلاص سلمى اللي نسييتي خلاص ماتت
دلوقتي مفيش غير سلمى مراتيعقلك و قلبك ملكي
يا سلمى ملكي أنا وبسإنتي كلك ملكي أنا
وبس

إستلقى بجانبها في الفراش ثم جذبها نحوه بقوة
.....لم يبالي بجسدها المتعب ولا بإستغراقها في
النومفقط أراد أن يثبت لنفسه أنها ملكه وملكه
هو فقط

الفصل الخامس عشر

في جهمة الليل تبحر الباخرة وسط المياه الداكنة
.....أمواج ثائرة تصطدم بعنف بجسد الباخرة الضخم
معبرة عن سطوتهافهي الأقوى وتستطيع في
لحظات لفظ هذا الجسد الحديدي خارجها أو ربما إبتلاعه وإبقاءه
معها إلى الأبد

كانت سلمى تراقب المياه بعقل شارذلا تعرف ماذا
حل بهالماذا لا تشعر بالسعادة وهي بين أحضانه
.....كانت تراقب أمواج البحر وهي تفكرهل
يستطيع أن يخبرها البحر شيئاًلماذا تخافه
.....ترهبهتكره ظلامهألا تنطقين

أيتها الأمواج الغاضبة لتخبريني سبب غضبك أم تخبريني
بحقيقة غائبة داخل دهاليز عقلي

كانت هناء تشعر بالقلق الشديد على ابنتها فمنذ
الليلة المشنومة لم تستمع لصوتها لم يخترق أذنها
سوى تلك الهمهمات الضعيفة بكاء يقترب من
الصمت وكان صوتها يأبى الخروج

نظر لها أمجد بعين فاحصة وقال : في إيه يا هناء
هناء بارتباك : مفيش

أمجد هو أحد أعمام مريم والأصغر سناً بينهم والأقرب للعائلة
الصغيرة لاحظ أمجد دموع هناء المنهمرة وحالة ابنة
أخيه التي لم تكن البسمة تفارق وجهها نظر لهناء مرة
أخرى وقال بنبرة أكثر إصراراً : في إيه يا هناء

نظرت له باكية وبعد تردد قصت عليه كل شيء
كانت ردت فعله مختلفة عما توقعت فبعقل شديد
ورزانة يفتقدها الجميع في مثل تلك الأمور نظر لها والدموع
محتبسة في عينيه : إنتي إزاي سايباها كده كده البنت
حتضيع مننا أكثر

هناء في حيرة : إيه مش فاهمة

أمجد : لازم تروح للدكتور النهارده قبل بكرة يا هناء
.....إزاي البنت تتعرض لصدمة زي دي ومتوديهاش
تتعالجحالتها حتبقى أسوء

هنا : دكتور!!!! دكتور إيه

أمجد : دكتور نفسي يا هناء

هنا : باكية : أبوس إيدك يا أمجد أنا مش ناقصة فضايح
.....كمان أودي بنتي لدكتور مجانيين

أمجد : وأنا اللي بقول عليك عاقلة يا هناءطيب إيه
رأيك بقة مش بس دكتور مجانيين زي ما بتقوليدي
تدخل تتعالج كمان لو أمكنمريم كده حتضيع منك
يا هناءفوقي بقهمريم لازم تفوق
وتتكلم واللي عمله ده يكون مصيرهم حبل المشنقة .

قبالة سواحل مدينة ميلانو الإيطالية حطت الباخرةمناخ
جديد عليها لم تعده قبل ذلكلغة غريبة عنها لا تفقه
منها حرفاً على عكس يحيى الذي كان يتحدثها بطلاقة
.....لم يمكثوا بالمدينة أكثر من ساعةوجدت
نفسها على متن قطار متجه لمدينة روماظلت تراقب
جمال الطبيعة من نافذة القطار وهي شاردة فمن مجهول رحلت
وإلى مجهول ها هي قادمةامسك بيديها وهو يراقب
النافذة مثلها وقال : روما حتعجبك قويهي دي البلد
اللي حنعيش فيها

سلمى : إنت جيت هنا قبل كده

يحيى بثقة : أيوه طبعاً

سلمى : ما قلتلش يعني

يحيى : أكيد يا حياتي مش حاقدري في كام يوم أحكيك كل حاجة
عن حياتنا كمان دي كانت نصيحة الدكتور

قالت وهي تراقب النافذة دون أن تنظر نحوه : طيب أنا أول مرة
أجي صح

يحيى : أيوة في خلال آخر سنتين انا كان ليا شغل
هنا كنت باجي شهر إثنين وأرجع مصر وهكذا

سلمى : اممممممم شغل إيه

يحيى : بعدين بالتدريج حتعرفي وتفهمي كل حاجه

وأمام أحد فنادق المدينة الساحرة توقفت بهم السيارة

..... كان الفندق على قدر عالي من الفخامة

..... ألقت بجسدها على الفراش الوثير في محاولة

للإسترخاء نظر لها بإبتسامة قائلاً : معلش الرحلة

كانت مجهدة شوية خدي شاور وانا حاطب العشا

تحبي تاكلي إيه

سلمى : بصراحة مش جعانه محتاجه أنام

يحيى : لازم يا حبيبي تاكلي حاجه وبعدين نامي براحتك

علشان من بكرة حفرجك على البلد حاعمك فسحة حتنسيكي

إسمك

سلمى ضاحكة : كمانكفاية كده قوي

إقترب منها ونظر لها بشغف كعادته ثم أمسك بوجنتيها وقال :
أوعدك معايا حتعيشي في سعادة ملهاش حدود
نظرت له بدهشة ثم قالت : وهو أنا قبل كده مكنتش عايشة في
سعادة

إبتسم بثقة وتابع : بس إنتي مش فاكرةعلشان كده انا
بعتبر إنك إتولدتني من جديد
إحتضن دميته بقوةنعم فهي الآن دميته التي
سيشكها كيفما يشاء .

في الصباح بدأت نزهتها لمشاهدة أهم معالم المدينة العريقة
.....حظت معه بمتعة مؤقتة وهي تتجول في المدينة
الساحرة ذات التراث المعماري العريقتاريخ ممتزج
مع خلفيتها الطبيعية بانسجام لا مثيل لهياله من قدر
.....فهي امرأة بلا تاريخ ومل ما حولها ينضح بعبق
التاريخ

تناولا الغذاء في أحد المطاعم العريقةتلك هي المرة
الأولى التي تتذوق فيها الطعام الإيطالييحيى هو
المسيطرطلب لها طعامها كأنها طفلة المدللة

يحيى : ها عجبك الأكل

سلمى : لذيذ قوي

يحيى : هنا مشهورين بالباستا

سلمى : إنت بتتكلم إيطالي كويس قوي

يحيى : لغة سهلة على فكرة.....حتعلميها بسهولة

إبتسمت وظلت تنظر لطبقها شاردة

يحيى : سرحانة في إيه

سلمى : هو إحنا حنعيش هنا علطول

يحيى وقد تبدلت ملامحه لتصبح أكثر صرامة : خلاص انا شغلي

كله هنا دلوقتيطبيعي حتعيشي في البلد اللي فيها

جوزك

شعرت بالخوف من نبرته الجادة إبتسمت بحرص وهي تقول :

طبعاً أكيد

يحيى وقد أراد تغيير الموضوع : بعد الغدا حنرجع على الفندق

ترتاحي شوية علشان بالليل عاملك مفاجئة

سلمى : مفاجئة!!!! مفاجئة إيه

يحيى : وهو ينفع أقولبالليل يا حبي .

كانت لتوها قد أخذت حماماً دافئاً عندما وجدته في إنتظارها وقد

أرتدى بدلة انيقة مع ربطة عنق حمراء اللون وقد قام بتوسيعها

بعض الشيء بعد أن فتح زر قميصه العلويإبتسم لها قائلاً
: معلى مش بستحمل خنقة الكرافات

سلمى : عادي لو مضايقك إقلعها

يحيى : إحنا النهارده حنسر في أحلى مكان في روما واللبس ليه
معايير معينةإتفضلي

سلمى وهي تمسك بفستان له لون أحمر قاتم : إيه ده

يحيى : يارب ذوقي يعجبكعلى بال ما تلبسي حتكون
ماريا وصلت حتعملك مكياج وتظبتك شعرك وأنا مستنيكي تحت

سلمى : ليه ده كله

يحيى : عايزك ملكة النهارده

خطفت بصرهكانت تبدو جميلة بفستانها الأحمر
المكشوف الظهر وقد تزين بربطة أنيقة من خلف رقبتها ليترسل
بانسيابية خيط رقيق مرصع بالفصوص اللامعة الحمراء على
ظهرها العارينظر لها بعيون تملؤها الرغبة
.....إستشعرتها على الفور فقالت بصوت هادئ : حتعشيني

فين

يحيى وقد إبتسم بخبث ثم قبل يدها وقال : في أحسن مطعم في
روما

كانت تستمع للموسيقى الهادئة وتنظر له وهو يتناول طعامه نظر
لها ضاحكاً وقال : بتبصلي كده ليه

سلمى : مش عارفةفكرت أراقبك وإنت بتاكل
جايز أفكر أي ذكرى

يحيى : أول مرة إتعشنا فيها مع بعض مثلاً

سلمى : ممكن

يحيى : طيب أنا خلصت أكل وإنتي طبعاً أكلتك عارفها
.....تسمحيلي بقه بالرقصة دي

سلمى في أرتباك : لأ بلبيبيز يا يحيى أنا أصلاً مكسوفة من
شكلي ومن لبسيزي ما يكون الناس كلها بتبصلي

يحيى : علشان إنتي بيلا دونا يا روجي

سلمى : إيه !!!!

يحيى : بيلا دونا يعني ست جميلةأجمل ست شافتها
عينييلا يا حبيبي أنا طلبت منهم الموسيقى دي
مخصوص علشاننا

وعلى أنغام التانجو الهادئة أمسك بها لترقص بين يديه
.....عروسه الجميلةأغلى ممتلكاته

يحيى : ها لسة مكسوفة

سلمى : اهإيه ده

يحيى : ده الفلاشمصور مخصوص علشان يسجل
لحظتنا الجميلة دي مع بعضماتبصيش للكاميرا عايز
عينك علياعلشان أعلق أجمل صورة في بيتنا لما
يجهز

سلمى : بيتنا !!!!

يحيى : اه يا حبيبيكلها أسبوعين وبيتك حيكون
جاهز وحتفرشيه على ذوقك
إنتهت رقصتهم ليقدم لها بعدها عقداً أنيقاً من الماس نظرت له
بانبهار وقالت : مش ممكنحلو قوي وشكله غالي قوي
يحيى : مفيش حاجة تغلى على سلمى

سلمى : يحيىانا مكنتش اعرف إنك غني قوي كده
يحيى : ودي حاجة وحشة

سلمى : لأ طبعاً بس هو أنا عندي سؤالإنت بتشتغل
إيهده لي علاقة باللي حصلنا في مصر والناس اللي
هربنا بسببهم

يحيى وقد لمعت عيناه ونظر لها بثقة ثم قال : سلمى أنا بتاجر في
المخدراتوإنتي كمان .

الفصل السادس عشر

كان جالساً بغرفته القديمة غارقاً في بحر من الذكريات
.....سلمى حبيبته التي عشقها بمجرد رؤيتها هي تلك
الجميلة صديقة أخته التي سلبت عقله بهدونها ورقتها وبعض
وقت قليل من التعارف بينهما إكتشف أن مشاعرها هي الأخرى
تحركت نحوه ولاحظ الجميع زيارات المهندس الوسيم للجامعة
وأنها ليست زيارات من أجل أخته بل من أجل رفيقتها الفاتنة
وتمت الخطبة بعدها سريعاً ليتزوجا بعد تخرجها على الفور
..... وتتجب له ملاكه الصغير

بملامحه الحزينة وعيونه الغائرة نظرت له والدته بحسرة وقالت
: وبعيد يا أحمد بقالك شهر على الحال ده

نظر لها بعيون دامعة ثم نظر لصورة زوجته وهي محتضنه ابنتها
ولم يجب

تابعت الأم : على إتصل من شوية

أحمد : رجع من مرسى مطروح

الأم : رجع

أحمد : وطبعاً ماوصلش لحاجه

الأم : حيعمل إيه أكثر من اللي إنت عملته بس كان لازم يروح
معذور دي أخته الصغيرة

أحمد : أنا حتجننفص ملح وداب طيب لو كانت
.....مش قادرة أنطقبس لو كانت ماتت فين
الجثة

قال جملته وإستغرق في البكاء كالأطفالإحتضنته
أمه بقوة وهي تقول بنبرة باكية : يا بني ماتعملش في نفسك بلاش
علشان خاطري علشان خاطر بنتك

أحمد : بنتيلما تكبر وتسالني عن أمها حقولها إيه
يا رب

الأم : إهدى يا أحمد أبوس إيدك

أحمد : إخوانها حيتجننواأبوها لو كان عايش كان
زمانه مات بحسرتةكنت حاقله بأي وش

الأم : وإنت ذنبك إيه يا بني

أحمد : ماهي الأمانة اللي سلمهالي يوم جوازنا يا أمي
.....وضاعت منيضاعت مني أنا

الأم : يا بني ماينفesch كدهحرام عليك نفسك
.....ودي مين جاي كمان دلوقتي

أحمد : خليكى أنا حافتح

خرج أحمد ولكنه لم يجد أحداً بالبابمجرد ظرف
أبيض مبهم بدون عنوانفتح أحمد الظرف وبدأ
يقلب في محتوياتهبرقت عيناه
.....صدمةلجمته لدقائق

.....صورة حديثة لزوجته مع رجلزوجته
في أحضان آخربل أكثر من صورة توضح حال
عاشقينوهناك ورقةملحوظة صغيرة
....." أظن كده فهمتلو راجل طلقها "

كانت هناء تعد طعام الغداء عندما سمعت طرقاتاً عنيفاً على الباب

لتجد أحمد بوجه أحمر كالدّم وعيون تكاد تنفجر من الغضب
نظرت له في فزع قائلة : إيه يا أحمد في إيه

دخل إلى المنزل غاضباً وعيونه تتحرك سريعاً كالصقر وقال
بصوت مرتفع : مريم فين

هناء بنبرة غاضبة : عايز مريم ليه

أحمد وقد إتجه ببصرة لغرفة نومها فتوجه لها على الفور وهناء
تلحق به وتصرخ : إنت إتجننت تعال هنا رايح فين

كانت مريم تجلس على فراشها شاردة ولكن اكثر هدوءاً من ذي
قبل فقد بدأت منذ أيام رحلة العلاج النفسي وبدأت الأدوية تشق
طريقاً داخل عقلها ولكنها شعرت بفزع عندما رأت من يدخل
غرفتها بوجه يملؤه الغضب نظر لها بإنفعال شديد كان ثائراً
كالبركان إقترب منها وأمسك بذراعها بقوة وقد اخرج صورة من
جيبه وقال : مين ده افهم بقه إنطقي

كانت مريم ترتعش بشدة إنكمشت في فراشها وظلت
تبكي بهستيريا شديدة وهو ما زال على حاله وغضبه : إنطقي يا
مريم قولي تعرفي إيه إيه اللي حصل
..... إيه اللي حصل

انتفضت مريم من على الفراش كأنها طير مذعور وانكشمت في
أحد أركان الغرفة وقد وضعت يدها فوق أذنيها وظلت تصرخ
بهستيريا ففي تلك اللحظات لم تكن ترى أحمد كانت فقط ترى
شيطان تجرد من معاني الإنسانية وإعتدى عليها في ليلة غابرة

.....

إتجهت هناء نحوه بغضب وقد دفعته بعيداً عن إبنتها وصرخت في
وجهه : إطلع برةسيب بنتي في حالها
برة.....

نظر لها بغضب ثم رفع الصورة في وجهها ولاحظ على الفور
تغير ملامحها عندما رأت الصورةملاح أنبئته
بسر تعرفه هناءهي تعرف من في الصورة قال لها
بنبرة قوية : مين ده

كانت تنظر له وللصورة وملاح الصدمة على وجهها
.....عيناه تنظر لها ولمريم بتحدي وغضب
.....كانت تلك هي المرة الأولى التي ترى فيها هذا البركان
داخل عيونه اللامعةتكاد ترى صورة إبنتها المنكمشة
في أحد زوايا الغرفة داخل عيونهإقترب منها مرة
أخرى وقال بنبرة أكثر إصراراً : مين ده

لم تجبه ظلت صامته تخطاها وإتجه لمريم مرة أخرى فقد سيطر
عليه الغضب وتلاشت الرحمة من قلبه امسك بذراعها بعنف ونظر
لهناء والشر يتطاير من عينيه : ماهو يا إنتي تقولي يا هي تقول

إتجهت نحوهما على الفور وأخذت إبنتها بين أحضانها وقال
بصوت باكي وبنبرة حادة : ده يحيى كان بيحبها زمان
..... إرتحت إمشي بقه إياك تيجي هنا تاني
..... مالكوش دعوة ببنتي حرام عليكم
حرام عليكم

تركها وقد سمع لتوه مفاجئة أخرى عن عاشق قديم لزوجته خرج
سريعاً كان لا يرى شيئاً أمامه وأذناه عاجزة عن السمع
..... لم تسمع صراخ هناء وهي تنتظر لإبنتها بعد أن فقدت
وعياها : مريم مريم

وفي شفته القديمة ووسط ذكرياته معها تحول لبركان ثائر ظل
يمزق في ملابسها صورها كل متعلقاتها
وقد أصابته هستيريا شديدة ولا ينطق سوى بكلمة واحدة
..... طالق طالق

وفي مكان بعيد بعد عدة أيام كانت مريم تجلس على فراشها
بالمشفى نظرت لها هناء بحسرة من خلف الزجاج وهي تقول :
مش قادرة يا أمجد مش قادرة أشوفها كده بنتي
ضاعت مني يا أمجد

أمجد : إهدي يا هناء إحنا كده بننقذها
..... المستشفى دي ممتازة والكتور رائد صاحبي حيعمل
اللازم بكرة تبقى زي الفل إن شاء الله

لم تكن مريم الجميلة تراهم عادت لشرودها من جديد
إقترب منها الدكتور رائد ونظر لها بحنان الأب وهو يقول : لا
النهاردة زي القمر

لم تنظر له وكأنها لم تستمع إليه هي تعيش في عالم
آخر عالمها الخاص تابع الطبيب
بنبرة يشوبها الإصرار : إتفضلي يا ستي

قال ذلك وهو يعطيها رزمة من الأوراق مع قلم من الرصاص ثم
تابع : مش إنتي خريجة فنون جميلة طيب أشوف بقه
موهبتك إيه رأيك تغيري ديكور الاوضة دي أو حتى ترسمي
رسمة حلوة

لم تجبه ولم تأخذ منه شيئا إبتسم وقال بحنكة الطبيب
: أنا فاضي مش حامشي غير لما تاخدي الورق ومش حاقعد
ساكت حافظل أتكلم

نظرت له بغضب ثم أخذت منه الأوراق ووضعها جانبها
..... إبتسم ووقف وهو يقول : شخبطي يا مريم
..... شخبطي

تركها ظلت تنظر للأوراق لساعات وفي المساء كانت قد أمسكت
بالقلم ويدها تتحرك سريعا على الورقة البيضاء ورقة لم
تعد بيضاء في النهاية بل تحتوى على ملامح
..... نعم ملامح إنسان لا بل شيطان
..... إنه هو بعيونه الحادة وإبتسامته الساخرة
..... نعم صاحب النصل الحاد .

الفصل السابع عشر

بعد مرور عامين

في أحد أشهر الملاهي الليلية بروما حيث تتمايل الأجساد مع أنغام الموسيقى الإيطالية وموسيقى الجاز والبوب والروك كانت ترقص بمجون يتمايل جسدها بدلال مع أنغام الموسيقى على إختلاف أنواعها وكان الأنثى بداخلها تأبى الخضوع فهي متمردة وإذا إمتلك جسدها فلن يستطيع إمتلاك الأنثى بداخلها تلك الأنثى التي تنتقم منه ومن نفسها في آن واحد

كان باسم يراقبها من أحد الأركان المظلمة داخل الملهى الليلي وهو يدخن بشراهه نظرت له جوليا بخبث ثم قالت له بلكنتها الشامية : كتيبير معجب

باسم : نعم !!!!

جوليا : هاي دي مرته ليحيى شو راح يسوي فيك

باسم : أوففففف ماتجبليش سيرة الكائن ده

جوليا : ليش هيك يحيى كتير قريب من الباشا كتير كتير بيحبه وبيوثق فيه

باسم : اه أنا أقعد أشتغل وأتعب ويجيي حتة الواد المقشف ده
ياكل دماغه ويبقى الكل في الكل

جوليا : لا تنكر هو كتير ذكيبتعرف كتيبير بخاف منه
يحيى هذا مو سهل أبداً

باسم : متقلقيش يا روي مسيره حيقعمش حسيبه

جوليا : عن جد ما بعتمدشى كتير صعب
.....بتعرف سلمى أول ما وصلت على روما كانت ما بتعرف
تتحدثتلبستخط ميك أبإتغيرت
كتير

باسم : والباشا جوزها فينسايبها كده ونام بعد
العشا ولا إيه

جوليا تضحك بخبت : هي علطول بتسهر هون مع صديقاتها بس
هو ما بيتركها لحالهاشوف هناك البودي جارد

باسم : هههههههههه وده بيحرسها ولا بيراقبها

جوليا : ههههههههههههههه أنت بتعرف يحيى بس كتيبير محتارة
ليش ها القد متساهل معهاغريب كتيبير

باسم : فعلا أكيد في سر

جوليا : إيههو بيحبها كتيبير

باسم : هو يحيى ده بيحب !!!

جوليا : أنا بعرف الرجال لما بيحب

باسم : وإنتي بقه بتحبي مين

نظرت له بغضب وكأنها فهمت مقصده ثم تابعت : أنا ما بحب حدا
.....انا جوليا سكرتيرته للباشا وبس

عادت للمنزل لتجده في إنتظارها غاضباً كعادته

يحيى : ما هو بدري يا هانم

سلمى بإبتسامة : فعلا بس أعمل إيه ماريا زهقت وكانت عايزة
تروح بدري

يحيى : اه دانتي بتتريقي كمان

تخطته لتتجه لغرفة نومها وهي تقول : مش عاجبك طلقتي

جذبها من ذراعها بعنف وقربها إليه فأصبحت في مواجهته تماماً
شعرت بأنفاسه الحارة وكأنها تخرج من فوهة بركانقال
لها بتحدي : ده بعدك إني أسيبك يا سلمى

إبتسمت بسخريةعادت بذاكرتها إلى الوراء عندما أخبرها
أنها شريكته في جميع أعماله المحرمةمحاولتها
للهربتهديده لها بالسجن وحبل المشنقة الذي ينتظرها
في الوطنفهي إن لم تكن له فستكون للموت .

نظرت له بتحديهي الآن لم تعد تخشاه

.....قالت بهدوء : تجار المخدرات ما بيناموش على سجادة
الصلاةبيسهروا وبيرقصوا ولا هو ده بيبقى حلو بس
لما يكون معاك

يحيى بنبرة غاضبة : مش خلصنا من الليلة دي وملكيش دعوة
دلوقتي بأي حاجةمتستغليش حبي ليكي يا سلمى
بلاش تشوفي الوش تاني

سلمى : إيه ده بجدأنا كنت فاكرة إني شفته خلاص
.....بيبي بجد خوفتني

قالتها بإستهزاء شديد مما أثار غضبه وشعر أنه قد بدأ يفقد
أعصابه نظر لها محاولاً أن يكتم غيظه ثم تابع

يحيى : متتحدثيش يا سلمى

إبتسمت بسخرية ثم قالت له وهي تقذف قبلة باردة في الهواء :

buonanotte

"وهي تعني تصبح على خير"

تركته وذهبت للنومجلس في غرفة مكتبه يفكر
.....تغيرت سلمى كثيراًكانت تنفذ رغباته دون
نقاش أو تفكير نظر لعقد زواجهماهي
الآن زوجته بالقانون مضت على أوراق زواجهما
المدني بعد أن تأكد من حصولها على الطلاقأخبرها
بضرورة توقيع الأوراق حتى ينتهي من إجراءات الإقامة لأن
الحكومة الإيطالية لم تعترف بقسيمة زواجهما في مصر وصدقته
.....تلك البريئة التي إختفت مع مرور الأيام بعد عشرتها له
.....نعم لقد صنع نمرهنمره شرسة قد يكون هو
أول ضحاياها .

ترجلت من سيارتها الصغيرة.....لتدخل لمقر عملها
.....هي تعمل في تلك الشركة منذ عام فقط ولكنها أثبتت كفاءتها
سريعاً وأصبحت من أهم مهندسين الديكور داخل الشركة
.....كان من ينظر إليها يتعجب أن تلك الفتاة مهندسة للديكور
وخريجة كلية الفنون الجميلة.....فهي تسعى بكل قوتها
لإخفاء جمال الأنثى بداخلها.....دائماً ما تعقد شعرها بربطة
بسيطة وتخفي أغلب ملامحها بنظارة شمسية سوداء
اللون..... يخلو وجهها من مساحيق التجميل
.....لا ترتدي سوى السروال والقميص وكأنها تسعى
لتكون رجل.....رجل بحذاء قوي جداً وكأنها تعمل في
الصحراء

دخلت مريم مكتبها لتجد شريف زميلها يعترض طريقها بإصرار
مريم : خير في إيه

شريف : في أوروبا والدول المتقدمة يقولوا صباح الخير
نظرت له بإزدراء وازاحته بعنف من أمامها ثم دخلت مكتبها
.....دخل خلفها وهو يقول : إنتي قلة وعاملة فيها سبع
رجالة في بعض

مريم وهي تطلب البوفيه : عم محمد القهوة بتاعتي لو سمحت
شريف : بشمهندس حسام مستعجل على الشغل خلصتي ولا
حتاخدليك كلمتين

مريم : ليه هو أنا زيك خلصت طبعاًحاحد قهوتي وأدخله

شريف : مينفعش مستعجلأدخلي الأول

مريم بضيق وإصرار في نفس الوقت : حاشرب قهوتي الأول

تجاهلته وهي تنظر في الاوراق أمامها بإمعانولم لا
فقد دفعت الألاف من أجل الحصول على تلك المعلومات

الإسم : عادل عبد الرحيم السعدي

السن : ثلاثون عاماً

المهنة : رجل أعمال

ظلت تقرأ بعناية المعلومات التي أوصت هذا المحقق الخاص

بإحضارهاكل شئالعنوان

.....الأماكن التي يتردد عليهاالأصدقاء

.....كل شئفقط صورة مرسومة كانت هي

الخيط الذي أبت أن تضعه بيد الشرطةبيدها هي

سيكون ثأرها وليس بيدٍ أخرى .

كانت الساعة قد قاربت على السادسة مساءً عندما عاد أحمد

للمنزلإستقبلته جودي الصغيرة بسعادة الأطفال :

بابي جهبابي جه

أحمد وهو يحمل صغيرته : روح قلب بابي

نظرت له والدته بإبتسامة : يلا على بال ما تغير حطلك الغدا
.....إمتى أرتاح بقهإمتى تريحنى

إبتسم أحمد فهو يفهم مقصد والدته التي تسعى لزواجه منذ أن
طلق سلمىكانت جودي الصغيرة تمسك بعروسة
ورقية وتتمتع بعبارات لم يفهمها وهي تطعن العروسة بقلمها
الصغيرنظر لها أحمد بدهشة شديدة وقد ترك طعامه
وقال : بتعملي إيه يا جودي

جودى : حط في عينعين فلدوس

أحمد بإبتسامة : فلدوس

الأم : كمل أكلك مش حتخلص منها النهاردة

أحمد : لا أفهم إنتي علمتيها إيه هي البت حتعرف الحاجات دي
منين يا حاجة

الأم : يابني الجيران عينهم تتدب فيها رصاصةبيحسدوا
البت واللي إسمها فردوس دي كل ما تشوفهاقمر قمر
واخده جمال أمها وعيون أبوها

تبدلت ملامح أحمد بعد أن ذكرت والدته سلمى بدون قصد
.....

الأم وقد شعرت بالغضب من نفسها : يقطعني يا بني مش قصدي
أقلب عليك المواجه

أحمد وقد تغيرت نبرته صوته وأصبحت حزينة : أنا لازم أريح
ساعتين علشان نازل بالليل المكتب تاني

الأم : مش حاتكمل أكلك

أحمد : لما أصحي تنامي في حضن بابي يا جودي

جودي : اه نام مع بابي

أحمد : يلا يا قمر

أخذ إبنته بين أحضانه في محاولة للنوم هل غضبت أمه
لأنه تذكر هو لم ينسى ليتذكر هو لا يفكر
سوى في شئ واحد تأره منها .

الفصل الثامن عشر

مجموعة شركات الدرة هي مجموعة شركات مالكاها
شخص أمريكي مصري محمود الحويني
..... الشاب الذي قدم لإيطاليا منذ سنوات لا يملك قوت يومه
ولكنه الآن الباشا استطاع يحيى بعد
سنوات قليلة من العمل مع الباشا أن يصبح ذراعة الأيمن وبذكاءه
المعهود استطاع تطوير تجارتهم والشركات الصغيرة التي كان
يمتلكها محمود كواجهة من أجل غسيل الأموال ليتم بناء هذا
الكيان والصرح العظيم فمن أصل 10 شركات في
المجموعة كانت شركتان فقط هم الشركات الحقيقية والباقي
واجهة لغسيل أموال تجارتهم الغير مشروعة التي تطورت أيضاً
على يد يحيى حيث بدأ نشاط كبير خاص بتجارة السلاح

كانت صوفيا تجلس بمكتبها عندما دخل يحيى مسرعاً

يحيى : الباشا جوه صح

صوفيا : امممم بس بيتحدث في الفونقالتها بدلال شديد
وهي تنظر نحوه

تابع يحيى وهو يتجه نحو مكتب الباشا دون أن ينظر نحوها :
عارفمتدخليش علينا حد

تابعته بنظراتها ثم قالت لنفسها وهي تبتسم بسخرية : مو سهل
يحيىمو سهل أبداً

على الرغم من حقدھا عليه إلا أن جوليا كانت لا تخفي إعجابھا
بهذا الشيطان الوسيممصري أسمر قوي الملامح إستطاع
بذكاءه أن يصبح شريك بعدد لا بأس به من الأسهم في تلك
المجموعةلم يهتم يوماً بجمالها وهي الشقراء ذات
الدلالهي ابنة لأب لبناني وأم إيطالية
.....تعمل مع الباشا منذ زمن وقبل أن يظهر يحيى في
الصورة وهاهو يتخطاها ويتخطى باسم والجميع ويستولي
بالتدريج على العجوز .

نظر الباشا باهتمام للاوراق أمامهكان محمود رجلاً
تعدى السبعين من العمريتميز بشارب كثيف ونظارة
سميكة وملامح صارمةإستطاع يحيى في وقت قليل
كسب ثقته التي كان نادراً ما يعطيها لأحدأعجب
محمود بهذا المصري الفائق الذكاءتذكر شبابه وتذكر

أيضاً ما كان يورقه طوال عمره قال ليحيى بعد ان ألقى
على الأوراق نظرة فاحصة

الباشا : كده تمام قوي بس حتسافر السودان تاني

يحيى : ماينفعش باولو يروح

الباشا : بتهرج يا يحيى هو من إمتى باولو بيسد في العمليات
الثقيلة دي

يحيى : عندك حق

الباشا : سلمى برده

صمت يحيى فقط أوما رأسه بالإيجاب

تابع الباشا : ركز في شغلك بقه الستات دول ما
بيطمرش فيهم

قال ذلك وهو ينظر نحو الصورة على مكتبه طفل
صغير لم يتعدى عمره عدة أشهر تلك الصورة التي
لا يعرف أحد سرها حتى الآن

كانت سلمى تجلس مع صديقتها ماريا بأحد المقاهي عندما
أخرجت من حقيبتها بعض الحبوب المسكنة لتبتلع قرصين

.....

ماريا : سلمى علاج ده

العيون التي تنظر نحوها ضاحكة..... هل هي هواجس أم
ماضي مدفون داخل عقلها التالف

وصلت مريم للنادي في الموعد المحدد..... منذ سنوات
عندما قرر عمها أمجد عمل عضوية لها ولأمها ام تخطو قدمها
المكان والآن وجدت سبباً لكي تأتي.....توجهت بثقة نحو
أحد المباني لتجد فتاة حسناء تجلس بمكتب الإستقبال

مريم : مساء الخير

الفتاة : مساء النور يا فندم

مريم : أنا كنت إتصلت علشان أسئل عن تدريب الرماية

الفتاة : اه حضرتك دي ورقة فيها الأسعار وكابتن معتر جوه
حياوب على كل أسئلتك

مريم : متشكرة..... تصفحت مريم الورقة سريعاً ثم
دخلت لغرفة اخرى فوجدت شاباً يبدو في العقد الثالث من العمر
..... له مظهر جذاب..... عريض المنكبين

..... بمجرد رؤيته تشعر أنك أمام شاب قوي..... لفتت
مريم أنظاره بمجرد دخولها للغرفة فهي نوع لم يعتاده من الفتيات
..... فتاة جميلة تختفي خلف مظهر رجولي!!!! إتجهت له
مريم بثقة وقالت : حضرتك أستاذ معتر

معتر بإبتسامة : أيوه أنا

مريم : أنا كنت عايزة أستفسر عن تدريب الرماية الورقة هنا فيها
الأسعار بس كنت عايزة أعرف المواعيد

معتز : اممم إتعاملتي مع سلاح قبل كده

مريم : لأ أنا معرفش حاجة عن الأسلحة خالص

نظر لها بسخرية وتابع بنفس الإبتسامه : وإنتي بقه عايزة تتعلمي رماية ليهحتصطادي بط

شعرت بالغضب من طريقته في الحديث تابعت بثقة وبملاح جادة : أنا عايزة أقدم على رخصة سلاح ونصحوني قبل ده أتعلم التعامل مع السلاح إزاي

معتز وقد بدت نبرته أكثر جدية : فعلا لازم قبل التعامل مع السلاح نتعلم لإنه ممكن في لحظة يتحول لسلاح ضدكبس موضوع الرخصة ده مش سهل خالص

مريم : ساعتها يبقى يحلها ألف حلال

معتز : عموما يا آنسةمش آنسة برده

مريم بضجر : اه

معتز : إحنا عندنا مواعيد حد وتلات وخميس وسبت واتنين وأربع وفي ناس بتحب تيجي يومين بس وطبعا وفي الصباح وفي بعد الظهر

مريم : بعد الظهر أنسب علشان شغليطيب هو حضرتك اللي بتدرب ولا في حد تاني

إبتسم وقد فهم مقصدها ثم تابع : في كابتن فوزي معاياهو بيشتغل حد وتلات وخميس وأنا سبت وإثنين وأربع

مريم : متشكرة

معتز : لو أوكيه تنزلي الخزنة تدفعي الأول تحت وبعدين تطلعي
لمنة في الريسبشن تظبطي معاها المواعيد

مريم : خلاص متشكرة يا فندم عنذذك

معتز : بس على فكرة نصيحة إتدربي معايا أنا

مريم : ليه بقه

معتز : أصل كابتن فوزي سنه كبر وبيزهق بسرعة

مريم : اممممممم هو مش عيب تقول كده على زميلك ولا إيه

ضحك معتز لجرعتها في الحديث

خرجت مريم وعندها خرج معتز مسرعاً لمنة التي رمقته بغيظ ثم
إبتسمت وقالت : إرحم شبابك

معتز : بصي هي حتيجي تطلب منك مواعيد حد وتلات وخميس

منة : أيوه ماشي معاك فين المشكلة

معتز : لأ هي فاكرة المواعيد دي مع كابتن فوزي إنتي بقه
تسكتي خالص سيببها فاكرة كده

منة : يا سلام.....ولما تعملي مشكلة

معتز : متخافيش أنا حاتصرفيلا بقه خليكي جدعة
عشان أجيبك العريس اللي وعدتك بيه

منة : وحتوفي بوعدك المرة دي

معتز : متخافيش بصي في الآخر لو فشلنا وملقينا حد يرضى
يتجوزك حاجوزك أنا

منة : كده أنا محدش يرضى يتجوزني

معتز : يا منة بهظر معاك يا جميل إنتي بس فكي عقدة السبائيش
شوية رابطاها جامد..... حتى تعملك صداع

تركها معتز تتحسس رأسها وظل يتابع مريم بنظراتهالتي
بالفعل حجزت مواعيد مثلما توقع وخرجت على الفور .

في الصباح كانت مريم تجلس بمكتبها عندما نبهتها السكرتيرة
بقدوم زائر

السكرتيرة : في واحد عايز حضرتك يا بشمهندسة

مريم : إسمه إيه

السكرتيرة : بيقول إسمه المهندس أحمد

مريم : امممم مين دهطيب دخليه

كانت مريم منشغلة بأوراقها عندما دخل إلي المكتب
.....ظهرت على ملامحها الضجر بمجرد رؤيته ثم قالت :
اهعايز إيه يا أحمد

الفصل التاسع عشر

جلس أحمد أمامها في غضب قال على الفور : عايز
الحقيقة يا مريم

مريم بإستهزاء شديد : الحقيقة !!!! لا والله

أحمد : إيه إنتي بتتكلمي معايا كده ليه ومن ساعة ما خرجتي من
المستشفى وإنتي بتهربي مني ليه خايفة على نفسك ولا
على بنت خالتك

مريم : إنت متستهلش إنك تعرف الحقيقة يا أحمد إنت
تستاهل تعيش كده متعذب طول عمرك

أحمد : إنتي بتخرفي بتقولي إيه

مريم : ما هو كنت بخرف فعلاً هو إنت كنت دريانة
بحاجه وبعد ست شهور في المستشفى خرجت بعد
محاولة لترميم إنسانة إتدمرت خرجت ولقيتك طلقته
..... بمجرد ما شفت الصور طلقته من غير حتى ما
تستنى تسمعني

أحمد وقد بدا صوته غاضباً : أمك قالت

قاطعته بغضب : مالكش دعوة بأمي أمي كانت خايفة
عليا وهي شايفاني بانهار قدامها تقدر تسميها لحظة
غضب لحظة خوف فطلع منها الكلام

أحمد : منتظرة مني أعمل إيه لما أشوف صورة مراتي في حضن
راجل تاني وأكتشف إنه حب قديم أنا بشر على

فكرة وبعدين إنتي حتى مبلغتيش البوليس بالمعلومات
اللي عندك ده معناه إيه

مريم : بوليس !!!! أبلغ البوليس أقولهم إيه هو البوليس
مش حيعمل تحرياته وممكن يوصل للصور اللي إنت شفتها
ويعرف إنك طلقت سلمى تفكر ساعتها كنا برده حنفضل
ضحايا ولا حنتحول لخطيئة يطلع فيها المجتمع عقده
أحمد وقد ظهر على وجهه الذهول : ده السبب إنك مابلغتيش

مريم : أنا حقي وحق سلمى حجيبه يا أحمد مش حسيبهم
أحمد : إنتي مقتنعة إن سلمى ضحية يا مريم ولا دماغك فيها
حاجة تانية

مريم : سؤال غبي عايزني أحكيك يا أحمد
..... حكيك وعارفة إنك مش حترتاح
..... بتسأل سلمى ضحية ولا لأ الحكاية بدأت يوم
ما الزفته اللي إسمها رباب كلمتها وطلبت منها فلوس سلف قال
إيه عايزة تعمل عملية طبعاً سلمى قلبها حن وخبث عليك علشان
عارفة إنك مش بتحبها وخافت إنك تمنعها تساعدها
..... المهم جات رباب مرسى مطروح وقابلناها في اليوم
إياه وكانت غلطة عمرنا لما وافقتا نركب معاها العربية
..... فجأة لقينا نفسنا في حطة مقطوعة والعربية عطلانه منها
وبسرعة قوي خرجت من العربية علشان تعمل تليفون
أحمد في إهتمام بالغ : وبعدين

مريم وقد بدا على ملامحها التأثر نظرت في إتجاه آخر وتابعت :
بدأ الكابوس في لحظة لقينا إثنين شباب معرفش
طلعوا منين واحد ركب علطول مكان السواق والثاني زقني جامد
وركب جنبي ساعتها سلمى فضلت تصرخ بفرع صوت صريخها
لسه في وداني زي ما أكون سامعاه دلوقتي والعربية
مشيت بسرعة بسرعة قوي الحيوان اللي
جنبي كان حاطط السكينة على رقبتى هدد سلمى علشان تسكت
إنه حيقطني سكتت كنت سامعة عياطها
المكتوم وهي كمان كانت سامعاني سدت ودانها صوت عياطي
كان بيعذبها علشان في اللحظة دي صمتت قليلاً
وهربت دمعة حزينة من عيناها ثم تابعت بصعوبة وقالت : في
اللحظة دي كان الحيوان بدأ يعتدي عليا

بكت مريم بعدها مما حرك مشاعر أحمد فناولها كوب من الماء
ولكنها أزاحتة وجففت دموعها سريعاً ثم تابعت وهي تنظر نحوه
: أنا ماشفتش يحيى كل اللي فاكراه باب العربية بيتفتح وسلمى
بتصرخ جامد ماكنتش مفسرة كلامها لإن في اللحظات دي
كان

أحمد : إيه كملي

مريم : فاهم يعني إيه تحس إنك ضعيف مش قادر تدافع عن
نفسك عارف يعني إيه تلوم نفسك كل يوم إنك ماقدرتش
تقاوم إتشليت إتلجمت

صمت أحمد للحظات وهربت الكلمات من لسانه ثم تابع : طيب
هي ليه مظهرتش ليه

مريم بسخرية : مش قلتك مش حترتاح

أحمد : جاوبينيالصور مش صور واحد مخطوفة

إقتربت منه مريم و عيونها جاحظة ونظرت له بغضباً شديد وقد

وضعت كلا ذراعيها على مقعده فأصبح محاصراً بين يديها

الصغيرتين قالت بنبرة هادئة ولكن غاضبة في نفس الوقت :

واللي عاشت معايا أسوأ لحظات حياتي وحياتها ماكنتش خاينة

.....مش من حقك لا تلوم ولا تحاسب ولا تفكر

.....إحنا بس اللي من حقنا ده مش حد تاني

تركته وأشاحت بوجهها ثم تابعت : لغاية كده كلامي خلص

.....مع السلامة يا بشمهندس .

وصلت مريم في الموعد المحدد لتفاجئ بمعترنظرت له

بدهشة ثم قالت : هو فين كابتن فوزي

نظر لها وابتسم لها قائلاً : إمامم أصله عنده ظروف وحصل

تغيير في المواعيدفي مشكلة يا فندم معايا أنا على

المستوى الشخصي

مريم بتحدي : لأ

معتر : طيب إتفضلي

مريم : هو أنا لوحدني

معتز : أنا مبحبش أشتغل في مجموعات كل فرد بياخذ وقت معين

مريم : أوكيه

معتز : خلاص حنشتغل نظري شوية الأول وبعدين نبدأ العملي

بدأ معتز يوضح لمريم أشياء عديدة لم تكن تعرفهامثل

الأوضاع الحركية لإستخدام السلاح وأساليب التنفيذ

.....بعد جرعة مكثفة شرعت بإستخدام السلاح وبدأ

يوضح لها كيفية الإمساك به والفك والتركيب والضغط على الزناد

وعلى الرغم من أن هذا كان يومها الأول إلا أنها شعرت بإستفادة

كبيرة وشعرت أنها ظلمت معتز فقد تعامل معها بكل حرفية

وشعرت أيضاً انها إقتربت من هدفها الذي طالما إنتظرته

كانت سلمى جالسة تتصفح إحدى المجلات عندما عاد يحيى

للمنزل نظرت له بدون إهتمام ثم تابعت تصفح المجلة إقترب منها

ليطبع قبلة صغيرة على وجنتها إستقبلتها ببرودنظر لها

قائلاً : مخرجتيش النهارده يعني

سلمى دون أن تنظر إليه : مليش مزاج

يحيى : أنا مسافر بكرة على فكرة يعني كام يوم وراجع

سلمى : أوكيه

يحيى : مش عايز تأخير برة البيت وأنا بره

سلمى : وإيه المشكلة ما الحيطه بتاعتك بيخرج معايا

يحيى : هو مفيش ولا مرة نعم

سلمى بابتسامة صفراء : لأ مفيش

يحيى : سلمى أنا زهقت من النكد دهإيه رأيك نخرج
نسهر في مكانبقالنا كثير مسهرناش مع بعض

سلمى : ليه هو إحنا مش متجوزين وعاشين تحت سقف واحد

يحيى : فعلاً أعراب تحت سقف واحدسلمى ممكن
بلاش نقاشعايزة أسهر مع مراتي في مكان رومانسي
أجرمت ولا إيه

سلمى : لا يا سيدي ولا أجرمت ولا حاجه ثواني وحاكون جاهزة

في أحد الأماكن الهادئة وعلى أنغام الألحان الإسبانية جلست معه
.....كانت تبدو جميلة بفستانها الأبيض العاري الكتفين
وشعرها المنسدل على كتفيهانظر يحيى لزوجته
بحب شديد ثم طلب منها أن تشاركه الرقص فوافقت على مضمض
.....نظر لها ملياً ثم قال وهو يراقصها ثم قال : نفسي
تحبيني يا سلمى

نظرت له وقد عقدت حاجبها معبرة عن دهشتها فتابع : مستغربة
ليهأنا عارف إنك مبتحبنيش مع إني بحبك حب
السنين.....نفسى نرجع زي زمان

سلمى وقد شردت وابتسمت بسخرية : زمان !!!!

يحيى : اه زمان لما كنت بشوف نظرة عشقي في عينيكي يا
سلمىالنظرة دي إختفت دلوقتي

ظلت شاردة لماذا لم تتحرك مشاعرها ناحيته
..... هل هو صادق هل كانت تحبه حقاً أم
هناك رجلاً آخر نعم صاحب العيون الخضراء
..... هل كان يحيى هو الزوج والآخر هو العاشق
..... هل كانت زوجة خائنة !!!!

نظر لها بهيام ثم تابع : ساكتة ليه

سلمى : لا أبداً عادي

يحيى : تحبي نقعد

سلمى : أوكيه

عندها شعر يحيى بمن يصطدم به من الخلف إستدار
فوجد أنه باسم وكان يراقص جوليا كان باسم نسخة
متناقضة من يحيى فهو شاب مصري ولكن بلامح أوروبية يحمل
الجنسية الإيطالية من والدته وعمل مع الباشا قبل يحيى بسنوات
..... وكان المقرب له وذراعه الايمن حتى ظهر يحيى
وأزاحه بقوة عن الطريق نظر له باسم وإبتسم
إبتسامة صفراء ثم قال : صدفة جميلة

يحيى : اه إزيك يا باسم

باسم وهو ينظر لسلمى : كويس قوي إزيك يا مدام سلمى
سلمى : كويسه

باسم : جوليا أول مرة تقترحي مكان صح فعلاً
المكان حلو علشان شفناكم

جوليا : أكيدكثير بحب الموسيقى هون تضايقي
سلمى لو رقصت على هاي دي الميوزيك مع يحيى

نظرت لها سلمى بدون إهتمام وقالت : لا عادي

عندها نظر باسم ليحيى بخبت ثم قال موجهاً حديثه لسلمى : طيب
مادام سلمى بقه تسمحي بالرقصة دي

يحيى : ده على أساس إن أنا كيس جوافة ولا إيه يا باسم

باسم : العفو يا سنيوروبعدين إيه انت لسه مخدش على
جو أوروبا ولا إيه

يحيى بلامح صارمة : لا مخدتش وأنا مش سنيورإحنا
أصلا كمان ماشيين عنئذنكم

أمسك بيدها وترك لهم المكان عندها غمزت جوليا لباسم وقالت :
عصبته كثير

باسم : خليني أحرق دمه شوية وبعدين الغضب بيوجب الغلط ولا
إيه

صوفيا : بنشوف

في المنزل لم يترك يحيى زوجته بل حاول التقرب منها وشعرت
هي بذلك وسمحت له بعد أن هجرته لشهور

.....ولكنها كالعادة لم تكن سعيدة بل أصبحت تفكر بقوة في
تلك العيون

حالة من الشرود إنتابته بعد محادثته مع مريم
.....كلماتها داخل عقله طوال اليومما الذي
كان ينتظر سماعهأن زوجته خائنة!!!!!! وأنها سلمت
مريم لبرائن الذئب وهربت مع عشيق لهاهل يصدق
عقل بشري هذا الهراءولكن أين هي
.....لقد بحث عنها لسنوات دون جدوىلماذا
لم تعدوما سر الصورشعر أن بعقله ملايين
من التساؤلات دون إجابة واحدةلم يفق من شروده إلا
على صوت الهاتف كان محمد ربما إتصل في وقته أم أن جعبته
فارغة كالعادة رد أحمد بصوت متعب : أيوه يا محمد
محمد : خلاص يا أحمد

أحمد : خلاصخلاص إيه
محمد : لقيتهاعرفت مكان سلمى .

الفصل العشرون

كانت كلمات محمد سريعة مقتضبةبكرة نتقابل
وأحكيتك بالتفصيلالمهم دلوقتي إني عرفتك مكانها
هي في روما

هائماً على وجهه طوال الليلشعر ان الشيب قد
مس رأسه من شدة التفكيربين مطرقةٍ وسندان
هو.....

حائر بين أمرين كلاهما يوازي الآخر صعوبةأخائنة
أنتي يا زوجتي العزيزة نعم فالتكوني خائنة ولتخرجي
من عقلي وقلبي للأبدفتصبحين مجرد ذكرى أليمة من
الماضي أم أنكى مغلوبة على أمرك تنتظرين مني
النجاة وليس الصفح!!!!!! ربما أنا من سيطلب الصفح في النهاية
وقد لا يناله

لم يستطع النومظل يحصي الثواني ويحسب الدقائق
.....يالها من ليلة طويلةربما تكون أطول من كل
الوقت الذي إنتظرهفمنذ قرر أن يبحث عنها وهو ينتظر
تلك المكالمة من صديقهبارقة أمل وجدها في هذا
الصديق منذ عام وعلاقاته المتعددة فيعرف هذا من يعمل في
الأمن العام وآخر يعمل بالسجل المدني وبدأت رحلة البحث عن
سرابفزوجته إختفت في يوم واحدتعجب مما
قاله صديقهرومامتى وكيف فقد سأل أكثر
من مرة وتأكد أنها لم تغادر أرض الوطنفي الصباح كان
ينتظره قبل الموعد وملامح القلق بادية على وجهه إبتسم له
محمد في إقتضاب ثم تابع : معلى يا أحمد إتأخرت عليك
أحمد والقلق بادي على وجهه بشدة : عرفت إيه سافرت إمتى
وإزاي

محمد : سافرت إزاي معرفش إسمها مش متسجل إنها غادرت
مصرلكن هي في روما إتأكدت

أحمد : إزاي

محمد : دي المشكلة

أحمد : مشكلة !!!!

محمد : بيانتها إتسجلت في السفارة بعد ما وثقت عقد جوازها

أحمد وقد برقت عيناه وتبدلت ملامحه من الصدمة : إيه

محمد : عقد جواز مدني تم من سنة وتم التوثيق وتحديث البيانات في السفارة وأصدرت جواز سفر بدل فاند كمان

أحمد : إنت بتقول إيه جوزها إسمه إيهإسمه يحيى

محمد : أيوهواضح إنها عرفت إنك طلقتها غيابي في المحكمة وأكد جابت صورة من العقد وصلت بقه ليها إزاي معرفش

أحمد : مش مهم بقه وصلت ليها إزايالمهم إنها إتجوزت !!!!

محمد : أحمدأنا

أحمد : معلىش يا محمد محتاج أكون لوحدىمحتاج بجد أكون لوحدى

الحقيقةيالكي من خائنة أيتها الدنياتشعر أنك إمتلك الحقيقةتمسكها بقبضة يديك وتحكم عليها نعم تدخل المعركة وببيدك الحق وفجأة تتسرب من بين ثنايا أناملك كالمياهفتصبح أحرق بيدٍ خاويةهكذا

كان يرى نفسه أحمق بيدِ خاوية لا يوجد لديه حقيقة واضحة ليرتكز عليها يتخبط بين رأي وخبر الحقيقة الواحدة هي أن سلمى لم تعد زوجته أصبحت زوجة لرجلٍ آخر ربما لا يحق له التفكير فيها فهي امرأة لآخر .

كان معتز يراقبها بعين حائرة ما هذا الأصرار في عيناها وما هذا الغضب داخلها إنها حقاً فريدة من نوعها لم يقابل مثلها قط شعرت بنظراته المستمرة نحوها نظرت له بعين غاضبة تجاهلته فليدبر هدف واحد لا ترى غيره لا تتذكر سوى إبتسامة ساخرة إبتسامة تُغضبها فتضغط على الزناد بقوة هي لا ترى امامها سوى هذا الوجه إقترب منه معتز بعد أن أفرغت ذخيرتها بعنف نظر لها عن غير رضى ثم قال : عارفة مشكلتك إيه يا مريم مريم : إيه

معتز : إنك غضبانه قوي مريم لازم تكوني مركزة وإلا غضبك ده يخلي سلاحك ضدك

مريم بتحدي : أنا مركزة على فكرة ممكن بقه المدرب بتاعي هو اللي مش مركز في تدريبي

إقترب منها ووجه نظراته نحوها بقوة ثم تابع : أمال مركز في إيه

بدا على ملامحها الغيظ أغمضت عيناها للحظة رغبةً في التركيز
ثم قالت : دلوقتي انا بقالي أسبوعين في الكورس حضرتك شايف
المستوى إيه

معتز : مش عاجبنيومش عيب مدرب
.....إنتي عارفة كويس إنى أحسن مدرب هنا

كانت نظرة التحدي واضحة في عينيهنعم هو يتحداها
حاولت أن تتحدث حتى يتوقف عن تلك النظرة فقالت

مريم : طيب بعد أد إيه حكون خلصت

معتز : أربع سنين ونص

مريم : حضرتك بتهظر

معتز : أيوه في مصطلح إسمه الهزار سمعتي عنه

مريم في ضيق : سمعت

معتز : في مصطلح تاني بقه إسمه الضحكةالإبتسامه
.....دمك خفيف يا مضروبسمعتي عنه

كان يبدو من ملامحه انه يخفي إبتسامته نظرت له وقد كتمت
غيظها ثم تابعت : لا ماسمعتش

معتز : طيب أدكي سمعتي

شعرت بإرتباك شديد من نظراته المرتكزة نحوها في تحدي
.....إبتعدت عنه وأمسكت بسلاحها مرة أخرى وظلت تضغط

الزناد مصوبة نحو الوجه الذي لم يفارق خيالها ولكن بغضبٍ
أقوى

كان أحمد ينظر للتأشيرة على جواز السفر في شروود ها هو
سيقترب من الحقيقة منها ماذا سوف يحدث ماذا
ينتظر مواجهة مطلوبة لن يظل هائماً داخل
هذا البحر من التساؤلات إذا كانت خائنة فيجب أن
تدفع الثمن وإن لم تكن فربما يدفع هو هذا الثمن

دخلت أمه الغرفة وهي تقول : خلاص يا أحمد مسافر

أحمد : بكره يا أمي

الأم : يعني كان لازم سفر الشغل ده

أحمد : أسبوع وراجع يا جميل حيفوت هوا

جودي : بابي بابي

أحمد وهو يحتضنها بقوة : روح بابي

جودي : عايزة عروسة

أحمد : حاضر يا قمر بابي وإنتي يا أمي مش عايزة

حاجه

يحيى في دهشة : فرحني معاك يا باشا
محمود ولأول مرة يرى يحيى في عيناه هذا التأثر : إبنى
.....إبنى حيرجعلي يا يحيىياه أخيراً
.....إبنى حيوصل على روما بكره .

الفصل الحادي والعشرون

كانت ملامح الدهشة بادية بقوة على وجه يحيىفتلك
هي المرة الأولى الذي يعلم أن محمود له إبن !!!!!!!!
إبتسم محمود ثم تابع : مستغرب صح ؟ أنا كمان مش مصدق
كنت فإكر إني مش حشوفه تاني
يحيى : ليه

محمود : من 30 سنة جيت على البلاد ديشباب
مصري بيدور على فرصةزيك كده أول ما جيت
وبعدين قابلتهاإنبهرت بيها وبجمالها البنت الأمريكية
المتحررة المستقلةهي كمان عجبها الشاب المصري
الطموحإتجوزنا وبعدها بسنة جينا مازن .
يحيى : إبنك إسمه مازن

محمود : مازن محمود الحويني دلوقتي عنده تمانية
وعشرين سنة بعد مشاكل ماتتعدش بيني وبينها
هربت رجعت على بلدها وخذته معاها قلبت الدنيا
عليهم فص ملح وداب من ثلاث شهور بس
..... المحامي بتاعي إتكعبل في ورقة

يحيى : ورقة !!! ورقة إيه

محمود : شهادة وفاة عرفت إنها كانت الفترة اللي
فاتت عايشة في جنوب أفريقيا تبع بعثات الأمم المتحدة
اللي بتروح هناك كانت بتتنقل بين جنوب أفريقيا
والصومال وأثيوبيا ولما ماتت رجع بيها مازن على
أمريكا علشان يدفنها هناك

يحيى : ياه وهو كان عايش معاها هناك

محمود : أيوه صحيح ماكنش بيشتغل معاها بس كانت دراسته
هناك وفتح بيزنس صغير على أده كانت مخبيه عنه
حقيقتي بس دلوقتي خلاص إبنني حيرجعلي
..... إبنني راجع لحضني تاني

مطار روما هبطت الطائرة القادمة من القاهرة
..... شاب بملامح حزينة يشعر بالغربة
الشديدة مع أن غربته فقط مر عليها بضع ساعات
..... وهنا في تلك المدينة الغريبة هناك إمراة كانت أقرب ما
يكون له والآن هي غريبة نعم سيراهها

في غرفة الفندق كان يجلس وحيداً يتأمل الورقة الصغيرة في يده
التي دون عليها العنوان نعم هذا هو المكان الذي
تمكث فيه سلمى الآن شعر بضيق شديد ماذا
يفعل وماذا ينوي أن يفعل هو يبحث عن الحقيقة
نعم ولكن كيف هل ستكون مواجهة
..... ماذا سيكون رد فعلها عند رؤيته
..... شعر أنه عاجز عن التوقع وشعر
أن غضبه سيسبق أي شئ وقد يقتلها على الفور بمجرد أن يراها

وفي منزل سلمى كانت ملامح الضيق بادية على وجه يحيى
..... نظرت له سلمى بدهشة عندما قام بصب جام
غضبه على إحدى الخاديات ثم قالت : إيه مالك في إيه
يحيى : البيه قال ايه طلع ليه ابن أنا أقعد أبني واكبر
وأحرق نفسي في الشغل وجايب ابنه ياخذ كل حاجة على الجاهز
نظرت له سلمى بدهشة وتابع هو حديثه بغضب مقلداً نبرة محمود
: يحيى مازن بعد كده حيبقى مكاني عايزك
تفهمه كل حاجة عن الشغل إبتسم ساخراً ثم تابع وهو
ينظر لها : طيب أنهي شغل شغل المنظرة ولا
الشغل اللي بجد ولا إحنا حنحرق بقة ونجازف وهو ياخذ المنظرة
على الجاهز

سلمى : هو محمود طلع ليه ابن !!!!

يحيى : إنتي لسه فاكرةاو ففففففففففف بعد بكرة الباشا
عامل حفلة كبيرة على اليخت إحتفالاً ههههههههه
إحتفالاً بالمولود السعيدإعلمي حسابك إنتي معزومة
معايا

سلمى : مليش مزاج انا للحفلات دي

يحيى : بقولك إيه أنا مش عايز حد يحس إني مش طابق الواد ده
لغاية لما أشوف آخرتهامش بطلب منك يا هانم
.....تكوني جاهزة على المعاد حنروح من بدري
شعرت بغضب شديد داخله كالبركان ففضلت الإنسحاب قالت له
ببرود : تصبح على خير وإتجهت لغرفتها وظل هو وحيداً مع
غضبه .

في الصباح إستيقظت باكراً نظر لها نظرة فاحصة ثم قال : على
فين بدري كده

سلمى : حانزل مع ماريأ أعمل شوبنجإيه رأيك يا
حبيبي أشترى فستان لايت جديد كده علشان الحفلة

شعر بنبرة من الإستهزاء في حديثها فظل يتفحص جريدة في يده
دون ان يجيبهاإبتسمت ثم لمعت عيناها وتابعت : ولا
إيه رأيك ألبس المايوه التركواز اللي إنت جبتھولي حيبقى ظريف
قوي خصوصاً إن إحنا على البحرإبتسمت عندما
رأت نظرتة الغاضبة فقد نجحت في إستفزازه قال لها بصوت
غاضب : نعم !!!!! المايوه ده يا هانم جبتھ تلبسيه هنا معايا لما

ننزل البيسين سوا ومن ساعتها وإنتي مزوقة بيه الدولار
.....بقه حلو دلوقتي وعايزة تفرجيه لروما كلها وبعدين هو
إنتي أصلاً بتنزلي الميه مش ده البحر اللي بتخافي منه
سلمى : اه صح فكرتنيباي يا بيبي علشان متأخرش
تركته واتجهت لركوب سيارتهاوهناك من بعيد كانت هناك
عيون تراقبها عيون خضراء لامعه بلون الزيتون
.....عيون غاضبهفالوجه مبتسم
.....إنها تبدو سعيدةإنطلقت بسيارتها
مسرعة وخلفها حارسها الشخصي وهو يراقبهم
بغضب.....

كانت تتسوق بملل مع ماريا التي نظرت لها بدهشة وقالت :
سلمى مش إشتريتي حاجه

سلمى : عادي أنا زهئانه وممكن ماروحش أصلاً

ماريا : حفلة كبيرة روعي غيري جو

سلمى : أنا أصلاً تعبانه عندي مغص مزهني

ماريا : إيه مش فاهم

قالتها لها سلمى بالإيطالية ثم تابعت وهي تضحك : عاملة فيها
بس خبيرة اللغة العربية

ماريا : اممممم فعلا لغة صعبة كتبيير

نظرت لها ماريا بعين فاحصة ثم تابعت : سلمى إنتي إتأخرتني

سلمى : إتأخرت على إيه

ماريا : لأ سلمى إتأخرتيممكن يكون في بيبي

سلمى وقد فهمت مقصد ماريا أنها تقصد تاخر العادة الشهرية
اجابت بسرعة نافيه : لا لا

ماريا : ليه لا لا هو مش في فرعون مصري معاكي في البيت
حبيبي ولا هو مش فرعونقالتها ماريا وضحكت بخبث
ولكن تغيرت ملامح سلمى وبدا على وجهها الضيق فهي فعلا
متأخرة!!!!!!

نظرت لها ماريا ثم قالت : سلمى ليه زعلتي إنتي مش عايز

سلمى : لأ مش عايزة ومش في دماغي الموضوع ده دلوقتي
.....أنا غبية عايشة يوم بيومه إزاي مفكرتش في حاجه
زي كده

ماريا : طيب حبيبي روعي لدكتور شوفي الأول تخميني صح ولا
لأ

سلمى : عندك حق أنا لازم أظمن الأول

ماريا : في دكتورة لبنانية أعرفها تاخدي العنوان

سلمى : اه عربية كويس هاتي العنوان

ذهبت سلمى على الفور كانت قلقة جداً وهي تنتظر كلمات الطبيبة
نظرت لها الطبيبة بإبتسامة ثم قالت : إنتي مصرية

سلمى : أيوه

الطبيبة : مش تقلقي حبيبي اللوب بس تاعبك شوية راح أشيله
وكله يبقى تمام وبتيجي العادة علطول

نظرت لها سلمى وقد كادت الصدمة ان تحبس صوتها قالت
بصعوبة : إيه لوب

الطبيبة : اه حبيبي اللوبواضح مركباه إنتي من فتره
نسيتي ولا عندك طفل حلو بيخليكي تنسي

ظلت سلمى صامته لفترة وقد أحاطت بها حالة من الصدمة ثم
قالت : هوهو ينفع حد يركب لوب من غير ما يكون
خلف !!!!

الطبيبة : اكيد لا ما بنصح

نظرت لها سلمى وعيونها متحجرةودموعها على
وشك النزول : حضرتك ليه واثقة إن عندي طفل

نظرت لها الطبيبة بدهشة ثم قالت : حبيبي إنت بتختبريني
.....بعرف من شكل الرحم وبعرف كمان إن ولادتك كانت
طبيعي مو قيصري .

الفصل الثاني والعشرون

خرجت لا تشعر بقدميها كانت تمسك ببطنها وتتحرك بصعوبة
وهي تحاول ان تكتم بكاءهاوقعت على الأرض

.....ساعدها البعض على النهوضقذفت بنفسها
داخل أحد دورات المياه وأفرغت ما في معدتها ثم جلست على
الأرض وظلت تبكي بهيستريا شديدة

لا تعرف كم مر من الوقت نظرت لوجهها في المرآه فشعرت
وكأنها ترى أحد الأشباحقامت بغسل وجهها
محاولة إخفاء آثار البكاء ثم خرجت مسرعة والشر يتطاير من
عينهاكان حارسها الشخصي في إنتظارها كالعادة
يقف بجانب سيارته منتظراً قدومهاإتجهت نحوه
على الفور وتفوهت ببعض العبارات الصارخة ففهم أنها لا تريده
أن يتبعها ولكنه أصر فتلك أوامر مخدومه نظرت له في شراسه
شديدة ثم تلفتت حولها لتخبر الجميع بصوت زاعق أن هذا الرجل
إرهابي ويود تفجير قنبلة قد خبأها في سيارتهإنطلقت
مسرعة لسيارتها وقد أحاط جمع من البشر بالحارس المسكين
وأكالوا له الضربات بقوة نظرت نحوه في تحدي وأشارت له
بإصبعها بإشارة بذينة ثم إنطلقت بسيارتها مسرعة

.....

حالة من الإنبهار هي تلك التي يعيشها مازنكانت
التساؤلات تدور برأسهلماذا أخرجت أمه أبيه من
عالمها بهذا الإصرار ولماذا لم يتنعم في هذا الثراء الفاحش من
صغرهإبتسم بسخرية وتذكر أنه قد خسر كل شئ في
عدة أشهر أطاحت الأزمة الإقتصادية العالمية بحلم شركته
الصغيرة وتوفيت والدته برصاصة طائشة في الصومال على أثر
حرب الشوارع بين المتمردين والقوات النظاميةكره

نفسه وكره عمل أمه وقرر العودة لأمريكاوكان القدر
أراد له أن يجد الأب بعد أن فقد الأم .

نظر له محمود نظرةً حانيةً ثم قال : إيه رأيك في أوضتك عاجباك

مازن : عاجباني طبعاً

محمود : عارف أنا مبسوط إنك بتتكلم عربي كويس أنا كنت
فاكرك حتبقى أمريكاني زي ماما

مازن : أولاً أنا تقريباً عشت في أمريكا مدة بسيطة قوي
.....ثانياً كنت بتعامل مع عرب كثير في جوهانسبرج وده
خلاني أعرف اللغة كويس خصوصاً إن أصلي مصري فلازم
أعرف لغة بلدي ولا إيه

محمود : رحتمصر قبل كده

مازن : مرتين رحلات سياحية مع ماما

محمود : مفكرتش تدور عليا هناك يا مازن

مازن : أكيد فكرت بس فينكل معلوماتي عنك كانت
صورة وكلمة سافر وسابنا معرفش أي معلومات عن عيلتك

محمود : الكلام في الماضي ملوش داعي المهم الحاضر
والمستقبل

مازن : بس ليه ماما خرجتك من حياتنا أنا كنت فاكر إنك إنت
اللي هربت وإنت طول السنين دي كنت بتدور علينا !!!!!

محمود : خلاص بقه يا مازنانا عايزك تستمتع
بالحاضرإنتي إبني الوحيد كل ده ملكك إنت وبس فاهم

مازن : إبتسم مازن ولكنه كان شاردأ لا يعرف سعادة أم قلق
تابع محمود : بكرة أنا عامل حفلة كبيرة قوي بمناسبة قدومك
عازم كل معارفي علشان حاعلن مفاجئة

مازن : مفاجئة!!! مفاجئة إيه

محمود : بكرة حتعرف

دخلت مريم القاعة في موعدها كعادتها فوجدت معتز قد أسند
رأسه على أحد المقاعد وأغمض عينيه وكأنه مستغرق في النوم
.....لم تحاول إيقاظه ولكنها ظلت تتفحص ملامحه فهي
دائماً ما تتجنب النظر إليه مباشرةً فعيونه كالصقر تتابعها دائماً
وكانها تسعى لإصطياد نظارتهاكانت ملامحه تتسم
بالجاذبيةتُرى هل كانت ستتجذب إليه إذا قابلته قبل أن
يحدث ما حدثأم كانت ستتجنبه مثلما تتجنب كل
الرجالفتح عينيه فجأة أثناء شرودهارأت في
عيونه نظرة الإنتصار وإرتبكت ولكنها تدراكت نفسها ونظرت
نحوه في تحدي ثم قالت : أنا كنت حامشي قلت شكلك نايم
معتز بإبتسامته المعتادة : لأ ماكنتش نايم بريح عيني بس

مريم : لو تعبان بلاش النهارده

معتز : لا أنا مش تعبان بس جعان تاكلي معايا

مريم : لا متشكرة

معتز : ما هو ماينف عش اقع اكل وانتي تبصيلي في الاكل
.....بتحبي كوك دور

مريم : قلتك مش جعانه حاستناك بره لغاية لما تخلص اكل

معتز : انا بتكشف على بنات وانا باكل عادي على فكرة

ابتسمت له ابتسامة صفراء ولم تجبه عندها أمسك معتز بالهاتف
وتحدث بصوت عالٍ : أيوه يا علوة ظبتطي إنتين كومبواه
واحد فياجرا وايه الثاني طب إستنىها تاخدي إيه

مريم : مش عايزة

معتز : خلاص أجيبك فياجرا

مريم بغضب : إيه

معتز : ساندويتش والله ده جامد على فكرة
.....خلصي قولي عايزة إيه وإلا حاجيبك فياجرا زي

مريم : خلاص خلاصهات فراخ

معتز : ماشي ياعم وكمان واحد فاهيتا متتاخرش جعان

أنهى المكالمة وقال لها :معلش لما بجوع بفصل

نظرت له ربما لأول مرة بإبتسامة ويبدو أنها شعرت بالذنب
فقطبت جبينها وشغلت نفسها بهاتفها الجوال

نظرت للطعام وقالت : حسابي كام

معتز : نعم !!!!

مريم : لأ معش أنا لازم أدفع حسابي

معتز : والله ده على أساس إني إيه مش راجل يعني

مريم : ملوش علاقة بالرجولة إنت ليه تدفعلي

معتز : عازمك

مريم : وليه تعزمني وتجيبي أكل من أساسه مينفعش لو

مدفعتش مش حاكل

معتز : خلاص خلاصإدفعي بس زعلان

لم تجبه وضعت النقود أمامه ثم بدأت تتناول طعامها دون أن

تنظر نحوه ولكنها إكتشفت بعد فترة أنها يراقبها وهي تتناول

طعامها نظرت له بدهشة وقالت : في إيه

إبتسم وقال لها : أصلك بصراحة ومن غير زعل

مريم : طيب قول

معتز : من غير ماتشخطي فيا وتزعقلي

مريم : خلاص قول

معتز : كلك على بعضك بتحاولي تبقى مسترجلة لبسك

الشوز قصدي البيادةطريقتك في التعامل لكن

مريم وقد شعرت بالضيق بعض الشيء : لكن إيه

معتز : بتاكلي زي البناتالحمد لله طبعاً

صمتت لوهلة ثم قالت : طيب كابتن معتز ممكن أطلب منك طلب

معتز : إنتي تأمري

مريم : ياريت العلاقة بينا تفضل رسمي حضرتك مدرب وأنا
تلميذة ليك مش أكثر بلبس أزاي وباكل أزاي دي مش بتاعتك
ومش من حقك تتكلم فيها

نظر لها ضاحكاً كان على تمام التأكد أن هذا سيكون ردها
.....رسم ملامح الجدية على وجهه ثم قال بصوت أجش :
أكيد يا آنسة مريم إتفضلي حنبداً تدريب

وطوال التدريب تخلى معتز عن مرحه معها بل كان جاداً جداً
يلومها ويزعق بصوت عالٍ عند أقل خطأ وفي النهاية لم يروقه
ذلك

عادت سلمى للمنزل متأخرةكان يحيى في إنتظارها
غاضباً بعدما علم بتصرفها مع الحارس الشخصي إستقبلها
بصوت غاضب وهو يقول : في إيه يا هانم

نظرت له نظرةً نارية كادت أن تفصح بكل شئ وتصرخ بأعلى
صوتها لتسأل عما حدث ولكنها تماسكت ثم قالت : ده بودي جارد
بمزاجي يسمع كلاميمش عينك عليا وأنا بره لو إنت
مش واثق فيا يا يحيى يبقى إحنا متجوزين ليه
يحيى : إنتي بتقولي إيه

سلمى : أنا تعبانة الزفت بتاعتك ده عصبني ولازم أنام كويس
علشان حفلة بكرة ولا إيه

يحيى : حظك إن بالي مشغول بس لينا كلام مع بعض يا سلمى

سلمى : عندئذك

دخلت غرفتها وأغلقت على نفسها من الداخل كانت حقاً تود أن تظل وحدها في هذه الليلة.....ماذا تخفي يا يحيى كانت تشعر أن بجعبته سراً قد يقلب حياتها رأساً على عقب وأنه لن يبوح به بسهولة.....ظلت طوال الليل لا تفكر سوي بالعيون الخضراء اللامعة عيون رجل و عيون ضاحكة لطفلة.....بكت كثيراً ولكنها في النهاية نامت وقد دبرت أمراً.

على أنغام الموسيقى الصاخبة تمايلت الأجساد وتراقصت.....وعلى اليخت العائم تواجد الجميع كانت سلمى قد إرتدت فستاناً قطنياً أبيض اللون.....ملتصق بجسدها مظهرأ جمالها الفتان وتركت شعرها مسترسلاً للهواء وأخفت عيونها بنظارة سوداء زادتها جمالاً.....لاحظ يحيى رباط رفيع وقد عقد ببساطة خلف رقبتها فنظر لها بغضب وقال : إيه ده إنتي لابسة المايوه

سلمى بإبتسامه : اه

يحيى : ليه

سلمى : هو إحنا مش في البحر ولا إيه وكله أهو بالمايوه يا في المية يا بياخد حمام شمس.....دي قربت تبقى مايوه بارتي

يحيى : مش كله منا لابس عادي اهو والباشا حتى جوليا لابسه عادي

سلمى : ههههههههههه هي جوليا محتاجه مايوه هو اللي لابساه مش محتاج أصلاً

وبالفعل كانت جوليا قد إرتدت شورت قصير جداً مع قميص ضيق للغاية في محاولة لإظهار مفاتها وكانت نظراتها توجه نحو يحيى من أن لآخر

نظرت له سلمى وإبتسمت بسخرية ثم قالت : شكلها لابساهاوك

يحيى : إيه ده مش معقول بنغير ولا إيه

سلمى : هههههههه لا طبعا أنا أغير مين دي

نظر يحيى لجوليا في خبث إعتقاداً منه أنه سيثير غيرة سلمى ثم تابع : ليه هي مش ست وحلوة

سلمى : ست وحلوة بس أنا أحلى

قالتها بثقة شديدة وهي تنظر نحوه عندها إقترب منها فأصبح في مواجهتها تماما وكأنه سيقبلها ثم قال : اه وملكى أناالمايوه ده لو ظهرتى بيه حتشوفي مني وش متعرفهوش يا سلمى

في تلك الأثناء ظهر الباشا وبجانبه مازن فزاد ضيق يحيىطلب الباشا إيقاف الموسيقى لأنه بصدد الإعلان عن امر هامتوجهت له جميع الأنظار ليفجر مفاجئة من العيار الثقيللقد قرر أن يكتب لمازن حصته في المجموعة التي هي ستون بالمائة والباقي على شكل أسهم وسندات يمتلك منها يحيى فقط عشرة بالمائةباسم أصبح هو مالك المجموعة الآن !!!!!!!

تعالت الهتافات والتصفيق وعادت الموسيقى مرة أخرى وشعرت
سلمى بثورة بركان داخل يحيى كتم غيظه وهو ينظر نحو
الوريث السعيد أخرجت سلمى سيجارة وبدأت تدخنها
فنظر لها غاضباً ثم قال : إيه ده مش قلت مليون مرة سجاير لأ

نظرت له بدون إكترات ونفخت دخان سيجارتها في وجهه
..... شعرت أنها على مقربة من فوهة بركان دب الخوف
في قلبها للحظات أنقذتها جوليا بدون قصد عندما إقتربت
منهم موجهه حديثها نحو يحيى وقالت : يحيى الباشا عم يسأل
عنك

قال لها ونظراته موجهه نحو سلمى في غضب : جاي معاك

تركها وتوجه لمحمود مع جوليا وظلت هي تراقب الحفل
والموسيقى والرقص ثم قامت وتوجهت نحو منسق الموسيقى
"الدي جي" لتطلب منه أغنية معينة وبدأت ترقص بدون إكترات
على أنغام الموسيقى

كان مازن يجلس مع جوليا وباسم عندما لاحظ تلك الجميلة التي
يبدو أنها هاربة من أحد قصص ألف ليلة وليلة كانت
تتمايل بدلال على أنغام الموسيقى نظرت له جوليا بخبت
ثم قالت : راح تاكلها بعيونك

مازن : هه طيب هي مين

جوليا : مرته ليحيى

مازن : مش معقول

باسم : ماهو يحيى ده شاطر في كل حاجه

جوليا : بدك ترقص شوييلا إنت نجم الحفل وبعرفك
على سلمى

إبتسم لها مازن وقام معها

وبالفعل إنضمت جوليا ومازن لسلمى وباسم يراقبهم بخبث
.....ولاحظت سلمى نظرات الإعجاب في عينيه وعندها
قامت بخطوة جريئة وشاركته الرقص في تحدي واضح ليحيى
.....

كان يحيى ينظر نحو زوجته وهي تراقص مازن في غضب شديد
.....غضب أفقده التركيز فلم يكن يستمع لكلمات محمود
.....نظر نحوه بعد شرود ثم قال : بكرة نتكلم يا باشا
.....بكرة في المكتب أحسن
محمود : ماشي يا يحيى

إنتهى الحفلظل يحيى صامتاً طوال طريق العودة
.....أفزعها صمته ولكنه تدراكت نفسها بعد ذلك فهذا هو
مرادهاغضبه هو مرادهاهي في إنتظار خطأ
من الشيطان !!!!

بمجرد أن دخلوا المنزل نظر نحوها بعيون يملؤها الشر ثم قال :
إيه بقه ده

سلمى : في إيه

يحيى : واقفه ترقصي في حزن النوس الصغيرإنتي
نسييتي نفسك ولا إيهقال ذلك وهو يجذبها من ذراعها
بقوة

فقلت له وهي تحاول أن تتخلص من قبضته : سيب دراعي إنت
إتجنت

يحيى : هو إنتي لسه شفتي جنانلمي نفسك يا سلمى وإلا
حتشوفي وش مني عمرك ما شفتيه

نظرت له بإزدراء شديد ثم خلصت نفسها من قبضته وهمت تتجه
لغرفتها ولكنه إستبقها وإعترض طريقها وقال بغضب :
متسبينيش كلميني زي ما بكلمك

سلمى : في إيه للدرجة دي مفروس منه خد بالك ده اللي حتاخذ
منه الأوامر بعد كده

يحيى : هي دي الطريقة اللي بتتكلمي بيها مع جوزك يا هانم فعلا
ونعم التريبة رقص قدام الرجالة الصبح وقلة أدب هنا معايا بالليل
نظرت له بعيون مملوءة بالتحدى وقالت : ماهي تربيتك

لم يشعر بنفسه إلا وكفه ينزل بقوة على وجهها
كانت ضربة قويةأسقطها على الأرض

.....نظرت له بذهول شديدفي تلك اللحظة
لم تكن تراه بل كانت تشعر أنها في مكان آخر بقرب البحر ويحيى
يحاول الإعتداء عليها !!!!

إبتعدت عنه نظرت له بغضب وبوجهٍ شديدٍ الشحوب حاول
الإقتراب منها ولكنها صرخت بشدة وقالت له : إبعد عني
..... إبعد عني لو قربت مني حموت نفسي إبعد
إبتعد وعلى وجهه علامات الصدمة وعندها تخطته وإنطلقت
مسرعة خارج الفيلا لتركب سيارتها وتتطلق بأقصى سرعة

كان أحمد يقف خارج المنزل متردد هل يدخل لمواجهتها مع هذا
الزوج أم سيظل يراقبها من بعيد ظل شارداً داخل السيارة
شعر بتأفف السائق من الإنتظار وعندها وجدها تخرج مسرعة
وزوجها يحاول اللحاق بها دون جدوى نظر بعين
لامعة للسائق وطلب منه اللحاق بسيارتها

لا تعرف ما الذي قادها لشاطئ البحر ربما تلك الهواجس بداخلها
..... نعم تلك النظرة المخيفة في وجهه رأتها قبل ذلك على
شاطئ البحر نعم هناك حاول أن يأخذها بالقوة هذا ما
تتذكره كانت تجلس في سيارتها في حالة من الذهول
..... غاضبة من هذا العقل التالف قامت
بصدم رأسها في مقود السيارة بعنف شديد وعندها ظهر شبح من
الظلام كان وجهه يظهر رويداً رويداً وهو يقترب من ضوء
السيارة إنه هو نعم هو صاحب العيون
الخضراء اللامعة

الفصل الثالث والعشرون

بعيون جاحظة وقلب مرتجف كانت تنظر نحوه إستجمعت
شجاعته وخرجت من السيارة وتوجهت نحوه لحظة
فارقة ربما يكون شبّح بل هو مجرد صورة من نسج
خيالها البائس كانت ملامحه جامدة بعيون
متحجرة ظل ينظر نحوها بدأ الذهول على
وجهها إنه حقيقي ليس بشبح وليس بصورة
بل حقيقي إذن هي ليست مجرد هواجس
..... بل هي الحقيقة الغائبة .

صمت دهرًا ثم نطق أخيراً بصوت أجش وملامح غاضبه إقترب
منها وقال قوله

أحمد : إيه للدرجة دي إتصدمتي لما شفّتيني

ظلت صامته تنظر نحوه في ذهول هو يعرفها إذن
..... تابع بعدها بنفس النبرة الغاضبة : ياااااااااااه طيب
ممكّن تنسي جوزك أفوتها لكن تنسي بنتك للدرجة دي
بسهولة تبيعيني وتبيعي بنتك

بدأت صورته تختفي رويداً رويداً وصوته يبتعد فقط كلمة واحده
تكرر داخل عقلها كالصدى بنتك بنتك صمت
مطبق نعم لقد فقدت الوعي

نعم سقطت مغشياً عليها أصابه الدهول وظل واقفاً
مكانه بلا حراك لحظات ثم إستدرك نفسه وحملها
سريعاً ليضعها داخل السيارة وينطلق مسرعاً لا يعرف وجهته
.....

مشفى نعم ظهر مشفى توقف أمامه وحملها للداخل
..... لا يعرف ماذا حدث وماذا يحدث أدخلوها سريعاً
للطوارئ جميعهم يتحدثون بلغة لا يفهمها غابت عن
نظره ووجد نفسه وحيداً غريباً لا يشغل باله سوى الإطمئنان
عليها .

إنه حلم حلم طويل نعم ترى نفسها
مع امرأة جميلة وهي المراهقة الصغيرة ذات العيون الضاحكة
..... يحيى الشاب الذي عشقها بجنون
..... بداية قصة بنظراته ونهايتها بقبضة يد أبيها
..... أحمد زوجها نعم لقد عشقت مرة أخرى ربما يحيى
ليس بعشق بل العشق هو أحمد زواج عيون
ملاكها الصغير جودي جودي
..... طفلي الصغيرة حبيبتي أين أنتي
..... يحيى نظرة غاضبة بل
إنتقام بل عشق ماجن تعدى الجنون

مريم بكاء صراخ يحيى
..... زوجك أنا

فتحت عيناها بفرع بملابسهم البيضاء إجتمعوا حولها
..... لا لم تمت هي تتذكر نعم تتذكر كل شئ
إبتسمت ثم بكت ثم فقدت وعيها مرة أخرى .

أخيراً توصل أحمد للطبيب : إنهيار عصبي شديد هكذا أخبره هي
نائمة الآن بفعل المهدئات ستفيق بعد ساعات نعم
ساعات ربما ستمر كسنوات

جلس بجانبها ينظر لوجهها النائم مازلتى جميلة يا
سلمى بل زدتي جمالاً كيف كيف زاد جمالك
وأنتى بعيدة عن أسرتنا الصغيرة رأيته سعيدة
ورأيته تعيسة أيهما أنتى ؟ خائنة أم مغدور بك
..... جانية أم مجنى عليك

بدأت تفيق تتبين ملامح الوجه أمامها إنه هو
..... بعيونه المميزة ينظر نحوها إنه أحمد
..... نعم زوجها أحمد ظل ينظر نحوها
مترقباً وهي ظلت صامته ماذا ستقول
..... فعلتها أخيراً ربطت على قلبها بسلاسل من

الحديد وفعلتها نظرت له بملامح جامدة وقالت بصوت ضعيف :
إنت مين

نظر نحوها بذهول شديد قال لها : سلمى إنتي
بجد مش فاكراي سلمى ليه بتعملي كده

سلمى بنفس الملامح : إنت مين أنا معرفكش

أحمد بغضب وتحدي : جوزك نسيتي جوزك

سلمى : إنت مش جوزي وجوزي لو شافك هنا حياقتك

أحمد : انا اللي لو شفته حاقتله أخرج من جيبه صورة صغيرة
لفتاه تبلغ من العمر ثلاث سنوات ليضعها أمام وجهها ويقول
بصوت زاعق : نسيتي بنتك حتعملي مش عارفها

خانتها دموعها إنهمرت بقوة من عيناها وهي تنظر
لصورة حبيبها غاليتي كم إفتقدتك

..... رعشة قوية إنتابت جسدها أغمضت عيناها وقالت
له مصطنعة الغضب : إطلع برة وإلا حاطلبك البوليس

أحمد : إنتي مجنونة أكيد مش طبيعية

..... سلمى فوقي يا سلمى إنتي

فاكرة ولا مش فاكراة ولا خايفة خايفة مني

..... قولي إنك عايزة تعيشي مع عشيقك قولي إنطقي

..... إنطقي لم يدر بنفسه إلا وهو يكيل لها الضربات بكفيه

والأمن يسحبه للخارج

غريبة أنتي أيتها النفس البشرية تتبدلين في لحظات
غامضة تُبعدين من تعشقين لتقتربي ممن تمقتي
!!!! لا بل هو خوف خوف على المحبوب
حبيبي ليس لك مكان بجانب الشيطان هذا
قدري أنا فدعني أستمتع بشهوة الإنتقام نعم
سيبدأ الثأر.

كان باسم يغط في نوم عميق عندما سمع هاتفه الجوال
..... نظر لرقم المتصل بعيون ناعسة ولكنه تنبه على الفور
عندما وجد أنها سلمى رد عليها سريعاً وصوته لا يخلو
من الدهشة الشديدة

باسم : سلمى خير في إيه

سلمى : معلىش يا باسم قلقتك

باسم : لا عادي حصل إيه

سلمى : أنا حاديك عنوان مستشفى ممكن تيجيلي حالاً

باسم : مستشفى !!!!! لمعت عيناه ثم تابع : يحيى جراه حاجه

إبتسمت بسخرية ثم قالت : لا أنا لوحدى ويحيى ميعرفش انى هنا
ومش عايزاه يعرف أنا عايزة منك إنت خدمة
حتيجي ولا لا

على الرغم من صدمته من طلبها المريب إلا أنه قال لها بنبرة
التوكيد : طبعاً.....مسافة السكة

قطب جبينه ونظر لها بدهشة شديدة ثم قال : معلى قولي تاني
كده

سلمى بإصرار وبصوت مرتعش : أحمد عبد الرحيم سعيد
المصريده إسمه بالكامل هما متحفظين عليه في
الأمن برهزي ما قلتلك عايزاه يترحلمن
بكرة يكون في مصرإيه يا باسم مش قدهالو
يحيى كان عملها في ساعة

باسم وهو يبتسم بتحدي : وأنا أخلصها في نص ساعة يا روجي
.....إحنا بنشتغل مع الباشاأنا بس حببت أفهم

سلمى : مش حينفع تفهمتقدر تتفدلي الخدمة دي من غير
ما تفهم

باسم : أوكيه

سلمى : وزى ما أكدت عليك محدش يلمس منه شعره أنا عايزاه
بكرة يكون في بلده في آمان

باسم : إعتبريه نايم في سريره وبيشرب اللبن

سلمى : ميرسي يا باسمكنت واثقة إنني أقدر أعتمد
عليك

باسم : طيب إنتي مش خايفة إنني أقول ليحيى

سلمى بابتسامة مأكرة : باسم أنا واثقة مش حتقول ليحيى

باسم : بس كده ليا عندك خدمة ولا إيه

سلمى : ده برده شئ أنا واثقه منه

باسم : كنت متخيل إن الجمال والذكاء مستحيل يجتمعوا في الست
بس واضح إنني كنت غلطانطيب أخلص أنا مأموريتي
وحابلك بالتليفون أول لما يركب الطائرة

سلمى : مش إنت اللي حاتبلغنيأنا حتأكد بطريقتي هو
وصل مصر ولا لأ لكن لو موصلش يا باسم حاقلب الترابيزة
وحدخل يحيى في الموضوع ويا عالم بقه حقوله إيه

إبتسم بسخرية وبدأ بفرك ذقنه بأصابعه ثم قال : فهمت لا
متخافيش أكيد أنا مش ناوي أخسركسلام مؤقت

سلمى : سلام

خرج باسم وعندها أغمضت سلمى عيناها وإستسلمت لتفكير
عميق

كانت جوليا تحاول الإتصال بيحيى دون جدوى
.....سمعت صوت الباشا غاضباً مرة أخرى : جوليا ها
رد عليك

جوليا : لا مسكر كل تليفوناتك يا باشا

أغلق محمود الهاتف في غضب عندها وجدت جوليا
مازن امامها ضاحكاً فنظرت له وقالت : على شو عم تضحك

مازن : أصل الباشا شكله طلع غله فيكي

جوليا : مو أول مرة

مازن : خلاص يا ستي أو عدك لما تبقي السكرتيرة بتاعتي مش
حاتعصب عليك خالص

جوليا : والله بنشوف

مازن : هو بابا متترفذ ليه

جوليا : عم بيدور على يحيى إختفى

مازن : أكثر إسم سمعته من ساعة ما جيت البلد دي يحيى
..... هو إيه يحيى ده نجم الموسم ولا إيه

جوليا : الباشا بيعتمد على يحيى في كل شى تقريباً
..... عشان هيك هو بده ياه الحين بعد ما قرر يكتب ليك
حصته أعتقد بينهم أمور لازم توضح

مازن مستغرباً : أمور امور إيه

جوليا : حبيبي أنا ما بعرف تفاصيل إنت بتعرف كل شى بعدين
شعر بعد الراحة من نبرة حديثها وهم ليغادر فإستوقفته قائلة :
وين رايح ما راح تدخل عنده للباشا

مازن : لأ مش دلوقتي لو سأل عني قوليلوا إني في
البيت

ظهرت الشمس ولم تظهر سلمى كان يشعر بالقلق والغضب
.....ربما أصابها مكروه وربما قررت أن تبتعد
.....تهرب لا هي تعلم جيداً أنها لا تستطيع
الهرب منه وإن فكرت سيقتلها قبل أن تفعل ذلك
.....أو ربنا يقتل نفسهفمولده بداية هذا العشق
ونهايته ستكون لعنةلعنة عشقك يا سلمى .

وصلت مريم في موعدها المعتاداستقبلها معتز ببرود
فلم تعره إهتماماً على الرغم من غضبها لتبدل معاملته
.....غضب فوق غضب فكانت تمسك سلاحها بطريقة خاطئة
وتنفيذها كان أسوأ ما يكونفي البداية لم يفعل شيئاً
سوى النظر نحوها ومراقبتها كان ينظر إليها ولا
يوجد بعقله سوى تلك العباراتحبيبتي إذا كنتي تصتعين
القوةفستحطم قوتك أمام جدارينعم
مشتاق أنا للأنثى الغائبة داخلك

إقترب منها وقال بنبرة هادئة : مينفesch كده يا مريم إنتي ذكية
.....وبتستوعبي بسرعة وكنتي بتمسكي السلاح صح
.....لكن معرفش بيحصلك إيه بنتشني بعصبية قوي وكده
مش تمام والنهارده بقه دمرتي الدنيا كله غلط واقفة غلط
وماسكة سلاحك غلط

مريم : أنا بقول فرکش النهاردهأنا مش مركزة

نظر لها نظرة حانية ثم إستدرك نفسه وإصطنع نبرة جادة وتابع :
لا مش فرکش لو مشيتي كده حتفقدني ثقتك بنفسك تعالي

إقترب منها ليقف خلفها تماما ثم أمسك بكلتا ذراعيها ليرفعهم
ويتخذ كلاهما وضع النشان أمسك بيدها متعمداً وهو
يقول : أيوه وضع إيدك يكون كده على السلاح

شعرت بإقترابه الشديد منها وقد أصبح غير لائقاً وتعمد
هو ذلك بل إنه قد حضر نفسه لصفعة قوية من يدها الصغيرة
وعندها سيقوم بصدها سيمسك بيديها قبل أن تنزل على
وجهه نعم ستتخطم قوتك أمام جداري يا مريم
..... ستبلغين أقصى حدود غضبك وسأحتوي أنا هذا الغضب

وفي لحظة شعرت برعشة غاضبة إنتابت جسدها كله فقد
شعرت بأنفاسه خلفها كان قريباً جداً منها إستدارت
له بغضب وعندها صوبت سلاحها نحوه .

الفصل الرابع والعشرون

بعيون يملؤها الإصرار صوبت سلاحها نحوه ردة فعل
لم يكن يتوقعها وعلى الرغم من ذلك بدا متماسكاً نظر لها بتحدي
وقال : مريم مفيش هظار في الحاجات دي

مريم : ومين قالك إني بهظر

معتز : خلاص مادام بتهظريش إتفضلي أنا قدامك أهو

في تلك اللحظة دخلت منة وقد كانت تمسك بيدها كوباً من الشاي فسقط على الأرض عندما رأت ما يحدث عندها إنتبهت لها مريم ثم نظرت نحوه بغضب شديد وناولته السلاح وقالت بنبرة لا تخلو من الإنفعال : بيتهياي كده أنا خلصت تركته وخرجت من المكان مسرعة وهو ينظر للسلاح في راحة يده ويكاد يستمع لدقات قلبه بعد ما حدث

لم يصدق عيناه عندما رآها تدخل من باب المنزل إقترب بعيون يملؤها الغضب والقلق في آن واحد

يحيى : كنتي فين أنا كنت حاجن عليكي

لم تجبه في لحظتها ظلت تنظر نحوه ملياً فتلك هي المرة الأولى التي تراه فيها بعد أن تذكرت إستدركت نفسها سريعاً ثم قالت : كنت في المستشفى

يحيى وقد تبدلت نبرته فأصبحت أكثر هدوئاً : إيه ليه

سلمى : تعبت وأنا سايقة وناس ساعدوني وودوني المستشفى

يحيى : مكلمنتيش ليه

سلمى : أكلمك بعد ما ضربتني

نظر يحيى ليده وكأنه يتذكر ما حدث ثم قال : سلمى إنتي عصبتيني إنتي مش عارفة أنا بحبك أد إيه

إقترب منه ووضع كفه على وجنتها بنية تقبيلها ولكنها تراجعته
وإبتعدت عنه على الفور فقال لها : سلمى إنتي لسه زعلانة مني
.....طيب إديني فرصة أصالحكحبيبي خلينا
نطلع فوقإنتي وحشتيني قوي
قاطعته على الفور وقالت : مش حينفع

يحيى : إيه!!!!

سلمى : الدكتوراة قالتلي بلاش علشان الحمل
إتسعت حدقة عيناه من فرط الدهشة ثم إبتسم وقال لها بصوت
يكاد ينبض بالسعادة : سلمى إنتي بتقولي إيه
سلمى : أنا حامل

يحيى : يااااااااااااه بجدأنا عمري ما كنت بفكر في
الولاد دلوقتي بس مكنتش متخيل شعوري حيبقى كده
.....يااااااااااه

سلمى : مبسوط يا يحيى

إقترب منها وأمسك بكلا وجنتيها ونظر لها في حب شديد قائلاً :
أحلى حاجة فيه إنه منكإحتضنها بقوة ثم حملها بين
ذراعيه فنظرت له بدهشة وقالت : إنت بتعمل إيه

يحيى : هشششششششششش لا مجهود ولا عصبية
.....يلا على سريرك وترتاحي خااااااااااالص
.....ياه أخيراً حته منى جواكي يا سلمى

كانت الأجواء تبدو مشحونة في مكتب الباشا.....نظر
محمود ليحيى نظرة ذات مغزى ثم قال : إيه مالك يا يحيى

يحيى : أبداً أنا مستني أسمع منك يا باشا

محمود : ماشيفي خلال الأسبوع ده المحامي حيكون
خلص الإجراءات وحنقل الملكية لمازنيعني نوع من
التقاعد

يحيى بإبتسامة ماكرة : طيب ده شغل الواجهة شغلنا الأساسي بقه

محمود : هو الشغل ده فيه تقاعد يا يحيى

يحيى : جميل لكن وضع مازن إيه في الشغل اللي مافيهوش
تقاعد

محمود : وإيه علاقة مازن

يحيى : إيه ياباشا ما هو كله مربوط ببعضه وبعدين عايز تفهمني
إن مازن بعد مايمسك المجموعة وكل الحسابات والورق يبقى
قدامه مش حيعرف إنها لعبة غسيل أموال وعلى كبير قوي

محمود : زي ماننا قلت قدام لكن دلوقتي مش محتاج يعرف

يحيى : اااااااااااااه طيب.....أستنن أنا بقه

محمود : رايح فين لسه ورانا شغل وعايزة أعرف أخبار العملية
الجديدة إيه

يحيى : إتعلنا شوية

الباشا : ليه

يحيى : عندي مشكلة على حدود ليبيا

الباشا : وده من إمتي

يحيى : في قلق في المنطقة دلوقتي البلد دخلها سلاح كثير

محمود : طيب خلاص بلغني بآخر الاخبار إدواردو مستعجل على العملية دي.....محتاجين نعدى السلاح ده بسرعة

يحيى : عارفسلام يا لورد

منذ حظ قدمه على الطائرة وحتى وصل للمنزل وهو في حالة من
الذهول.....استقبلته جودي بفرحة الأطفال

.....بابي بابي.....ووالدته بقلق الأم

.....أحمد رجعت بسرعة؟! خير يا بني إنت كويس

.....لم يجبها نظر نحو إبنته التي تساءلت في براءة : فين
عروسة بتاعة جودي؟

نظر نحوها ملياً هي حقاً تشبهها إحتضنها بقوة وهو يقول :

لبسيها يا ماما.....يلا يا جودي بابي حيفسحك

وحيجيبك كل اللي إنتي عايزاه .

الأم : حتخرج دلوقتي يا أحمد يابني إنت لسه راجع من السفر

أحمد : عندي أجازة من الشغل بقية الأسبوع.....يلا يا

جودي تحبي تروحي فين

جودي بإبتسامة كبيرة : ملاهي

أحمد والدموع محتبسة في عينيه يحاول إخفائها في إصرار :
ماشي يلا يا قمر بابي

كانت الساعة قد قاربت على الثامنة مساءً عندما سمعت مريم
طرق الباب إتجهت لتفتح وكانت المفاجئة فقد
وجدت معتر أمامها بإبتسامته المعهودة إتسعت عيناها من
فرط الدهشة وقالت له بصوت غاضب ومنخفض في نفس الوقت
: أنت بتعمل إيه هنا وجبت العنوان منين

معتز : إنتي ناسية إن بياناتك عندنا ولا إيه

مريم : أنت إزاي تتجراً وتيجي بعد اللي حصل

معتز : أكيد مجنون

في تلك اللحظة خرجت هناء والدة مريم من المطبخ وهي تقول :
مين يا مريم

إرتبكت مريم قليلاً ففهم معتر من نظرة عيناها أن والدتها لا تعلم
شيئاً عن قصة تدريب الرماية إبتسم وقال في هدوء
موجهاً حديثه لهناء : سلام عليكم فرصة سعيدة يا
طنط

هناء بدهشة : أنا الأسعد يا إبنى

معتز : أنا معتر زميل مريم في الشغل آسف جيت من
غير معاد بس مريم معاها تصميم مهم والمدير عايزه ومينفعش
ننزلها متأخر

هنا : اهإتفضل يا إبنى إيه يا مريم سايبه زميك
واقف على الباب

مريم بضيق : معلى أصله مستعجل

هنا : لا ميصحشإتفضل

دخل معتز وهو يقول : معلى عملت ليكم قلق

هنا : ولا قلق ولا حاجهإتفضل فى الصالون
.....تحب تشرب إيه

معتز : لا ملوش لزوم تتعبى نفسك

هنا : ميصحش تشرب حاجه

معتز : خلاص شاي

هنا : حاضرتركتم هنا لتحضير الشاي عندها
نظرت مريم له بغضب وقالت : ممكن أفهم بقه فى إيه

معتز : حسيت إنك مش قايلة لمامتك على موضوع التدريب
فإتصرفت ولا لما ترجع أقول عادى

مريم : لا تقول ولا تعيد تشرب الشاي بسرعة وتتكلم

معتز : مش قبل ما أقول اللي جاي علشان أقوله

مريم : واللى هو

معتز : آسفبجد آسف إتصرفت غلط ولازم أوضح

موقفىمريم معلى أنا كل تعاملى مع رجالة

إتصرفت بدون تفكير كمدرّب مع متدرّب عنده

مريم : نعم !!! المفروض إني أصدق التبرير الخايب ده

معتز : عندك حقإيه ده ماكنتش عارف الأقي كدبة
أحسن من كدة

مريم : اه إنت جاي تهظر بقه

معتز : لأ جاي أتكلم جدأيوه كنت قاصد بس مش
علشان انا راجل وحش أو شخص أهوج بيتحرك ورا شهوته لأ
أنا كنت عايز أستفرك يا مريمكل ما بشوفك ماسكة
السلح بحس بطاقة غضب رهيبه جواكي وإنتي بتضربي وده
يخوف يا مريمكنت عايز أطلع أقصى غضب منك
.....كنت متخيل إني أقدر أمتصه لكن إنتي بصراحه عديتي
سقف توقعاتيمريم أن مش بقول كده بس علشان
أدافع عن نفسي لأ علشان أمرك يهمنيمش بمزاجي
ومش بمزاجك مش بيقولوا ربك رب قلوب

شعرت مريم بالإرتباك من كلماته ونظراته العميقة نحوها عندها
دخلت هناء وهي تحمل أكواب الشاي

معتز : تسلم إيدك يا طنط

هناء : إتفضل ودي أم علي لسه عاملاها

نظر معتز لطبق الحلوى وإبتسم قائلاً : ياه بحبها قوي
.....ماما كانت بتعملهالي

هناء : كانت

معتز : قبل ما تتوفى

هناء : اه معلش يا بني البقاء لله

معتز : الموضوع بقاله زمن خلاص يا مريم
إممممممم إديني التصميم اللي جهز دلوقتي وبكرة الباقي لما
تيجي المكتب

مريم : اه ماشي

دخلت مريم غرفتها سريعاً وأحضرت بعض الاوراق وأعطته إياها
هم معتز للمغادرة ولكنه قال لها بخبث : ولو ملحقتيش تخلصيه
الصبح حعدي أخده بالليل بعد إذن طنط طبعاً

مريم : لأ الصبح حاديهولك

إبتسم لها بثقة وغادر تاركاً إياها تفكر بجدية في المحادثة التي
دارت بينهم .

وفي أحد المنازل الفخمة بالعاصمة الإيطالية كان
هناك زوج يغط في نوم عميق وفي الظلام تتحرك
أقدام صغيرة توجهت بهدوء بعد أن سحبت مفتاح
صغير من جيبه بمهارة لتتجه نحو الخزانة المغلقة دائماً
..... لم تفكر قبل ذلك أن تعرف محتوياتها فتحتها
لتعثر بمجموعة من الأوراق حتى رأتها نعم صورة من
قسيمة طلاقها الغيabi من أحمد .

الفصل الخامس والعشرون

عادت لغرفتها وإستقلت بجانبه على الفراش ظلت تنظر نحوه
وتفكر أنت زوجي إذا أي درب من
الخداع سلكت يا يحيى متى تملك الشيطان
..... أم أنك شيطان منذ البداية و أنا هي الحمقاء
..... حاولت بخفه إرجاع المفتاح لجيبه ولكنه إستيقظ ويدها
ما زالت على صدره نظر نحوها ثم أمسك بيدها وقال :
إيه ده هو الحمل بيغير كده ظناً منه أن يدها كانت على
صدره حباً

قالت بإبتسامة كاذبة : أكيد

يحيى : ياه طيب يا ريت الحمل ده حصل من زمان

سلمى : كل حاجة وليها وقتها

يحيى : تصدقي جاي في وقته فعلا

سلمى : ليه بتقول كده

يحيى : عادي ماتشغليش بالك

سلمى : ده ليه علاقة بالشغل واللي عمله الباشا إنت

ناوي تعمل إيه

يحيى : غريبة وإنتي من إمتى بتسأليني عن الشغل

سلمى : دلوقتي حاسنل مش مستقبل إبنى

يحيى : صحماهو كل واحد لازم يدور على مستقبل
إبنهوزي ماهو بيعملأنا حاعمل

سلمى باهتمام : حتعمل إيه

يحيى : خليها مفاجئةبس اللي في دماغى يتم
.....وساعتها حاقولك

قام بإحتضانها ليكمل نومه ولكنها ظلت ساهرة طوال الليل
.....تفكر فيما سيحدث .

كانت ضحكات جودي تملأ المكان وهو ينظر إليها بوجه سعيد
وعيون حزينهكل ما حدث يمر داخل ذاكرته كالحلم
ذهولهاثم بكاءهاإنكارها معرفته
.....نعم لقد أنكر لسانها إسمه لكن عرفته عيناها
.....لقد شعر بذلك وغضب وصب جام غضبه عليها
.....ولكن كيفهل يعقل ما حدثهل هذه
المرأة زوجتهإبتسم بسخرية لا إنها ليست زوجته
هي زوجة آخر وهو قد وقع عقد طلاقها من عامين
اه يا سلمىفعقلي لا يرى سوى خيانتك وهذا ليس
بمنطق!!!!!! وقلبي لا يشعر سوى ببرائتك وهذا أيضاً ليس
بمنطقالحقيقة الواحده أن هناك من أراد خروجي من
هذا البلد بأقصى سرعة لا أعلم أهو خوف منىأم
.....أمبرقت عيناها تذكر جملتهاجوزي لو
شافك حقيقتك

وصلت مريم في موعدها المعتاد نظر لها معتر
بإبتسامة قائلاً : كنت واثق إنك حتيجي

إقتربت منه وقالت له في تحدي : أنا جيت علشان إنت متجيش
معتر : عارف

مريم : أستاذ معتر كفاية كده

معتر : كفاية إيه

مريم : كفاية كل حاجة كفاية تمرين كفاية
كلام

معتر : مينفعش لازم تكلمي

مريم : انا مش عايزة أكمل

معتر : ليه بسببي

مريم : أنا مش عايزة أكمل وخلص

معتر : اه أنا كده فهمت

نظرت له بدهشة وتابعت : فهمت فهمت إيه

معتر : إنتي خايفة مني

مريم : نعم !!!!!

معتر : أيوه خايفة مني خايفة أقرب منك تاني

مريم : إنت بتحلم أنا لا أخاف منك ولا من عشرة زيك

معتز : طيب مادام إنتي سبع رجالة في بعض كده ماتكملي ولا
خلاص واحد زيي يدخل يبوظلك كل ترتيباتك ولا بسهولة كده
تسيبك هدفك

مريم : هدفى !!!

معتز : اه هو إنتي لما جيتي تتعلمي رماية مش كان ليك هدف ولا
كنتي جاية منظره عاجبك شكلك وإنتي بنت كيوت وماسكة مسدس

مريم : كلام ميتردش عليه

معتز : بصي يا مريم حتقابلي في حياتك زي كثير وأحسن
وأسوء بس مش معقول لما حد يعترض طريقك تقفي ومتكلميش
لازم تعدي بالذوق بالعافية تعدي

شردت قليلاً وكأنها تفكر في كلماتهلم يعطها الفرصة
تابع بثقة : يلا نبدأ بقه ضيعنا وقت كثير وفات الكثير مش ناقص
غير حاجه بسيطة وتكوني بقيتي أحسن مني
حاولت أن تخفي إقتناعها برأيه ولكنها أذعنت لرغبته في النهاية
.....وكانت بالفعل أفضل في تلك المرة وتتعامل بثقة
أكبر مع سلاحها

كانت سلمى تتناول إفطارها عندما طبع يحيى قبلة صغيرة على
وجنتها ثم قال : عينكي مجهدةشكلك منمتيش كويس

سلمى : حاطع أريح كمان شوية

يحيى : وأنا مش حتأخر ساعة كده وراجع حاوريهم نفسي بس
عشان النهاردة حيحتفل بالبيه

سلمى : ياه بسرعة كده

يحيى : الراجل من ساعة إبنه ما ظهر ومخه فوت تصرفاته
عشوائية

سلمى : إممممماهو الضنا غالي

حاولت أن تتحكم بمشاعرهافقد تذكرت إبنتها الصغيرة
لم يلحظ يحيى شيئاً فقد كان عقله مشغولاً بأمر مانظر لها
بإبتسامة وقال : انا حاسافر بالليل

سلمى : فين

يحيى : ليبيافي عملية مهمة ولازم أتواجد بنفسى حبيب
شوية لإني طالع بحر أوكيه

سلمى : حتسيبني في الوقت ده

يحيى : حبيبي معلىش بكرة تفهمي ده عشانك إنتي واللي في
بطنك ماهو أنا مش ح خاطر وأحرق وقتي وأعصابي
وغيري ياخذ على الجاهز خلاص بقه كده جابت آخرها

سلمى : إنت ناوي على إيه

يحيى : متستعجلش كده كده حتعرفيحتخرجي ؟

سلمى : لأ مليش مزاج

يحيى : خلاص نتغدى سواسلام يا حبي

سلمى : سلام

ظلت شاردة لفترة بعد رحيله.....تفكر فيما سوف يفعل
..... نظرت بعدها للهاتف وأمسكته بيد مرتعشة لتطلب رقماً
مميزاً

بصوتها الصغير أجابت.....شَاء القدر أن ترفع جودي
سماعة الهاتف.....بمجرد أن سمعت سلمى صوت ابنتها
وضعت يدها بقوة على فمها ربما لتمنع صوت بكائها
.....تستمع بشوق للصوت الصغير.....ألو.....ألو.....
.....مين يا جودي.....محدث يا بابي بيرد
.....جاءها صوت أحمد.....ألو.....ألو مين معايا
ظلت تبكي وهي تستمع لهم حتى أغلقوا الخط وعندها ظلت تقبل
سماعة الهاتف بألم ثم نظرت لصورة يحيى نظرة مليئة بالانتقام .

وداخل مجموعة الدرة تواجد الجميع.....عمت مظاهر
الإحتفال المكان.....وبادر الجميع بالتهنئة والمباركة
لمازن.....باسم بسعادة ملحوظة ويحيى بإبتسامة
مصطنعة.....

نظر باسم لجوليا بخبث ثم قال : خلاص يا جولي حتبقي سكرتيرة
مازن بيه من دلوقتي

جوليا : ليا الشرف أكيد.....بس الباشا ما راح يختفي
بيجي من وقت للتاني

مازن : أكيد هو أنا أقدر أستغنى عنه

باسم : ومتقلّش أنا معاك وحاوِض لِيك كل حاجة وطبعاً يحيى لو
فاضي

يحيى بإبتسامة صفراء : امممممم فعلا أنا مشغول شوية الفترة
الجاية

باسم : بس النهارده حنسه نحتفل بخصوص المناسبة الحلوة
دي

يحيى : إغفونيأصلي مسافر بالليلعندنكم
تركهم يحيى وتوجه نحو الباشا ومازن ينظر نحوه بضيق
.....عندها إقترب منه باسم وقال : معلىش بيحب يعمل مهم
مازن : ده سفر تبع الشغل

باسم : ههأصل يحيى بيختص
بالعمليات اللي بره

شعر مازن أن هناك حلقة مفقودة وأن هناك مالا يعلمه خاصة بعد
أن إنسحب أبيه ويحيىوبدا أنهم يناقشون أمراً هاماً

محمود : يعني حتسافر النهارده

يحيى : مضطر خصوصاً إني طالع بحر مش حادخل رسمي
.....لازم أكون هناك الوضع قلق ومحتاج أدخل الشحنة بأي
طريقة

محمود : والناس بتوعنا هناكهي دي أول مرة يا
يحيى

يحيى : يا باشا الظروف إتغيرتوظهر وجوه جديدة على
الساحة وإواردو نفوذه مش زي زمان

الباشا : في دي عندك حقيحيى مش حاوصيك إحنا
حاطين ملايين في العملية دي يعني الغلطة بجون
يحيى : عارف يا باشاإطمن .

وهكذا رحل يحيى في المساءودعته سلمى بإبتسامة
كاذبة فقط قالت جملة واحدة صادقة
.....ترجع بالسلامةنعم فهي تريد أن تشبع
رغبتها في الإنتقام .

لاحظت رقم باسم على هاتفهاإتصل أكثر من مرة
أجابت بهدوء
سلمى : ألو

باسم : مساء الخير

سلمى : مساء النور

باسم : إزيك يا سلمى

سلمى : تمامإنت عامل إيه

باسم : تماميحيى سافر صح

سلمى : فعلاً من شوية

باسم بصوت لين : بصراحة أنا لو متجوز واحدة حلوة زيك كده
عمري ما أسيبها وأسافر أبداً

الفصل السادس والعشرون

نعم عندما تتواجد سلمى تنظر إليها كل العيون
..... كان حفلاً بسيطاً به جمع قليل من البشر
..... أهمهم مازن خطفت بصره بمجرد أن دلفت
إلى المكان بفستانها الفضي البسيط وشعرها الأسود
المسترسل وراء ظهرها كانت تبدو كالأميرة التي ينتظرها الجميع
..... لم يستطيع أن يمنع عينيه من النظر إليها
..... هي تلك الأنثى التي قرأ عنها في كتب الشعر القديم
..... بل هي إحدى بطلات الروايات التي طالما عشقها
..... لا لا بل إنتي فينوس نعم إنتي حقاً فينوس

نظر لها باسم بمكر وهو يقدمها لمازن وقال : مدام سلمى
..... أكيد فاكرها

مازن : طبعاً من يوم الحفلة فرصة سعيدة مرة ثانية
سلمى : ميرسي

مازن : فين يحيى مجاش ليه

إبتسمت سلمى بمكر عندما سألها عن يحيى وقالت : سافر إنت
متعرفش

مازن بتصنع : اه صح قال إنه مسافر نسيت

باسم : إيه يا جولي كنت بدور عليكي

باسم : مازن اهو عينه ماتشلتش من عليكي من ساعة ما دخلتي
الحفلة

سلمى : بمعنى

باسم : أنا عايزك تقربي منهتبقوا أصدقاء

سلمى وقد بدت ملامح الغضب على وجهها : إنت إتجننت إزاي
تطلب مني حاجة زي كده

نظر لها بغضب هو الآخر وقربها إليه أثناء الرقص وتابع بصوت
جاد : إهدي كدهأنا قلتك إني مستني خدمة
.....وبعدين هو بقولك إدخلي معاه في علاقة كده ولا كده
.....بقول أصدقاءعايزه يفتح قلبه ليكي ويثق
فيكي

سلمى : وإنت حتستفيد إيه

باسم : دي خليها قدامحاقولك في وقتهاأرجو
إنك مترفضيش ومترعنيش

شعرت بنبرة تهديد في كلامته لم ترقها ولكنها وافقت ليس فقط
خوفاً من تهديده الغير واضح أنه ربما يخبر يحيى بما جرى في
المشفى ولكنها كانت تريد الإقتراب من مازن فهو الطعم الذي
ستوقع به يحيى في الفخ الذي تدبره له

إنتهت الرقصة وعادت هي وباسم لجوليا ومازن
.....إبتسم باسم وقال على الفور موجهاً حديثه لمازن :
خلاص يا سيدي بتشتكي إنك متفسحتش في روما كويس لقيت

ليك أفضل حد للمهمة دي قال ذلك وهو يشير لسلمى
مازن بدهشة : حقيقي أنا بس مش عايز أتقل عليكى
سلمى : أنا من ساعة ما وصلت على البلد دي مابعملش حاجه
غير إني أتفسح يعني ده الطبيعي
باسم : خلاص في الويك إند بقه يا سلمى يعني عامله
كسائح

مازن : هههههههههه مش للدرجة دي

سلمى : متقلقش في خلال يومين حتشوف كل حاجه في روما
برنامج مكثف يعني

إبتسم لها مازن كان سعيداً لتلك المغامرة قلقاً في نفس الوقت
..... فهي امرأة يحيط بها الغموض وزوجة لرجل يبدو أنه
يكرهه بشده بل يكره العالم أجمع

السماء تبدو كخلفية سوداء بها نقاط لامعة صغيرة
جداً إذا مددت يديك ستشعر أنك قد أمسكت بنجومك
المضيئة ولكن في لحظة تكتشف أن يداك فارغة ولم تطل سوى
الوهم ظل يراقب السماء بهدوء لا يستمع سوى
لصوت البحر الهادئ إقترب منه باولو فأفاق من شروده
وقال دون أن ينظر نحوه : في إيه تاني يا باولو

باولو : قلقان يحيى دي عملية مش سهلة إذا إتكشفتنا

.....

يحيى : متخافش أنا رتبت الأساسيات ولما أوصل كله حيبقى تمام
باولو : الباشا لو عرف

يحيى : باولو جمد قلبك شوية في إيه داننا اللي علمتني
.....الباشا حيعرف منين هو من زمان وعاش دور الملك
وسايبنا إحنا نفحت في الأرضمعلوماته بقى بياخذها
مني

باولو : بس ليه جواسيس وانت عارف

باسم : وعارفهم كلهمإظمن ساعة العملية اللي مش
حنخلص منه وقتها حنخلص منه بعد كده

باولو : كلفك كام الموضوع ده يا يحيى

يحيى : مليون دولار قبل التنفيذ ومليون دولار بعد التنفيذ

باولو بدهشة : كام !!!!

يحيى : متخضشالموضوع يستاهلدي
صفقة العمر خلاص بقة بعد كده مفيش باشاأنا الباشا .

نظرت له وضحكت بصوت عالٍإبتسم مازن ببراءة
وقال : إيه ده شكلي بيضحك للدرجة دي

سلمى : أصلك محسني إنك سائح بجدالجينز والكاميرا
والكابعلى فكرة الكاب ده إتلقى من زمان قوي

مازن : اه عندك حق وادي يا ستي الكابقذف مازن
قبعته في الهواء ثم إستقر بجانبها في سيارتها المكشوفة
.....كانت سلمى تبدو جميلة بنظارتها الشمسية المميزة
وملابسها الفاتحة المتناسقة مع نور الصباحإبتسم لها
وتابع : حتى كده شكلي يليق مع العربية وصاحبة العربية
سلمى : ههههه طيب يلا بقة نبدأ البرنامج المكثف بتاعنا

بين أهم معالم المدينة العريقة تجول مازنإنبهر بكل
ما رأىالمدرج الروماني والفاتيكان والعديد من المتاحف
.....تجول وسط التاريخ ربما رأى نفسه قيصر ورآها
كليوباترا الجميلةنظرت له بدهشة وقالت : إيه بتبصلي
كده ليه

مازن : لا عاديأسف

سلمى : تحب تتغدى فين

مازن : المفروض أنا اللي أسئلك تحبي تتغدى فين

سلمى : لا لا أنا المسؤلة عن فسحتك في اليومين دول

مازن : إلا في دي إنتي تختاري أحسن مكان وأنا أقولك إتفضلي

سلمى : اه إنت عازمني يعني

يحيى : هو أنا صحيح متربي بره ومامتى أمريكية بس أصلي
مصريطبعاً عازمك

سلمى : أوكيه بص في مطعم مغربي تحفة أنا زهقت من الأكل
الإيطالي

مازن : وأنا كمانيلا بينا

كان المطعم يمتاز بجو هادئ وضوء خافت إمتزج برائحة
الطواجن المغربية المميزة فأعطاهم شعور بالسكينة

مازن : قبل ما اكل الديكور تحفة

سلمى : اه والأكل كمان حيعجبك قوي تاخذ إيه

مازن : أكيد كسكسي

سلمى : إنت أكلت أكل مغربي قبل كده

مازن : انا سافرت المغرب قبل كده

سلمى : بجد

مازن : ماما كانت بتحب السياحة سافرنا مصر مرتين ورحت
تونس والمغربهي بس كانت بتبعد عن أوروبا
.....تقريبا بسبب باباكانت شايفة وجودنا في أفريقيا

أمان لأنه كان مركز في أمريكا وبيدور علينا هناكطبعا
هي كانت مفهماني غير كده إن هو اللي سابنا وهرب من
المسؤولية أتاينا إحنا اللي كنا هربانين

سلمى : ياهمفكرتش هي ليه عملت كده

سلمى وقد نظرت بجدية نحو المياه : أنا عمري ما جيت هنا
وإتمنيت أمنيةوقفت زيك كده أتفرج واتصور

مازن : هاتيأخذ منها مازن العملة الصغيرة
وهمس بصوت هادئ ثم قذفها في المياة وعلى وجهه إبتسامة
قوية

سلمى : إيه إتمنيت إيه

مازن : حاقولك بعدينمش عارف جايز أمنيتي تتحقق
سلمى : جايز

مازن : ميرسي بجد يا سلمى اليومين دول كانوا يومين حلويين
بجدتغيير..... من بكرة خارج للشغل
تاني ومالله

سلمى : إيه ده مش عاجبك الشغل ده إنت الكل في الكل

مازن : صدقيني دي حاجه مش حلوة قوي بين نظرات خبث وكره
وأب كل ما أسئله عن حاجه يقولني بعدينمش عارف ليه
فتحتك قلبيمع إنك مرات يحيى بس مش شبهه
ومش شبههم

سلمى : وليه إنت واثق هو إنت لحقت تعرفني

مازن : مش ثقةإحساس

بدا عليها الضيق وقالت : طيب يلا علشان أروحك ترتاح

مازن : إتضايقتي من كلامي

سلمى : لا عادي

مازن : خلاص يلا بينا

سلمى : مازن أنا مش قايلة ليحيى إني خرجت معاكيحيى
بيغير قوي وبيفهم غلط

مازن : أنا لو مكانه حغير وخصوصا مني هو أصلا مش طايقني

سلمى : ليه بتقول كده

مازن : ده حتى الباشا واخد باله بس ساكت مش فاهم ليه

سلمى : امممممم كبر دماغك

مازن : سلمى ممكن نتعشى بكرة سوا

سلمى : أصل

مازن : أرجوكي علشان أقولك إتمنيت إيه

في داخلها كانت تنوي لتناول العشاء معه بل توطيد علاقتها به
ولكنها أظهرت التمتع حتى لا تثير شكوكهصمتت قليلاً
ثم واقفت وإفترقا على لقاء

وفي أحد الاحياء البسيطة بالقاهرةكان الحزن هو سيد

الموقفشعر بالإختناقجذب ربطة عنقه

السوداء وخلعها في عنف ثم قرر المغادرة سريعاً فالمكان رائحته

تفوح بالموت وكأنه سيأتي إليه هو أيضاًإستقل سيارته

وقام بالإتصال بإحدى صديقاتهردت المرأة بدلال

واضح وقالت : دولا مال صوتك

عادل : مخنوققابليني

ردت بثقة شديدة وكأنها تريد نفي أمراً ما : عادي حماية

معتز : من إيه

مريم : أنا بشتغل وأوقات بتأخر فيها إيه لما يكون معايا في
عربيتي

معتز : معلى مش كل بنت خايقة على نفسها تشتري مسدس !!!
في حاجات أبسط من كده بكثير

مريم : عموماً خلاص مالوش لازمة الكلام في الموضوع ده مش
فارقة أنا قربت أخلص صح

معتز : مستعجلة

مريم : مش الفكرة بس حاسة إني بقيت تمام ولا إيه

معتز : أيوه كده تمام للأسف

مريم : للأسف !!!!!

معتز : اه أصلي إتعودت أشوفك

مريم بضيق : كابتن معتز لو سمحت

معتز مقاطعاً : لو سمحتي إنتي إديني فرصة أتكلم ممكن
أجي أشرب مع ماما فنجان قهوة

مريم وقد بدا القلق على وجهها : إيه !!!!

معتز : عايز أجي أطلب إيدك يا مريم

مريم : لأ لأ

تركته مسرعة وهمت بالخروج لم يشعر بنفسه إلا وهو يلحق بها
ويعترض طريقها

معتز : مريم في إيه

مريم : لوسمحت عديني

معتز وقد سد طريقها بيده فأصبحت حاجزاً بينها وبين باب
الخروج : مش حتعدي إلا لما أفهم

مريم : تفهم إيه بقولك لأ أنا مش عايزة أتجوز

معتز : ده رفض لشخصي ولا رفض بوجه عام

مريم : شئ ميخصكش ممكن أعدي بقه

معتز : وإنتي ممكن تتكلمي معايا بأسلوب أحسن من ده

مريم : نعم !!!

معتز : زي ما بقولك تتكلمي معايا بصوت هادي ومن غير
عصبية أنا ما أجرمتش أعتقد إني بادخل البيت من
بابه

مريم : ماشي يا سيدي متشكرين عندنك بقه

معتز : برده متعصبة مش فاهم ليه ليه حاسس إنك
بانية حواجز حديد بينك وبين أي راجل ليه حاسس
بنظرة خوف في عينيك زي ماتكوني خايفة مني

مريم وقد بدت مضطربة نوعاً ما من إحتجازه لها : معتز عديني

معتز : مش حديكي إلا لما أفهم

مريم : إنتبص أنا مش حاجوز لا إنت ولا غيرك
أرجوك بقه سيبنى في حالي انا مش ناقصاك حرام عليك

معتز : مريم أنا جوايا مشاعر حلوة ليكيوإنتي واثقة من
دهاوقات بحس بضحكة في عينيك بتشجعني أقرب
وأوقات بحس بخوف من القرب ده

مريم وقد بدا صوتها مرتعشاًغاضباً : أرجوك وفر
خيالاتك وأوهامك لنفسك ولآخر مرة بقولك عديني

رفع يده ليتركها تذهب وقال في حزن واضح : ماشي يا مريم
.....براحتك

في أحد الأماكن الهادئة نظر مازن نحوها بعمق شديد فنظرت له
بإبتسامة وسأته : حسالك تاني بتبصلي كده ليه

مازن : طبعا أنا لو قلتك إنك جميلة حتتخني مني علشان ناس
كثير بتقولك كده

سلمى بإبتسامة حزينة : الجمال مش دائماً نعمة على الأقل في
حالتى

مازن : بصراحه أنا نظرتي ليكي ليها سبب تاني خالص

سلمى : وإيه هو بقه

مازن : حزنك يا سلمى.....عينيكى حزينة

سلمى : إيه يا عم الكلام الكبير ده انا خارجة أنبسط وأسمع
ميوزيك حلوة

مازن : معلش تحبي ترقصي

سلمى : أوكيه

لا يعلم لماذا كلما إقترب منها خفق قلبه فهي امرأة
متزوجة هل يعقل أن تتحرك مشاعره نحوها وبتلك السرعة
..... أم فقط لأنه يكره يحيى لا لا ليس لهذا
ال "يحيى" شأن بقلبه فتلك الجميلة الغامضة إحتلت
عقله وقلبه بسرعة البرق نظر نحوها نظرة تكاد
تعب عن ما بداخل قلبه ثم قال : سلمى إنتي سعيدة مع يحيى
إبتسمت بسخرية وقالت دون أن تنظر نحوه : أكيد لو سعيدة معاه
كان زمانه هو اللي بيرقص معايا دلوقتي مش إنت

مازن : بتخرجي معايا علشان تعاقبيه على إيه

سلمى : مازن بلبيبيز مش عايزة اتكلم ممكن

مازن : حاضر

إقترب منها أكثر وتركته هي يقترب إقتراب جعلها تشعر
بالغضب من نفسها وكأن لتصل لثأرها من عاشقها المجنون ربما
تسقط هي أيضاً في وحل هذا الثأر إبتعدت عنه سريعاً
..... شعر بالغضب من نفسه وقال : سلمى أنا آسف

سلمى : أنا لازم أمشي

مازن : لأ مينفعش تمشي كده

سلمى : بليز يا مازن

مازن : طيب مش عايزة تعرفي أنا إتمنيت إيه

سلمى بدهشة عندما تذكرت : اه في تريفني

مازن بإبتسامه : اه بحيرة الأمنيات

سلمى : إتمنيت إيه

مازن : إتمنيت أشوف ضحكة عينيك

بدا التأثير الشديد على وجهها بعدما قال قوله شردت قليلاً مازن هل انت بعاشق لا لقد بنيت خطتي على شهوة رجل أحرکه بأصابعي كالدمية لأصل لمبتغاي ولكن الآن هل أنا بصدد إستغلال عاشق
.....

أخرجها من شرودها وقال بصوت قلق : سلمى كلامي ضايقتك سلمى : هه

مازن : سرحتي في إيه

سلمى : ولا حاجه

مازن : لو جمعتي ضايقتك إعتبري إنك مسمعتيهاش

سلمى : مازن ممكن نبقي بس أصدقاء

صمت قليلاً وهو ينظر لعيناها ثم قال : حاضر

كانت تعلم انه كاذب ولكنه قررت تصديق كذبتة فلها هدف أهم هدف لن تتخلى عنه مهما حدث

غابت عن نظره ولكنها ما زالت تحتل تفكيره غضب
من نفسه يجب أن ينساها ولكن كيف وكأن هذا الأمر
بيده كان بنظر بشرود نحو كوب الشاي وإبتسم
عندما تذكر تناولهما للغداء سوياً أخرجه صوت منة الرفيع من
ذكرياته كابتن معتر كابتن معتر

معتر : أيوه يا منة في إيه

منة : إيه في حاجة حصلت كده لازم أقولك عليها

معتر : حاجة إيه

منة : الواد إسلام بتاع الكوفي شوب

معتر : ماله إسلام

منة : بص هو الواد ده مريب أصلاً وكنت بشوفه كده بيتكلم مع
ناس من اللي بيجيوا يتدربوا هنا وبيدولوه فلوس

معتر : فلوس !!!!

منة : أنا إستغربت زيك كده برده بس قلت يعني تلاقيه بيع ليهم
حشيش كده يعني خصوصاً إن أغلبهم شباب

معتر : اااااااااه وبعدين

منة : من يومين كده حصلت حاجة غريبة قوي

معتر : حاجة غريبة حاجة إيه

منة : شفت الأنسة مريم واقفة معاه

معتز : إيه !!!!!!!

منة : الأغرب بقه إن أمبارح وأنا مروحة بالليل شفتها واقفة
معاه في النادي وبتديله فلوس

معتز : إنتي بتقولي إيه

منة : زي ما بقولك كده وأكد يعني الانسة مريم مابتشربش
حشيش أكيد بيبيع حاجة تانية

معتز : معقول

منة : بدأت تبقى معايا على الخط أهوأغلب اللي
بيجي بيكون ناوي يطلع رخصة سلاح ومش بيعرف وفي ناس
بتكون مستعجلة وعايزة تشتري سلاح بأي طريقة

معتز : ابن ال

منة : وهو واد من حته يعني قلقيعني ممكن فعلا
يكون بيبيع سلاح ليهم

نظر لها معتز وملامح الذهول بادية على وجهه ثم تركها وخرج
مسرعاً

كان يقف بسيارته أمام منزلها لا يعلم كم مر من
الوقتوما الذي جاء بهحببتي
.....ماهو السر وراء هذا الغضب وأي تصرف أحرق
تنوين فعلهأمسك بهاتفه واتصل بصديق قديم
.....

معتز : ألو إزيك يا حسام

حسام : ميزو حبيب قلبي واحشني يا راجل

معتز : اخبارك إيه

حسام : تمام إنت عامل إيه والدكتور عامل إيه

معتز : كويس وبابا كمان كويس الحمد لله

حسام : بلغه سلامي

معتز : حسام كنت عايز منك خدمة

حسام : عيني

معتز : في حد كده كنت عايزك تسألني عليه

حسام : حد أسألك عليه

معتز بارتباك : اه تحريات مخصوصة علشانني يا حضرة الظابط

حسام : ايه ده لا أفهم

معتز : حسام حتقدر ولا لأ

حسام : نعم ده أنا حسام يا بابا

معتز : حمليك بيانتها

حسام : بيانتها !!!!

معتز : بقولك من غير أسئلة ممكن انا بس عايز

اعرف عنها كل حاجة

حسام : إديني يومين وأجيبك تاريخها كله

معتز : لا يومين كثيربكرة حاستنى منك تليفون

حسام : خلاص ماشي يا معتز

معتز : هات بقه ورقة وقلم وانا حمليك

وهكذا مرت ليلته طويلة لم يستطع النوملقد شعر دائماً
أن هناك سراً ما وراء مريم والآن إقترب من معرفة الحقيقة
وأخافه ذلكفي اليوم التالي ظل يراقب هاتفه طوال
النهار في إنتظار مكالمة حساموفي النهاية لم يطق
صبراً وهاتفه

معتز : إيه يا حسام مكلمتيش

حسام : كنت لسه حاطلك

معتز : عرفت حاجه

حسام : عرفت حاجات

معتز : إيه

حسام : هي البنت دي تهملك

معتز : خلص يا حسام

حسام : بص يا سيديالبنت أخلاقها كويسة بابها
توفي وهي صغيرة وعاشة مع مامتها ليها عمين واحد منهم
عائش بره وبتشتغل مهندسة ديكور مش متجوزة ولا مخطوبة و
.....في المهم بقه

معتز : إيه قول

حسام : البنت دي من سنتين حصلت ليها حادثة إغتصاب

تسارعت دقات قلبه وبرقت عيناه وشعر وكأن حرارته قد تعدت درجة الغليانبدا الذهول على صوته وهو يسأل حسام : بتقول إيهإغتصاب

حسام : أيوهالحظ بقه خدمني وأنا بدور الظابط اللي عمل المحضر وقتها كان ساعتها شغال في مرسى مطروح معتز : مرسى مطروح

حسام : أيوة ما هي الحادثة حصلت هناكوقت الصيفالظابط ده بقه دلوقتي زميلنا هنا في المباحث الجنائية المهم عرفتك منه تفاصيل الموضوعالبنت دي الناس لقيتها مرمية على الطريق وكانت حالتها صعبة قوي وقعدت فترة في المستشفىكانت فاقدة النطق وفي دنيا غير الدنيا والظابط مقدرش ياخذ منها أي أقوال والقضية كانت صعبة خصوصاً إن كان معاها بنت خالتها ودي إختفت بعدها

معتز : وبعدين

الظابط : ولا قبلينالبنت فضلت حالتها زي ما هي وخرجت من المستشفى وبعدها دخلت مستشفى نفسي تاني هنا في مصر وطولت فيها والمحضر إتحفظ

معتز : وبنت خالتها لقوها

حسام : على حد علمي لأ

معتز : وطبعاً مقبضوش عليه

حسام : قصدك عليهم

معتز : إيه

حسام : معرفش بالنسبة لبنت خالتها بس مريم إغتصبها أكثر من شخص

صمت معتز بعدها لفترة

حسام : ألومعتز إنت لسه معايا

معتز : حساممعلش مضطر أقفل دلوقتي

.....أغلق معتز هاتفه ولا يدري ما أصابه

.....ولكنه إستغرق في البكاءلا يدري أيبكي على

حبيبته أم حبه أم كلاهما

وفي الصباح التالي وبعد ليلة طويلة بلا نومرآها

كان أمام منزلها لا يعرف ما الذي يفعله ولكنه أراد رؤيتها

.....فهو الآن فقط يفهم سر إختفاء الأنثى بداخلها الوقت ما

زال مبكراًإستقلت سيارتها كالمعتاد وتحركت وهو

خلفهاولكنها لم تتجه لعملهاشعر بالفضول

وظل يراقبها من بعيدأوقفت سيارتها بالقرب من أحد

الملاهي الليليةوظلت تراقب مخرجه حتى خرج منه

شاب يترنحإستقل الشاب سيارته ومريم خلفه وخلفهم

معتزظلت مريم تتابعه حتى إقترب من منزله الكائن

بحي الدقي

على الرغم من شربه للكثير من الخمر إلا أن الخمر قد فقد تأثيره

المعتاد بعقله لاحظ السيارة الصغيرة التي تتبعه منذ خروجه من

الملهىتوقف على جانب الطريق ولاحظ أيضاً أنها

توقفت شعرت بالخوف عندما وجدته قد ترجل من سيارته
ويتجه نحوها كانت تستمع لدقات قلبها الغاضبة مع
إقتراب خطواته

هو بصورته البغيضة التي لم تفارق خيالها منذ تلك الليلة البائسة
..... نعم ها هو أمامها مرة أخرى من فقدت على يديه أغلى
ما كانت تمتلك ولكن تلك المرة بدون نصله الحاد

إقترب من نافذة السيارة ونظر لها بإبتسامة ماكرة وقال : إيه يا
جميل ماشي ورايا ليه

ظلت تنظر نحوه دون إجابة فقط يدها إمتدت داخل حقيبتها
وبأصابعها الصغيرة سحبت مسدسها بهدوء

الفصل الثامن والعشرون

بليلةٍ غبراءٍ إتشحت بسواد الليل وتزينت بصوت الصراخ كان
اللقاء الأول شعرت أنها ما زالت تستمع لصرخات
سلمى منذ عامين إقترب من نافذة سيارتها ورمقها
بنفس النظرة هو بلامحه الباردة وصوته المخيف
..... بإبتسامته التي تتذكرها بوضوح بالم

تابع وهو ينظر نحوها بفضول : على فكرة أنا شقتي قريبة يعني
لو إنتي معجبة إيه رأيك نطلع وتعبريلي عن إعجابك

شعرت وكأن الأرض تدور بها حقاً.....معتز سقط متأثراً
بجراحهدماء.....صرخت مريم باكية : معتز

وإنطلق عادل يسابق الريح يترنح من فعل ضربات معتز
.....إتجهت نحوه وقد سقط أرضاً وبدأ يغيب عن الوعي
أمسكت برأسه وقالت وهي تبكي : معتزمعتز سامعني
.....رد عليالأ لأ خليك معايا

كان معتز قد غاب بدأ بقوة يترك الحاضر ويغيب وعيه صرخت
مريم مرة أخرى : معتزإستنى لأ لأإيه اللي
جابتكاللي أنا عملته ده

هرعت لهااتفها لتتصل بالإسعاف ولكنها شعرت أن الوقت ليس في
صالحها سحبتة لسيارتها بصعوبة بعد أن إستند عليها وإنطلقت
مسرعة لأقرب مشفى تقود بيد واحدة وتضغط على جرحه العميق
باليدي الأخرى

في المشفى كان تشعر أنها داخل حلملا بل كابوس
.....ملابسها ملخطة بالدماءمعتز داخل غرفة
العملياتمرالوقت بطيئاً وأخيراً ظهر الطبيب
.....

مريم بلهفة : طمني يا دكتور

الطبيب : الحمد لله خرجنا الرصاصةإهدي دي كانت
في كتفه

مريم : يعني حيبقى كويس

الطبيب : حيبقى زي الفل هو خرج من العمليات شوية وحي فوق
من البنج تقدر تشوفيه

كان ممدداً على الفراش يبدو كأنه نائم
..... تذكرت تلك المرة عندما راقبته وهو نائم لتتبين
ملامحه إقتربت من الفراش ودموعها ما زالت
تتساقط بغزارة على وجنتيها جلست بجانبه منتظرة أن
يفيق لا تعرف كم مر من الوقت ولكنها لم تتوقف عن البكاء تتذكر
ما حدث في الماضي البعيد والقريب وتبكي هي
ليست بقوة بل هي أضعف ما يكون ولولا ظهور
معتز وضعت كلا يداها على رأسها وعيناها
..... لا هي لا تريد التفكير فيما كان سيحدث
لها لو لم يظهر معتز

بدأ معتز يسترد وعيه ليجد نفسه بغرفة مشفى ومريم
بجانبه كانت شارده تنظر في إتجاه آخر ودموعها تساقط
بغزارة تجففها بعنف ولكنها تعود للتساقط مرة أخرى وكأن منبع
هذا الشلال قرر أن ينتفض معبراً عن حزن السنين

مريم قالها بصوت ضعيف إنتبهت له وإقتربت
منه وقالت : معتز إنت كويس

معتز : إنتي كويسة ؟

مريم باكية : المهم إنت إنت كنت حتموت بسببي

وفي مكان آخر يبعد بآلاف الكيلومترات كان يحيى يجلس مع
باولو في بقعة مظلمة بالصحراء يراقبون من بعيدزنظر
له باولو بخبت قائلاً : خلاص قربوا

يحيى : جهز ودانك بقه وإسمع صوت الرصاص

مرت الخطة كما رتبها يحيى عند موعد اللقاء
المرتقب بين الطرفين لإستلام البضاعة ظهرت سيارات من العدم
.....كانوا يرتدون مثل حرس الحدود الليبية قاموا بقتل
البعض وتركوا البعض الآخروأخذوا البضاعة

نظر يحيى لباولو وضحك بمكر وهو يقولدلوقتي
الناس بتوع إدواردوا اللي كانوا المفروض يستلموا البضاعة
حيصلوا بيه ويقولوا ليه على اللي حصلمش ذنبنا
ده جيش ليبي يا عم الحج والناس بتاعتنا مات منهم كمان

باولو : ودلوقتي إحنا حنعمل إيه

يحيى : حنتحرك الرجالة مستنيين بالبضاعة وأبو جهاد حيعدينا
الحدود لمصرهناك بقه المشتري بتاعي أنا

باولو : ليه بسرعة كده

باسم : بونجورنو

سلمى : صباح النور

باسم : أخبارنا إيه

سلمى : تمام

باسم : هو عموماً النتيجة باينة على وش مازن شكله إنبسط في
فسحة الويك إند قوي

سلمى : باسم هات من الآخر وقولي إنت عايز إيه

باسم : حاضر حاضر إنتي علطول دمك حامي كده
.....نتغدى سوا وأقولك

سلمى : قول دلوقتي

باسم : مينفعش في التليفونحنتغدى سوا

سلمى : أوكيه إما نشوف

باسم : سلام يا حلوة

أنهى باسم المكالمة وبعدها جاءه إتصال من جوليا أن الباشا
يريده على الفوردخل باسم المكتب ليجد محمود في
قمة غضبه

باسم بقلق : خير يا باشا

محمود : كارثة يا باسم كارثة

باسم : حصل إيه

محمود : البضاعة إتسكت على حدود ليبيا

باسم : إيه !!!! مستحيل إزاي ويحيى فين

محمود : إختفى مش عارف أوصله أنا حاجنن اكيد
في خيانة مستحيل ده يحصل كده

باسم : خيانة !!! من مين

محمود : معرفش هل من الناس اللي بندفع ليهم هناك ولا من
عندنا إحنا أنا حاجنن مش عارف أفكر
..... بس الخاين مش حسيبه حخليه عبرة فاهم
حخليه عبرة

الفصل التاسع والعشرون

نظر باسم لسلمى بخبث ثم قال : ها إيه رأيك في المطعم

سلمى : مش بطل باسم ممكن تدخل في الموضوع
عطول

باسم : من عنيا إتفضلي

قال ذلك وهو يعطيها بعض الأوراق

سلمى : إيه ده

باسم : دي سندات مالية بإسمي

سلمى : مش فاهمة

باسم : دي سندات مالية من المجموعة لصالحىفاضل
بس على توقيع مازنودي بقه مهمتك

سلمى : بمعنى

باسم : بمعنى لما مازن يمضى على الورق ده حكون مداين
الشركة وبعد ست شهور مش يكونوا دفعولي قيمة السندات دي
وأوتوماتيك حتحول لأسهم فى الشركة

سلمى : إيهوهو حيمضى الكلام ده ليه

باسم : وهو أنا محتاجك ليهعلشان يمضى

سلمى : يا سلام وأنا إزاي حمضيه على الكلام ده

باسم : والله دي مشكلتكتشربيهتجنبيه
.....ت.....

سلمى بغضب : إنت سافل

باسم بإبتسامة : منا عارفالورق ده يتمضى
وبسرعة أنا مستعجل

سلمى : ولو معرفتش

باسم : خلاص حاقول ليحى على حكاية المستشفى وعليا وعلى
أعدائي بقه

نظرت له سلمى بغیظ وأخذت الأوراق وتركته وإنصرفت مسرعة

.....

كان معتر يتحدث بثقة وهو يوجه حديثه للضايط الذي جاء
وبحوزته الكثير من الأسئلة

الضايط : حضرتك تعرف الشخص اللي ضرب عليك النار

معتر : أيوه يا فندم

الضايط : إسم إيه

معتر : إسمه عادل عبد الرحيم السعدي

الضايط : في عداوة

معتر : الشخص ده خطف وإغتصب خطيبي من سنتين ولما

إتعرفت عليه حاول يتهجم عليها تاني وضربني بالرصاص

كانت ملامح الذهول بادية على وجه الضايط وظل معتر ممسكاً بيد

مريم المرتعشة بقوة نظر له الضايط مرة اخرى ثم قال : إنت

بتقول إيه

معتر : إحنا غلطنا لما دورنا عليه مع نفسنا من غير ما ندخل

البوليسبس دلوقتي بنصلح غلطتنا حضرتك

حتاخذ أقوالي وأقوال مريم علشان القضية القديمة تتفتح تاني

الضايط : الموضوع شكله كبير حنتظركم في القسم

معتر : وهو كذلك

إنصرف الضايط ونظرت مريم لمعتر في دهشة : إنت منين عرفت

موضوع القضية القديمة

معتر : ححكياك

قص معتر لمريم كل ما حدث بداية مما قالتة منه وقلقه عليها
حتى سؤاله لحسام وخروجه خلفها في ذلك الصباح
سحبت مريم يديها من يديه في غضب وقالت : إنت إزاي تسمح
لنفسك تنبش في تاريخ مش من حقك
معتر : أكيد غلطت بس كانت نيتي خير مش شر

مريم : ده مش مبرر

معتر : بس بسبب ده أنقذتك.....ربنا ستر وإنتي عارفة

مريم : عننذك

معتر وقد قام متحاملاً على نفسه وترك فراشه : رايحة فين

مريم : ماشية.....سيبني لو سمحت

أمسك بذراعها وقربها نحوه ونظر نحوها بتحدي وقال : لأ

مريم : هو إيه اللي لأ سيبني

معتر : بحبك يا حمارة

مريم : إيه ده إنت إتجننت

معتر : اه طبعاً إنتي جننتيني.....مريم متهربيش

متلككيش.....بحبك.....بحبك أعمل إيه أولع

في نفسي علشان ترتاحي يقولوا الولية إتجننت

ضحكت بصوت هادئ وقالت : على فكرة إنت بتهظر في مواقف

غريبة جداً

معتر : هو ده طبع جوزك بقه وتتعودي عليه

مريم : إيه جوزيمعتز بجد مش حينفع الكلام ده

معتز : بصي أنا عارف إنك حتقرفيني وغالبا ممكن الجوازة دي تتم بعد ما أكون حمضت بس حاعمل إيه قدرييلا شوفيلي الدكتور اللي هنا علشان أخرج وأروحك

مريم : إنت مجنون دكتور إيه محدش حيخرجك دلوقتي

معتز : أنا بقيت كويس زي القرد حاروحك وبعدين أروح

مريم : انا حامشي إنت أرتاح

معتز : طول ما الحيوان ده مش محبوس مش حسيبك ثانية لوحدكمريم أنا بجد مش عايز أشوف نظرة خوف أو قلق في عينيكي تانيطول منا عايش ححطك في رموش عنيا يا حبيبي ومحدش حيقدر يأذيكي أبداً

مريم : معتز إنت بتقول إيه

معتز : بقول اللي في قلبي

مريم : أنا حنادي الدكتور

خرجت مسرعة وهو يتابعها بإبتسامة فعلى الرغم من آلامه كان يشعر بالسعادة لوجودها بجانبه

في السيارة طلب منها معتز أن تتحرف لطريق محدد نظرت له بدهشة وقالت : مش حتروح تجيب عربيتك الأول

معتز : عربيتي إيه بس إيه اللي حيودينا المكان المقطوع ده
دلوقتي الدنيا ليلت

مريم : طيب الطريق ده بيودي على فين

معتز : تشتري بلوزة بدل اللي إتغرقت بدمي دي

مريم : اه صح كنت حقول لماما إيه

معتز : تقولي ليها ده دم معتز اللي بيموت فيا وانا مش معبراه

مريم : أسكت بقه يا معتز ماتفكرنيش

معتز : لو كنت مت كنتي حترعلي عليا

مريم : معتز بجد أسكت مش عايزة أفكر الموقف ده

معتز : آسف بس بجد أوقات أصعب مواقف في حياتنا

هي اللي بتعمل فرق يا تجرنا لتحت يا تدفعنا لقدام

..... وأنا عايز أخدمك في إيدي ونجري لقدام يا مريم

ومنبصش ورانا أبدأ

مريم بأسى : تفكر ينفع

معتز : هو صعب بس أكيد مش مستحيل بس الأول

حنروح القسم ونفتح المحضر تاني

مريم : خطوة صعبة قوي

معتز : حنخطيها سوا

مريم : بس في مشوار مهم لازم أعمله الأول

معتز : مشوار مشوار إيه

مريم : أحمد جوز سلمى في حقيقة غايبة عنه ولازم
يعرفها

الفصل الثلاثون

إستبد القلق الشديد بهناء فهي تحاول الإتصال بمريم
ولكن هاتفها مغلق سمعت صوت الباب وعندها
علمت أن مريم قد وصلت إنطلقت بسرعة نحوها بقلق وقالت :
مريم قلقيني عليكي موبايلك مقفول ليه

مريم : معلىش يا ماما فصل شحن

هناء بدهشة : واياه ده بلوزتك فين دي بلوزة جديدة

مريم : اااااااااااه أصل واحد غبي قبل ما أركب
عربيتي داس في مية وغرقلي البلوزة وباظت خالص فإشتريت
واحدة تانية

لاحظت مريم ملامح الضيق على وجه أمها

مريم : مالك يا ماما في إيه

هناء : في إيه !!!! في إني كنت حاموت من القلق عليكي يا مريم
إغرورقت عينا هناء بالدموع وتابعت : نفسي أطمئن عليكي يا
بنتيحاموت وأسيبك لوحدك كده مين حيسأل عنك لو
إتأخرتي

مريم : ماما بتقولني إيهربنا يديكي طول العمر بلاش
الكلام ده

هناء : هو أنا فيه في دماغي غير الكلام ده يا مريمكل
مرة بكلمك في الموضوع ده ثقلي بس بجد نفسي أطمئن عليكي يا
بنتيأديكي شايفة مالناش حد عمك اللي بيسأل علينا
مسافر وسايب البلد واللي جنبنا أديكي شايفة ممكن مرة في السنة
يسأل ومن غير نفس كمانإنتي متعرفيش أنا بتتكند
إزاي لما أفكر إني ممكن أموت وأسيبك لوحدكيا
بنتي نفسي أشوف الشخص اللي حسلمك ليه أمانة وأتأكد إنه
حيصونها

مريم وقد دمعت عيناها هي الأخرى تأثراً بكلام أمها : خلاص يا
ماما ربنا يسهل

هناء : ماشي يا مريمعلى الأقل المرة دي متعصبتيش
مريم : حقك عليا يا ماما متزعليش مني

هناء : أنا عمري ما أزعل منك يا بنتيربنا يصلحك
الحال

مر اليوم سريعاً داخل خيالها بكل ما به من أحداث
.....مشاعر متخبطة هي تلك الكامنة في قلبها

.....خوف.....قلق.....راحة.....حب.....
.....ماذا!!!!!! هل حقاً تشعر بالحب.....هل أحببت
هذا الرجل الذي جاء من المجهول لإنقاذها بل تتمنى لو أنه ظهر
في تلك الليلة التي فقدت فيها كل شيء.....لقد كرهت كل
الرجال في لحظة كراهة مرت بها.....كانت تراهم رجلاً
واحداً نعم رجل لم ترى غيره ولم تكره غيره ولكنها الآن تشعر
أن هناك رجل يختلف عنهم جميعاً.....ولكن هل من الممكن
أن تقترب من هذا الرجل دون خوف.....دون أن يطل شبح
الماضي عليها من جديد.....سمعت صوت هاتفها منبئاً
بإتصاله.....ربما في الوقت المناسب.....

مريم : الو

معتز : وحشتيني

مريم : دراعك عامل إيه دلوقتي

معتز : عادي متقلقيش.....إصابة بسيطة يا معلم

مريم : عندك في البيت قالوا إيه

معتز : عندي في البيت مفيش غير بابا والدكتور بقه نساء وتوليد
وعنده عمليتين و مطبق في المستشفى

مريم : باباك دكتور نسا أول مرة أعرف

معتز :ولسه في عني حاجات كثير حتعرفيها.....عندي
ثلاث إخوات بنت و ولدين كلهم متجوزين أصل أنا آخر العنقود

مريم : يا بختك انا وحيدة معنديش إخوات

معتز : بكرة يا حبيبتي حملاً حياتك كلها

مریم : معتر

معتز : إيه حنرجع في كلامنا ولا إيه بصي قبل مشوار
أحمد ده لازم أجي أطلبك من طنط الأول

مریم : إنت مستعجل ليه خلي الأمور تاخذ وقتها
أرجوك

معتز : يا ستي أنا بدبسك قبل ما تترددي تاني أنا بس الدكتور
يرجع من برة وحفاته في الموضوع

مریم بتردد : حتقوله على الحكاية

معتز : إنتي عايزة إيه عايزاني أقوله ؟

مریم : لأ

معتز : ليه يا مریم

مریم وقد بدت باكية : أرجوك يا معتر الموضوع ده
بحس بحس إني بتعري قدام الناس يا معتر مش عايزة
أحكيه ولا اتكلم فيه

معتز : مریم إقولي أنا جايلك دلوقتي

مریم وهي تجفف دموعها : إيه جاي فين إنت مجنون الساعة كام

معتز : الساعة لسه عشرة قولي لمامتك أنا جاي حالاً
..... سلام .

كانت سلمى تنظر للأوراق بغضب لقد ظهر باسم في وقت خاطئ تلقت إتصال من مازن الذي كان يبدو صوته غاضباً هو الآخر

مازن : إزيك يا سلمى

سلمى : تمام مال صوتك

مازن : مخنوق شوية ممكن نتعشى سوا النهارده

سلمى : بلاش يا مازن

مازن : سلمى بجد عايزة أقابلك مخنوق واللي جوايا مش حاقدر أقوله لحد غيرك ممكن مش إحنا صحاب

سلمى : خلاص أوكيه

مازن : خلاص نتقابل في المكان اللي كنا فيه آخر مرة

سلمى : خلاص على ثمانية كده

مازن : أوكيه

في نفس المكان جلسوا سوياً لاحظت أنه ليس على ما يرام فيوجد بداخله كم كبير من القلق والغضب في آن واحد

سلمى : مالك يا مازن

مازن : سلمى هو يحيى بيشتغل إيه

ظلت صامتة لدقائق في محاولة لإستيعاب سؤاله قالت بعد فترة لم تستطع خلالها إخفاء دهشتها : إيه !!!

مازن : سؤالي واضح

سلمى : يعني سيكون بيشتغل إيهبيشتغل مع باباك

مازن : منا عارف بس الحقيقة أنا مش عارف هو بيشتغل إيهالمفروض إنه الكل في الكل في المجموعة بعد الباشا ومن ساعة ما إستلمت أنا الشغل هو إختفى كمان في حاجات مش فاهمهاحسابات غريبة أرقام أغرب مكاسب مش متناسبة مع نوعية الشغلحاجات لما تبصي عليها من بعيد ممكن تعدي لكن لما تفكري فيها تحسي إن في حاجة مش مضبوطة

سلمى : طيب أنا مافهمش في الكلام ده ليه مسألتش باباك

مازن : سألته ومجاوبش وإترفذ وقالى بعيدينوباسم اللي عامل حبيبي وقال إيه بيفهمني بيتعامل معايا على إني غبيواضح إنه فاكِر إني المحظوظ الفاشل اللي معرفش يدير شركته وأكد مش حيفهم في شغل أبوهميعرفش إني دارس إقتصاد وإدارة أعمال وفشل شركتي كانت ظروف أزمة إقتصادية على مستوى العالم وأقوى مني

أسند رأسه إلى الوراء ثم زفر الهواء من فمه بقوة وتابع : مش عارف حسيت إني حلاقي إجابة عندك

شردت سلمى مرة أخرى ثم قطبت جبينها وردت سريعاً : أنا مليش علاقة بشغل يحيى وهو مش بيحكلي حاجهعندنا

مازن : رايحة فين هو إحنا لسه قعدنا

سلمى : معلى يحى موبائله مقفول بقاله فترة خائفة يرجع فى
أى وقت أصل زوجى العزىز ممكن يكون عايز يعمل
مفاجئة سعيدة !!!!! قالتها وهى تبتمم باستهزاء

مازن : سلمى إنتى بتهربى من الكلام ليه.....

سلمى : بعدىن یا مازن أنا دماغى مش رايقة دلوقتى
خليها بعدىن

تركته مسرعة وظل هو وحيداً مع شكوكه

وكان قلبها كان يشعر بمجيئه نحن نشعر بقرب من
نحبهم ولكن من نكرهم هل نشعر بقربهم أيضاً سمعت
وقع خطواته بعد أن دخل المنزل على فراشها تظاهرت
بالنوم دخل يحى للغرفة ليجد زوجته مستلقية على
فراشها كانت نائمة بهدوء كالأطفال إقترب منها وجلس
بجانبها ثم طبع قبلة صغيرة على وجنتها تبعثها قبلة أخرى على
شفتها فتحت عيناها ثم إعتدت وجلست وهى
تتصنع الكسل وقال : يحى إنت جيت

يحى : وحشتىنى

سلمى : حمد الله على السلامة

يحى : الله يسلمك

سلمى : عملت إيه فى شغلك

يحى بدهشة : شغلى !!!

سلمى : يعني أصلك كنت بتقول كلام غريب قبل ما تسافر

يحيى : اااااااااااهبعدين يا حبيبتي حتفهمي كل حاجه

قال ذلك وإقترب منها ليمطرها بقبلاته كزوج مشتاق
.....قبلات لم تعد تطيقهاحاولت ولكن ما يحدث وما
سيحدث كان فوق إحتمالهاإبتعدت عنه وأزاحته بقوة
لتدخل للحمام وتفرغ ما في معدتها!!!!

شعر بالدهشة ونظر لها بعدما خرجت وقال : مالك في إيه

سلمى وهي تجفف فمها : معلىالحمل بيتعبني
وبصراحه ريحة البارفان بتاعك قلبت معدتي

إشتم يحيى رائحة قميصه وقال : عموما يا ستى وأدي القميص

خلعه ورماه بعيداً ولكنها إبتعدت عنه أيضاً وقالت : يحيى ريحة
البارفان قوية وماسكة فيكمعلى ضريبة الحمل بقه يا
حبيبي

يحيى بضيق : ماشي أنا حادخل أخذ دش وإنت كملي نوم

.....شكل ابن ال ده حيرينيتصبحي
على خير

سلمى : وإنت من أهله

إستقلت على فراشها مرة أخرى متظاهرة بالنومفقد فارق
عينها وإحتل مكانه أفكارها ونار ثأرها

الفصل الحادي والثلاثون

ظلت مريم تراقب النافذة بقلق وهي تحاول الإتصال بمعتز الذي
تعمد عدم الإجابة على هاتفه.....رأت سيارته تقترب
وعندها قامت بالإتصال به مرة أخرى ليجيب بعدها بهدوء

.....

معتز : ألو

مريم : إيه يا معتز ما بتردش ليه

معتز : معلىش يا حبيبتي الطريق كان زحمة ومش بحب أرد وأنا
سابق

مريم : زحمة دي الساعة داخلة على 11

معتز : هو إنتي إيه ظروفك بالظبط بتنامي بعد العشا ولا إيه لأ
خدي بالكانا سهير مش بنام قبل 3 او 4 الفجر

مريم : إنت بتهظر !!!!!!! روح يلا يا معتز

معتز : أنا طالعمش طنط صاحبة

مريم : لأ نامت

معتز : ههههههه لأ صاحبة مش بتعرفي تكدي على فكرة سلام

أغلقت الهاتف وقالت لنفسها : المجنون ده بيعمل إيه
.....حاقول لماما إيه دلوقتي

نظرت هناء لمريم بدهشة عندما دق جرس الباب وقالت وهي
تتجه لتجيبه : يا ترى مين حيجيلنا دلوقتي

إلترمت مريم الصمت وهي تنظر لأمها وهي تتجه لفتح الباب
.....نظر لها معتر بإبتسامة وبدأ حديثه على الفور : أولاً
آسف إني جاي من غير معاد ومتأخر بس حضرتك لما تسمعيني
حتعذريني

نظرت له هناء بدهشة ولكنها تذكرته على الفور وقالت : إنت
جيت قبل كده.....إنت زميل مريم في الشغل

معتر : أيوه يا طنط

هناء : هو صحيح الوقت متأخر.....لكن طبعاً إتفضل

دخل معتر وعندها رأى مريم مختفية خلف أحد الستائر تراقب ما
يحدث بخجل فإبتسم وتذكر كيف كان يخطط لإخراج الأنثى
المختفية بداخلها

جلست هناء ولكنها رمقته بنظرة إرتياب وتابعت : خير يا إبنى

معتر : إن شاء الله كل خير.....أنا جاي أطلب إيد مريم من
حضرتك

صمتت هناء لبرهة والدهشة تعلو ملامحها ثم قالت

هناء : ااه ااه ااه طيب هو الموضوع ده ماكنش ينفع يتأجل لبكرة
مثلاً

معتر : لأ ماكنش ينفع.....ما أقدرتش أصبر بصراحه
كمان في نقطة مهمة لازم أقولها لحضرتك

هنا : نقطة ؟؟ نقطة إيه ؟

معتز : طنط أنا على علم بالحادثة اللي حصلت لمريم من سنتين

.....

بدا على وجه هناء إستياء ولكنه لم يدم سوى لحظات بعدما أكمل
معتز بقية حديثه

معتز : وفاهم أد إيه الموضوع ده مآثر على شخصية مريم
..... أنا طلبت منها تحدد معاد مع حضرتك لكن طبعاً ومعلش
أسف كلمتها في التليفون أطمئن عليها وأشوفها قالت ليكي ولا لأ
وقالت لي جملة ماكنش ينفع بعدها أقعد في بيتنا كان لازم
أجي وحالاً وأقولها إني بجد عايزها مراتي ومن دلوقتي
لو ينفع أنا بكرة حاجيب والدي علشان نتكلم رسمي
وحضرتك ده إسمي بالكامل وعنواني علشان تسألني عليا

صمتت هناء لفترة ثم قالت بعد تردد : هي مريم اللي حكيت ليك

معتز : مريم حتحكي لحضرتك كل حاجه ومنها حتعرفي أنا عرفت
إزاي مع إن مع إحترامي مش ده المهم

هنا : وإيه المهم

معتز : أولاً إني عرفت وخلاص وثانياً إني فرحان بمريم ونفسي
ربنا يكمل فرحتي دي وتبقى معايا وأقدر أعوضها عن الألم اللي
شافته في حياتها صمت قليلاً ثم تابع بعد إذناك
يا طنط ممكن تندهي مريم لازم أقولها حاجه قدامك

هنا : بدهشة وسعادة في نفس الوقت بهذا الشاب الجالس أمامها

: حاضر يا بني يا مريم تعالي

دخلت مريم وقد بدا الأرتباك عليها بشدة وقف معتر ونظر بعمق
مما زادها إرتباكاً وهي تنظر له ولأمها إبتسم ثم قال على الفور :
مريم أنا بقولك قدام مامتك عارف إنها ممكن يكون
رأيها زيك ومتحبش حد يعرف حاجه عن الموضوع ده غيري وده
حقك طبعاً لكن مش عايز تاني أسمع نبيرة الحزن في صوتك ولا
أشوفها في عينيكي بسبب الموضوع ده..... توعديني
..... مش حامشي إلا لما توعديني

إرتبكت مريم بشدة ونظرت لأمها في حيرة التي رمقتها بدورها
بنظرة رضا وإبتسامة فقالت له بصوت خافت : أوعدك
معتز وهو يبتسم بمكر : إيه مش سامع

نظرت له بغيظ وقالت بنبرة أعلى : خلاص بقولك حاوعدك
أبتسم لها وقال : أيوة رجعت تزعق تاني آسف على
الإزعاج عنذنكم

خرج معتر وترك مريم فريسة لنظرات أمها وتساؤلاتها العديدة
..... لم تخبرها مريم شيئاً عن تفاصيل معرفتها بمعتر قالت
القليل جداً محاولة لإشباع فضول أمها التي إرتاحت بدورها لها
وشعرت أن الحياة ستضحك في وجه إبنتها أخيراً
.....

كانت الساعة قد تعدت التاسعة صباحاً عندما وجدت جوليا يحيى
يدخل غاضباً و يسألها بصوت قوي : الباشا جوه
جوليا : إيه وين كنت كان راح يتجنن بيسأل عنك

يحيى بعد رمقها بنظرة لم تفهم مغزاها : داخل ليه

كانت ملامح الصدمة والدهشة واضحة على وجه محمود ويحيى
يقص له بغضب ما حدث !!!! وكيف فقد رجاله وأصبحوا موتى
في دقائق وإستولى حرس الحدود على غنيمتهم خيانة
..... خيانة بتلك الكلمات ختم يحيى حديثه بعد أن إسترسل
في الكذب وصدق نفسه

محمود : خيانة من مين

يحيى : معرفش بس إواردو هو اللي بيظبنتنا مع الناس هناك
.....

محمود : وإواردو مصلحته إيه يا يحيى ده حتى اللي حيستلموه
تبعه لا مش منطقي

يحيى : معرفش أنا كنت حاموت والرجالة بتاعتي ماتت
هو بقه أو حد من هناك خانه وخاننا مش عارف

محمود : كارثة بس مش حسكت انا الباشا
..... البضاعة مسيرها تظهر وساعتها حاعرف مين اللي
أشترى ومين اللي باع

حاول يحيى أن يخفي مظاهر الإرتباك الذي إنتابه فقال سريعاً :
بس العملية دي خسارتها جامدة قوي

الباشا : جامدة قوي ده خراب بيوت وأنا اللي كنت فاك
حلاقي عندك جواب وحل

يحيى بثقة : متخافش يا باشا.....مش حاهدى غير لما
أعرف مين اللي عمل كده.....أستئذن أنا بقه
.....بقالي فترة سايب المجموعة محتاج اتمم على حاجات
في الشغل

محمود : إستنى

يحيى : خير

محمود : لو مازن قعد معاك حاول تطمنه عنده تعليقات على
حاجات في الحسابات والشغل مش عايزه يحس بحاجه دلوقتي
إبتسم يحيى بمكر وتابع : متخافش يا باشا

كانت جوليا تقوم ببعض الأعمال على اللاب توب عندما لاحظت
نظرات يحيى الموجهه إليها على غير العادة نظرت بدهشة وقالت
: على شو عم تطلع

يحيى بخبت : على القمر

جوليا وهي تبتسم بدهشة : شو

يحيى : شو.....شو.....أموت أنا في اللغة الجامدة دي

جوليا : كتير عجيب هايدي السفارة غيرتك كتييير

يحيى وقد إقترب من مكتبها ومال ليصبح في مواجهتها ثم نظر
لها بعيون واثقة : ماتيجي نتغدى سوا النهارده

جوليا : عن جد ليه ما راح تتغدى مع سلمى

يحيى : لأحتغدى معاكي إنتي في بريك الغدا بقه
نتقابل في جيوفاني أوكيه

جوليا : أوكيه

لم يحاول يحيى الإحتكاك بمازن طوال اليوم بل تعمد أن يتجنبه
وفي موعده مع جوليا كان ينتظرها على طاولة مميزة
..... منعزله نوعاً ما قام بحجزها خصيصاً نظرت
حولها في دهشة وقالت : جيوفاني الطبيعي إنه كثير زحمة بس
هيك كأننا قاعدين وحدنا

إبتسم بغرور وقال : أنا خليتهم يحضروا المكان ده مخصوص

جوليا : ليش بقه

يحيى : أكيد علشان عايز أقعد معاكي لوحدنا

جوليا : والله

يحيى : ماتستغربيش أنا راجل ولازم حاقد إهتمام ست
جميلة زيك وأبقى مش يحيى لو ماستغلثش ده

جوليا : مش فهمانه عليك

يحيى : معقول بقه جوليا الست الذكية السوبر مش فاهماني

جوليا : إيه مش فاهمة

يحيى : مش فاهمة إيه ست حلوة وأنا عاجبها
وهي عاجباني ليه بقه منلعبش في فريق واحد

جوليا : ههههههههه شو بتريد يحيى

يحيى : عايزك تقولي لمازن حقيقة شغل أبوه

جوليا : شوأنا!!!!!!!

يحيى : أيوة يا جميل إنتي

جوليا : وأنا شو راح أستفيد

يحيى : مع يحيى أكيد حتكوني كسبانهوبعدين هو أنا
ماستهلش إنك تعمليلي الخدمة دي

جوليا بدلال وقد لاحظت النظرات الغير بريئة التي تعمد توجيهها
نحوها : تستاهل بسده شئ كثير خطير

يحيى : ولا خطير ولا حاجة إنتي ست ذكية وتقدري تعملي ده
بذكاء

جوليا : وليش انا ليش ما تقوله إنت

يحيى : أكيد العلاقة بيني وبينه متسمحش بده خالص لكن الستات
بقه بطبيعتهم ممكن يقعوا في الكلام

جوليا : بتعرف شو الضرر اللي ممكن يصيبني إذا عرف الباشا
إني خبرته لمازن

يحيى : مش حيقوله إنه عرف منك وإنتي ممكن تنبهي عليه
وتضغطي على عرق الرجولة شويةعايزة يعرف
مين أبوه وببشتغل في إيه

جوليا : خلاصبس إتذكر عملت هيك بس كرمال
عيونك

نظر له والده بفزع وقال : بتقول إيهإنت بتهرج يا
معتز

معتز : لا يا بابا بتحصل عاديالبندقية كانت بايظة منه
لله بقة اللي باعها لي

والده : معتز الحاجات دي مفياش هظار لو عليا عايزك تسيب
موضوع السلاح ده خالص

معتز : خلاص بقة متتعصبش خليني أفتحك في المهم

والده : إيه المهم يا سيدي

معتز : عايز أتجوز

الأب : نعم !!!!

معتز : بجد مش بهظروعايزك تيجي معايا النهارده
تخطبها لي

الأب : إيه سلق البيض ده مش تعرفني هي مين وبنت مين
وأسئل عليها الأول

معتز : أنا سألت ووفرت عليك كل الوقت وهي مهندسة ديكور
باباها توفي من زمان ومالهاش إخوات وعاشة مع مامتها

الأب : وعرفتها منين

معتز : من الشغل كان ليها شغل مع شركتي

الأب : هو إنت بتروح شغلك هو إنت مركز غير في تدريب
الرماية والسلاح

معتز : بروح يا بوب وإلا حيرفيدوني

الأب : والله يا معتز نفسي تركز في شغلك اللي بجد أحسن من
المسدسات ووجع الدماغ ده

معتز : إنت عارف موضوع شغل المحاسبة والأرقام ده مش
بتاعي بس مواظب متقلقشها فاضي بالليل

الأب : فاضي بس مش عاجبني سلق البيض ده

معتز : سلق مين ده بيض مقلي يا دكتوربس على
فكرة أنا واثق لما تشوف مريم إحتمال تنزل تجيب المأدون

الأب بضحكة ماكرة : ده ليا ولا ليك

معتز : اهخايف أنا من الشعرتين البيض دول حيعملوا
شغل

الأب : خلاص يا ولد أنا مش فاضيلك روح شوف حاجة مفيدة
أعملها

معتز : حاضر يا دكتور

دخل معتز غرفته ليهاتف مريم

مريم : ألو

معتز : صباح الخير

مريم : صباح النور

معتز : أحلى حاجه إن النهارده أجازة

مريم : نعمت كويس

معتز : يعني تمام

مريم : معتز أنا عايزة أنزل الظهر أروح لأحمد

معتز : أحمد مين ؟

مريم : أحمد جوز سلمىقصدي طليقتها

معتز : طيب ما تخليها بكرة

مريم : لأ مش حاعرف أستنى أكثر من كده

معتز : خلاص حعدي عليكى ونروح سوابلاش

تخرجي لوحدك لغاية لما أشوف قبضوا على الحيوان اللي إسمه

عادل ولا لسهالساعة 2 كويس

مريم : أوكيه تمام

وبالفعل إنتظرها معتز في الموعد المتفق عليه وإتجهت لمنزل

أحمد قال لها بمجرد وصولهم : تحبي أطلع معاكى

مريم : ملوش لزوم دي شقة مامته على فكرة وهو قاعد معاها

دلوقتيأنا لازم أقوله اللي عرفته بخصوص سلمى

علشان يعرف إنه ظلمهاحقها

معتز : ويجي يبلغ علشان حقها يرجع

مريم : صحمش حتأخر

معتز : براحتك يا حبيبي

صعدت مريم للمنزل بخطوات متثاقلة على الرغم من شعورها
بالإنتصار..... نعم فستخبره الحقيقة التي غابت عن عقله
..... ولكنها صدقتها طوال الوقت فسلمى ضحية مثلها
تماماً بل وحن الوقت لإنقاذها..... قرعت الباب ولاحظت
ملامح الدهشة القوية التي إنتابته بمجرد رؤيتها..... قال بعد
وهلة : مريم !!!! إزيك

مريم : إزيك عامل إيه

أحمد : الحمد لله إتفضلي

دخلت لتجد والدته وكان يبدو انها تعد بعض الطعام ووجدت فتاة
أخرى على قدر بسيط من الجمال وقد جلست مع جودي تلهو
معها ببعض الألعاب..... نظرت الفتاة لها بإبتسامة بينما
قدمها أحمد لها بإقتضاب : أعرفك الأنسة مريم قريبة جودي
..... أعرفك يا مريم الأنسة ولاء..... خطيبتى .

الفصل الثاني والثلاثون

لحظات من الصدمة..... ودقائق صامتة طويلة
..... نظرت له بذهول وكررت كلماته بنبرة بطيئة كأنها تحاول
إستيعابها : خطيبتك.....

نظر أحمد إلى ولاء التي بدا عليها الإنزعاج ثم حول بصره نحو
مريم وقال بإبتسامة مصطنعة : 0 اه قرأت فاتحة من يومين
والنهارده حنشتري الشبكة

نظرت له بحنق شديد ثم قالت وهي تنظر نحو خطيبته في تحدي :
ممكن نتكلم لوحدنا

أحمد : هه
الصالون

إتجهوا للصالون تاركاً زوجة المستقبل التي رمقتهم بنظرة
غاضبة ثم توجهت لأمه في المطبخ

ولاء : شايقة يا طنط

الأم : إيه يا بنتي خير

ولاء : واحده كده شكلها قريبة طليقة أحمد جات وقال إيه
حيتكلموا على إنفراد ودخلها الصالون حتى من غير مايبص
ناحيتي ولا ياخذ رأيي

الأم : إهدي يا بنتي إسمها إيه دي

ولاء : مريم

الأم : مريم !!! غريبة إستني إما نشوف عايزة إيه
دي مع إن إبنني ده ما بيحكيش حاجه

نظرت له مريم ببرود ثم قالت : مبروك يا بشمهندس

أحمد : الله يبارك فيكي

تابعت بنبرة ساخرة : لو كنت أعرف كنت جبت هدية بس برده
معايا هدية.....خبر ولازم بقه تعرفه علشان تعرف إنت أد
أيه إنسان صغير

أحمد بغضب : إيه !!! مريم إنت إتجننتي

مريم : أنا مستنيني تحت في العربية أرجل إنسان شفته في حياتي
.....وبجد أنا عرفت قيمته دلوقتي

أحمد بسخرية : وأنا إيه علاقتي بالموضوع ده

مريم : لا مالکش علاقة خالص ده شئ أنا واثقة منه

نظر نحوها بغضب ثم قال : مريم إيه اللي جابك

مريم : كنت جاية أزف خبر سعيد بس دلوقتي مش متأكده إنه
حيفرحك

أحمد : خبرخبر إيه

مريم : أنا وصلت لواحد من الكلاب.....تفاصيل بقه مش
حطول عليك لكن الشخص ده أنا بلغت عنه وإن شاء الله البوليس
حيمسكه والشخص ده قالي معلومةمعلومة أكدتلي إن
سلمى ضحية وإنت ظالم

أحمد : إيه إنتي بتقولي إيه

مريم : سلمى في الليلة المشنومة فاقت مش فاكرة حاجه لا هي
مين ولا فين ولا كانت حتى عارفة يحيى

كان أحمد يستمع لكلماتها في ذهول دون أن ينطق
.....تابعت بأسى : يحيى إستغل ده وهرب بيها على إيطاليا

.....فاهم يعني إيهيعني سلمى عاشت معاه
عششان كانت فاقدة الذاكرة يا أحمد مش خاينة يا أحمد مش خاينة
.....إنت اللي خاين

قالت قولها وقد إحتدت نبرتها وظهرت الدموع في عيناها ثم
خرجت مسرعة وهو يجلس دون حراك وتمر بعقله ذكريات كل ما
حدث

وجدها معترز باكيةنظر نحوها بفضول وقال مسرعاً
: مريم في إيه

مريم : مفيش منتخضش

معترز : حد فوق ضايقك

مريم : البيه خطبوأنا اللي كنت رايحة أزف ليه
البشرى وأخليه يبلغ معانا

معترز : طيب حبيبتي ممكن تهدي

مريم : مش حاسيب حقهالو كل الناس إتخلت عنها أنا
مش حتخلى عنها

معترز : عارف

مريم : معترز

معترز : عيون معترز

مريم بعد تردد وبنفس صوتها الباكي : أنا بحبك قوي

في منزله القديم جلس وسط ذكرياته..... فكل ركن بهذا
المنزل يذكره بها لهذا تركه..... رفضه
..... اه يا سلمى كم أحببتك..... ولكن
..... كلما تصورت وجودك مع هذا الرجل وكأن أحدهم
طعني بخنجر مسموم..... لقد أرحت قلبي وعقلي
ورسمتك خائنة في خيالي..... ألومك كيفما أشاء وأنساكي
دون شقاء ولكن هاهي مريم تقذف في وجهي ما كنت أخافه
..... ما كنت أهرب منه..... إنكي لستي بأثمة
أمسك بزهرية صغيرة وقذفها بعنف ليكسر المرآه التي يرى فيها
نفسه فأصبح يرى نفسه مشوهاً مكسوراً..... نعم فأنتي يا
سلمى لستي بأثمة وأنا لا أستطيع مسامحتك..... لا
أستطيع محو صورتك مع هذا الرجل من خيالي.....

استقبلت هناء معتز و أبيه بحفاوة بالغة وتواجد عمها الآخر
بعدها شعر بتقصيره في حق ابنة أخيه وضرورة تواجده في يوم
كهذا..... كانت مريم تبدو كالملاك بعدما إرتدت فستاناً بسيطاً
ووضعت بعض مستحضرات التجميل على وجهها كبقية النساء
ولكن بلمسة رقيقة للغاية..... لم يزح معتز نظراته عنها
طوال الوقت..... نظر لها والده بإبتسامة وقال : تعالي يا مريم
أقعدي جنبي..... والله وعرفت تنقي يا معتز

جلست مريم بجانبه بخجل..... إبتسم الأب ونظر لأمها ولعمها
قائلاً : بصراحة لو معدكوش مانع نقراً فتحتها دلوقتي
..... ونخلي الخطوبة بعد كده

معتز : بسم الله الرحمن الرحيم

أبيه : يا إبنى أصبر الناس ترد جازر عندهم مانع
تابع معتز دون ان ينظر لأبيه : الحمد لله رب العالمين
.....الرحمن الرحيم

إبتسمت هناع برضى وكذلك عم مريم عندما شعر القبول في
وجهها وقرأوا جميعا سورة الفاتحة متمنيين لهما الحياة السعيدة

بدأت جوليا تنفيذ خطتها على الفور.....كان مازن
بمكتبه عندما وجدها أمامه تبتم في دلال

جوليا : بونجورنو

مازن : صباح النور يا سكرتيرتي بالإسم فقط

جوليا : والله ما بيدي الباشا طلب مني شغل كثير بخلصه قبل
مانتقل معك

مازن : ماشي يا ستي بس المفروض ان الباشا خلاص معدش
عنده إلا شغل بسيط ولا إنتي بتدلعي بقه وبتشتغلي على مهلك

جوليا : هههههههه لا لابس في شغلات تخص الباشا
ويحيى ما حدا بيخلصها غيري

مازن وقد بدت الجدية على ملامحه : شغل إيه

جوليا وقد تصنعت الإرتباك : امممم شغلات في سفريات فاتت
وخلصناها خلاص deals

مازن : إيه يعني

جوليا : ما بعرف خليني أفل بجد لما بكون جوعاته بخرف

مازن : خلاص ما تيجي أغديكي

جوليا : ميرسي كثير أنا ما باكل في الغدا إلا سلطة وبس

مازن : خلاص خليها عشا

جوليا : بعزمك بييتي إذا ما عندك مانع

مازن : أكيد معنديش مانع

جوليا : خلاص بستناك الليلة بس لا تقول للباشا ممكن يضايق

مازن : هههههههههه هو انا صغير حاخذ الإذن ولا إيه

ضحكت جوليا بخبت وإفترقا على لقاء

تركته وتوجهت لمكتب يحيى الذي إستقبلها بإبتسامة ماكرة ثم

قال : ها رميتي الطعم

جوليا : ويبجي على العشا مثل ما إتفقنا

يحيى : ممتاز

إقتربت منه جوليا في دلال وقامت بالإمساك بربطة عنقه بأناملها

الصغيرة وقالت : شو رأيك نتغدى سوا اليوم كمان

يحيى بمكر : أه إنتي إعودتي بقه

جوليا : ما أستاهل

يحيى وقد تبدلت ملامحه ونظر لجوليا نظرة أخافتها : جوليا
.....خرجي سلمى برة الموضوع ده علشان متكديش على
نفسك

جوليا : بيبي أنا آخر شى بسويه إني أعملك مشكلة مع
سلمى

يحيى : جولياخليكي مطيعة تكسبيني وأعيشك ملكة
وأظن إنتي شفتي أنا لما بتعجبني ست بعرف أعمالها إزاي
.....لكن تضايقتي إنتي متعرفيش يحيى لما بيقلب
ممكّن يعمل إيه

نظرت له بإبتسامة وتابعت : بحب فيك ها الجبروت شو بسوي
في نفسي أنا

أخرج من جيبه علبة صغيرة ناولها إياهافتحتها فوجدت
خاتم قيم من الماس إرتدته بسعادة وقالت : كتيبيير حلو

يحيى : إنتي أحلىده عربون محبة يا ستيولسه
مع يحيى إنتي دايمًا كسبانه

جوليا وهي تنظر نحوه بشغف : أنا بوجودي جنبك أكيد كسبانه
يحيى : حاستنى منك تليفون تطميني

جوليا : أوكيه

تركها وظلت تنظر لنفسها في المرآه بسعادة ثم قالت لنفسها :
أخيراً يا يحيىبس يمر الوقت وبخليك تنسى سلمى
وعينيك ما تشوف غير جولياجوليا وبس .

الفصل الثالث والثلاثون

وصل مازن بموعده المحدد أعطي جوليا باقة رقيقة
من الزهور ودلف إلى المنزل وهو يقول : شقتك
باين عليها حلوة قوي

جوليا : ميرسي كثير إتفضل على السفارة العشا جاهز
مازن وهو ينظر بدهشة لمائدة الطعام : إيه ده كله
..... مش معقول إوعي تكوني طبختي

جوليا ضاحكة : لا لا ما بعرف أطبخ

مازن : ومنين جبتي الأكل الشرقي الحلو ده

جوليا : هايدا مطعم لبناني أكله كثير طيب

مازن : هو الجواب باين من عنوانه

جوليا : إتفضل

مازن بعد أن شرع في تناول طعامه : والطعم كمان تحفة يا جوليا

.....

جوليا : مبسوفة إنه عجبك

لاحظت جوليا بساطة مازن وعدم تكلفه في الحديث معها

..... نظرت له بمكر بعد أن تناولوا الطعام وجلسوا سويا

في التراس : كونت صداقات بروما ولا ما في حدا

مازن : وهو حيعرف منينجوليا واضح إنك عايزة
تقوليليمش فارق معايا ليه المهم إني أعرف

جوليا : بدي أخبرك لإني بحس إنك إنت وسلمى مو مثل يحيى
والباشاسلمى إستسلمت وما بتقدر ترفض أو تقاوم
بس ما بعرف إنت

مازن : وضحيهممممممم جوليا أنا عارف إن
في حاجة مريبة وإن في شغل في الباطن والشركات خلفية
.....الطبخة مش منطقية يحيى بيحاول يخبي بورق سليم لكن
عقلي مش مصدققولي يا جوليا يحيى كان في ليبيا
بيعمل إيه والدنيا مقلوبة ليه دلوقتي وخسارة إيه اللي سمعت
الباشا بيتكلم عنها ??? قولي

جوليا : هايدي كانت صفقة سلاح

ذهل للحظات على الرغم من شكوكه طوال الوقتتابعت
جوليا وهو ما زال على صمته : الشغل اللي في الباطن مخدرات
وسلاح يا مازن ويحيى هو جوكر هيك مواضيع والشركات أغلبها
كان تابع ليه وبيديرها بنفسه عشان

مازن مقاطعاً بأسى دون ان ينظر نحوها : غسيل أموال

جوليا : أسفة كتير

لم يجبها تركها وخرج مسرعاًغاضباًوإبتسمت
هي إبتسامة الإنتصار لقد أخبرته ما أراد يحيى ولكن بطريقتها
الخاصة

إستيقظت مريم على صوت الهاتف كان معتز هو
المتصل قال لها بصوت رقيق : صباح الخير يا حبيبتي

مريم : صباح النور

معتز : صح النوم ناموسيتك كحلي كنتي بتفكري فيا صح

مريم : لأ كنت بتفرج على التلفزيون

معتز : فيلم ولا برنامج العلم والإيمان

مريم : هههههههه تصدق كان برنامج جميل نفسي يرجعوا
يجيبوه ثاني

معتز : مريم عندي خبر مزعج بس حلو

مريم : إيه !!!!

معتز : قبضوا على الزفت اللي اسمه عادل

مريم : بجد إمتي

معتز : اليوم إياه لما ضربته مشي غرقان في دمه وتقريبا خبطته
عربية وفي المستشفى لما لقوا ان كان معاه سلاح بلغوا البوليس
علشان كده مالحقش يهرب أول مرة تطلعي
محظوظة يا مريم

مريم : إنت والحظ ظهرتوا في حياتي في وقت واحد يا معتز

معتز : حبيبتي ربنا يقدرني وأسعدك بجد

مريم : يا رب أنا أقدر أسعدك خائفة ماقدرش

معتز : مريم إنتي مجرد وجودك جنبي بيسعدني لازم تكوني
فاهمة دهفوقي كده وإجهزي حеди عليكي ونروح سوا
علشان الظابط كلمني ولازم نروح نتعرف عليه

مريم وقد شعرت بإنقباض في قلبها لأنها ستري هذا الشخص مرة
اخرى : حشوفه

معتز : لحظة صعبة مع بعض حنديهاخلاص
مريم : حاضر حاجهز ومستنيك

أنهت مكالمتها معه ثم إتجهت لإمها لتخبرها بما تنوي نظرت لها
هناء بغضب ثم قالت : هو إنتم بتتكشوا على المشاكل وده
خطيبك اللي كنت فاكراه عاقل طلع أجن منك

مريم بحزن : مجنون علشان حيجيبلي حقي يا ماما

هناء : يا بنتي ماهو حتجيبني حقك إزاي المحاكم والقضايا
مواويلها طويلة ومش حينوبك غير الفضيحة وكلام الناس

مريم وقد إغرورقت عيناها بالدموع : أنا مش فضيحة يا ماما
.....أنا مش فضيحة

إحتضنت هناء إبنتها بأسى وتابعت : يا بنتي مش قصدي والله

مريم : كفاية خوف بقهخوفك اللي خلاكي حتى خايفة
تدوري على سلمى أو تسألني عنها وتفهمي إيه اللي حصلها

شعرت هناء وكأن مريم قذفت في وجهها قنبلة من العيار الثقيل
سلمىلقد ظلت طوال عمرها تلوم سلمى على ما حدث

لإبنتها بل لامت نفسها لأنها إقتربت من تلك الصغيرة الطائشة
ودفعت مريم معها ثمن طيشٍ قديمأخرجتها مريم من
شرودها وهي تقول : إنتي متفرقيش عن أحمد جوزها إنتم
الإثنين قررتم تلوموهاأنا نازله يا ماما علشان اللي
عمل فيا كده وسرق فرحتي وفرحتك لازم يدفع التمن
.....لازم يدفع التمن .

إقترب موعد المواجهةكانت مريم تشعر بإرتباك
شديد إستشعره معتز في رعشة يدها الصغيرة أمسك بيديها بقوة
و نظر في عيناها ثم قال : هانتهانت يا مريم

كان عادل يقف في طابور العرض ويبدو على وجهه القلق
والإجهد الشديدتحركت مريم ومعها معتز ببطء حتى
أصبحت في مواجهتهنظر لها بتحدي بغرض إخافتها
وكأنه يتوعدها بعقابٍ شديد ولكن عندها لم تكد مريم تنطق حتى
فاجئه معتز بلكمة قوية وإستمر يوجه له اللكمات حتى خلصه
العساكر من يديه بأعجوبه

نظر الضابط لمعتز في لوم قائلاً : مينفعش كده يا أستاذ معتز

معتز : ماقدرتش أمسك نفسي

الضابط : هو ده يا آنسة مريم

أومات مريم برأسها بالإيجاب وهي تبكي

الضابط : خلاص دلوقتي حاخد أقوالكم ونفتح القضية من جديد

.....

طلب الضابط من معتز الخروج وبدأ المحقق في إستجواب مريم التي قصت كل شئ بتوتر شديد بعد أن إنتهت قال لها المحقق : رباب دي متعرفيش عنوانها إسمها بالكامل

مريم : للأسف لأ كل اللي أعرفه إنها كانت زميلة سلمى في الكلية مش عارفة جوزها عنده معلومات عنها ولا لأ إنتم مش حتبعثوله

المحقق : إستدعيناها وحيجي بكرة طيب يحيى متعرفيش إسمه بالكامل

مريم : يا ريت

المحقق : خلاص كده خلصنا يا آنسة مريم معلىش تعبتك معايا حاطبك لمون يهدي أعصابك على بال ما آخذ أقوال أستاذ معتز

خرجت مريم ودخل معتز ليدلي بأقواله وفتحت القضية من جديد وبدأ البحث عن يحيى ورباب

قال معتز لمريم وهو يقود السيارة : رباب دي عنصر مهم في القضية متعرفيش حد يعرفها أو يعرف معلومات أكيدة عنها

مريم : أصلها ماكنتش صاحبتى سلمى هي اللي كانت تعرفها

معتز : إما نشوف جوزها حيقول إيه

مریم : احمد معندوش معلومات عن رباب لو كان عنده كان زمانه
وصلها ده شئ أنا متأكده منه

معتز : عموما إحنا عملنا اللي علينا والبوليس بقه حيشوف شغله

مریم : يا رب

معتز : ها تحبي تتغدي إيه

مریم : مليش نفس يا معتز

معتز : خلاص أنا حاكل وإنتي تعالي إفرجي عليا
.....تحبي أتغدى إيه

مریم بابتسامه : حقولك إيه

معتز : اقولك تعالي نروح النادي انا بقالي كام يوم مطنش
التدريب نضرب شوية نار نطلع غلنا وبعدين ناكل كوك دور
ونتذكر الايام الخوالي

مریم : يا سلام

معتز : إيه نسييتي ساندويتش الفياجرا اللي إنتي إتكسفتي منه

مریم : خلاصخلاص يا معتز

معتز : أيوه كده ناس متجيش غير بالعين الحمرا

مریم : اه إنت مستبيع بقه بتقولي كده وبعدين حتمسكني سلاح

معتز : لا لا أبوس إيدك السلاح يطول

ضحكت مريم وشعرت أن معتز بمرحه وذكاءه دائماً ما يستطيع إخراجها سريعاً من حالات الألم التي تنتابها من آن لآخر

كان يحيى قد إتجه لعمله كعادته دخلت سلمى لغرفة المكتب وتوصلت لمكان الخزينة السحرية لم تستطع فتحها فهي لا تعلم أرقامها السرية ولكنها كانت تتوق بشدة لمعرفة محتواها دق هاتفها منبأً عن إتصال باسم ردت بضيق : ألو

باسم : صباح الخير

سلمى : باسم مينفمش تتصل كده إفرض يحيى كان موجود

باسم : وهو أنا تلميذ منا شايفه في الشركة

سلمى : خير

باسم : عايز أعرف عملتي إيه

سلمى : هو أنا لحقت وإنت عارف يحيى رجع ووقتي مش زي الأول

باسم : على بابا ماهو يحيى كان طول عمره موجود وبنخرج وبنسهر

سلمى : إنت ناسي إني كنت بترحك ببودي جارد

باسم : ومعدش في دلوقتي يا حلوة خلصيني أوكيه

صمتت قليلاً ثم خطر ببالها فكرة شيطانية لو عايزهم بكرة عندي شرط

باسم : بتشرطي عليا يا سلمى

سلمى : اسمع وبعدين أحكم

باسم : إيه

سلمى : في خزانة عايزة أفتحها تعرف تجيبلي حد

باسم : خزانة !!!!

سلمى : محتاجه أفتح الخزانة دي بكل حرفية من غير ما صاحبها
ياخد باله

باسم : صاحبها يحيى!!!!

سلمى بمكر : منفسكش تعرف يحيى مخبي فيها إيه

باسم : إوعي تكوني بتلعي بيا يا سلمى

سلمى : أنا رقبتي في إيدك حالع ببيك إزاي

باسم : يومين ويكون طلبك جاهز بس

سلمى : بس إيه

باسم : يحيى لو عرف حنموت

سلمى : إظمن المهم الراجل بتاعك تكون ضامنه يفتحها ويختفي
واللي فيها بقه بتاعي أنا وإنت

باسم : ليه بتعملي ده

سلمى : ده شئ ميخصكش مادام حتستفيد متسألش كثير

باسم : ماشي يا حلوة حجازف معاكي بس ورقي تخلصيه

سلمى : إطمئن تفتحي الخزانة حسلمك الورق

أغلقت سلمى الهاتف وشعرت بنبضات قلبها السريعة
..... شعرت أنها ليست سلمى التي تعرفها بل أصبحت أنثى
الشیطان ربما ستصبح مثله لتنال منه أغرقت نفسها
في حمام دافئ وظلت تفكر في الجزء الآخر من
خطتها الجزء الأهم مازن وبنفس الوقت
كان مازن يجلس وحيداً أمام نافورة تريفني حيث رمى
بأمنيته من أجل سلمى لا يعرف لماذا جاء لهذا
المكان بعد الليلة العصيبة التي قضاها بعدما علم بسر أبيه
..... الآن فهم كل شئ لماذا هربت أمه
..... لأنه ببساطة ابن لقاتل قاتل لا يعرف ضحاياه
ولا يهتم بهم كيف تزوجت أمه من أفنت حياتها من
أجل الناس برجل باع كل الناس من أجل حياته فرك
وجهه وعيناه بأصابعه وكأنه يريد الخروج من تلك الحالة وتذكر
سلمى شعر بالغضب لأنها آثرت إخفاء الحقيقة
..... الآن يفهم لماذا ترفض يحيى ولكن لا يفهم لماذا لم
تتركه وبقيت معه كزوجة متمردة ولأننا في أصعب
اللحظات نبحت عن من نحب أخرج هاتفه وقرر الإتصال بها
..... هي من يود رؤيتها هي فقط من يود رؤيتها
.....

الفصل الرابع والثلاثون

غاصت بجسدها في المياه الدافئة للحظات..... كانت تحاول
أن تهرب من واقعها الأليم وتنتقل بروحها لمكان آخر
..... نعم هي الآن مع جودي وأحمد الصغيرة
قامت بوضع مساحيق التجميل خاصتها على وجهها البريء
وضحكت ضحكة رنانة..... أمسك أحمد الصغيرة وظل
يقبلها بقوة ويرفعها عالياً كما إعتاد دائماً نظروا
نحوها بعيونهم اللامعة التي تشبه لون الزيتون النقي
..... ثم رن الهاتف إختفوا
عندما رن الهاتف أي هاتف من
المتصل خرجت من خيالها السعيد وعادت للواقع مرة
أخرى كان الهاتف يرن بإصرار شديد يأبى
عن التوقف خرجت مسرعة بجسدها المبلل تسب
وتلعن وتتوعد لهذا ال "باسم" الذي لا يكف عن مضايقتها
..... ولكنه لم يكن باسم إنه مازن ويبدو أنه
إتصل أكثر من مرة ظلت تنظر للهاتف وهو يضى بإسمه
..... قالت لنفسها في سخرية بتتصل في وقتك يا
مازن أجابت بهدوء شديد : ألو

مازن : إزيك يا سلمى

سلمى : تمام إنت عامل إيه

مازن : عايز أشوفك

سلمى : مال صوتك

مازن : سلمى بجد أنا محتاج أشوفك ينفع نتقابل دلوقتي

سلمى : دلوقتي !!!

مازن : مش يحيى في الشغل

سلمى : اهبس.....

مازن : أنا نازل في فندق هادي كده قريب من البحر
.....لو يناسبك أديكي العنوان تيجي

سلمى : أجيلك الفندق !!!

مازن : سلمى متفهمنيش غلط أنا بس محتاج أتكلم معاكي ومش
حينفع في مكان عام

صمتت سلمى قليلاًلمعت عيناها ثم قالت بنبرة
واثقة : مليوني العنوان

أغلقت الهاتف ثم شرعت في إرتداء ملابسهاإبتسمت
بسخريةأي حديث يا مازن تريدأي
حديث هذا الذي يصلح سوى في غرفة مغلقة
.....فالعرف المغلقة لها أحاديثها الخاصة
.....الخاصة جداًربما أنت إذن مثلهم ربما تستحق
أن تكون طعم أصطاد به يحيى ليقع في الفخ الذي سأنصبه له
.....أنت لست بضحية بريئة كما كنت
أتصور.....ربما البراءة الوحيدة في تلك القصة كانت
مريمولم يبالي بها يحيىتركها فريسة للذئاب
ليهنأ هو بغنيمته

إنتقت ملابسها بعنايةكانت تريد أن تظهر أنوثتها وتبرز
جمالها بقدر ما تستطيع لتسلب عقله فيصبح دميته الصغيرة
تحركها كيفما تشاء !!!!!.....نظرت لنفسها في المرآة
وإبتسمت بسخريةفهي بصدد لقاء حميمي مع رجل

لا تبالي به من أجل زوج لا تبالي سوى بالثأر منه
.....والوحيد الذي إحتل قلبها قذفته بقوة بعيداً عنها
.....نعم من أجله ومن أجل ملاكها الصغير كان يجب أن يبتعد
.....

كان يلتهم طبق الخضروات أمامه بشراهة شديدة
.....رمقته أمه بنظرة إرتياب ثم وضعت أمامه كمية
أخرى من الكوسة وهي تقول : من إمتى وأنت بتاكلها
.....عطول كنت بتغضب عليها

أحمد : مع الوقت حتعود عليها حتى لو مش بحبها

الأم : هي مين دي

أحمد بسخرية : الكوسة

الأم : أنا سيبتك براحتك وقلت إنت حتتكلم لكن واضح إنك مش
في دماغك يابني

أحمد : إيه اللي مش في دماغي يا أمي

الأم : البنت اللي رحنا خطبناها وقرأنا فاتحتها ويوم شراء الشبكة
إختفيت ومرجعتش غير بعد نص الليل.....خليتني في
نص هدومي

أحمد : ظروف يا أمييومين كده وحاكلمهم أعتذرلهم
وحاحدد معاد تاني

الأم : مريم قالت ليك إيه شقلب حالك كده

أحمد : مش وقتهمش وقته دلوقتي

الأم بغضب : لا وقته أنا مصدقت إنك نسيت سلمى واللي حصل
وإقتنعت بكلامي وشففت حالكومريم بكلمة خليتك
رجعت تفكر تاني

أحمد : لا تاني ولا تالت لو إنتي قلقانه إني خارج في كلمتي
وأسيب ولاء إطمني ده مش حيحصل أنا مش برجع في كلامي
الأم : وسلمى

أحمد : سلمى راجعة مصر يا أمي وقريب قوي

الأم : إيه !!!!! إنت مش قلت إنك إتأكدت إنها إتجوزت وعاشة
بره

أحمد : وحارجعهالازم ترجع

الأم : يابني إيه وجع الدماغ ده إنت مالك ما كل واحد راح لحال
سبيله وبنتك في حضنك

أحمد وقد لمعت عيناه تأثراً ثم تابع : سلمى لازم ترجع علشان
مايجيش يوم وبنتي تسألني أمي فين ومعرفش أجاب
.....من حق جودي عليا إني أرجع ليها أمها
.....ومن حق سلمى عليا إني أرجعها لبنتها

الأم : وإنت يا أحمد

إغرورقت عيناه بالدموعنظر لأمه وهو يبتسم إبتسامة
إختلطت مع دموعه في إنسجام غريب ثم قال بعد أن خرجت من

فمه ضحكة حزينة : أنا عايز ومش قادر يا أمي
.....عايز ومش قادر .

هي عصفور صغيرهي العصفور الوحيد الذي عشق
القفصقرر أن يختبأ بداخله ويحيط نفس بهذا
السياج الحديدي فلا يستطيع أحد الإقتراب منه
فتحت لك باب القفص عصفوري الصغيرحلق في
سماء حبيرفرف بتلك الأجنحة الصغيرة مرحاً لا
خوفاًدعني أقرب منك بدون خوفمريم
أفكر في المرة ألف مرة قبل أن أقرب نحوكهل
ستدعيني أم ستهريين مرة أخرى لتلتفين بسياج حديدي ربما أكثر
قوة !!!!!

قضى معها أجمل ساعات عمرهكانت تمسك
بسلاحها بثقةتصوبه بهدوء ثم تبتسم له بثقة
.....لقد أجادت هذا حقاً ربما سيتفوق التلميذ على أستاذه
.....كان يود أن يسرق منها قبلة على غفلة ربما تلومه
عليها بعنف وتبتسم على فراشها ليلاً وهي تتذكرها ولكن
.....لامع مريم لا يجوزلا مجال
للخطأ فحبيبتي هشة كورقة الشجر في فصل الخريف
.....ولا أدري هل من العبث أن أكافح لأبقىك على الشجرة
حتى تعودني خضراءيانعةنضرةثم
أحيا معك أجمل أيام العشقولكن لا يعلم لماذا شعر
برياح عاتيةعاصفة غاضبة تقترب منه
.....كان أبيه يقف بجوار باب غرفته يحدق نحوه في غضب

..... نظرة إستشعر معتز ما وراءها على الفور
..... ربما سيبدأ الآن معركة ظن أنها مؤجلة نظر
الأب لإبنة في غضب وقال : إنت إزاي يا ولد تخبي عليا حاجه
مهمة زي كده

إبتسم معتز بسخرية وقال لأبيه بصوت هادئ : حسام طبعاً هو
اللي قالك

الأب بنفس نبرته الغاضبة : البنت دي إنت تسيبها فوراً
..... فاهم

معتز وقد إحتدت نبرته هو الآخر : ليه ؟؟

الأب : ليه !!!! إنت يابني بتفكر إزاي إزاي حتقدر
تعيش معاها إزاي حتقدر تعاشرها إنت
متخيل اللي حصلها ولا مش فاهم ولا إيه

معتز : اه تعرف يومها هي كانت زهقانه فقررت
تلبس أحلى حاجه عندها وتروح حته مقطوعة جايز تلاقي حد
يغتصبها وطبعاً كانت مستمتعة بده

الأب : إنت بتخرف بتقول إيه

معتز : ده اللي إنت واي حد بيهاجمها بيقولوا يا بابا

نظر حسين لإبنة وزفر الهواء من فمه بقوة ثم جلس بجانبه وقال
بنبرة أكثر هدوءاً : أستغفر الله العظيم يا رب لا يا إبنى أكيد أنا
مش بقول كده

معتز وقد ظهرت الدموع في عينيه وهو ينظر نحو أبيه : متخيل
يعني إيه بنت لسه عندها 20 سنة بنت فيرجن ممكن

يكون كل معلوماتها عن الجواز فستان أبيض وطرحة.... يحصلها
كدهإنت فإكر إنه سهل عليا لما بفكر في ده
.....إنت عارف نوع الخوف والقلق اللي حواجهه معاها ليلة
دخلتي حيبقى عامل إزايبس مقدرتش
.....مقدرتش أبعدبحبهاوعارف
إنها مالهاش ذنبليه أعاقبها وأعاقب نفسي معاها
على ذنب إحنا مارتكبناهوش

الأب : معتر إنت بتحبها قوي كدهإشمعنه دي
معتر : هو الحب بمزاجنا يا باباربك رب قلوب
.....وبعدين هي لو كان حصلها كده وهي مراتي كنت
المفروض أسيبها

الأب : لأ طبعا..... بس هي مش مراتك يا معتر

معتر : لأ هي مراتيمريم هي اللي ربنا كتبها لي من
قبل مانتولدمريم مش مجرد بنت بحبها. لأ مريم
جزء منيهم إعتدوا على جزء مني فاهم يعني إيه
.....يعني ماتفتكرش إني لو سبتها حاكون مرتاح
.....أنا مش حارتاح غير لما حقنا يرجعمش
حرتاح غير لما أخذها مطمئة في حضني يا بابا.....

الأب : معتر

قاطع معتر : قبل ما تقول حاجه تانيمعتر اللي إنت
ربيتته يا دكتور هو اللي عمل دهفكر إن مريم كانت ممكن
تكون بنتك وأختيمتفكرش في كلام الناسالحلال
بين والحرام بين وملوش دعوة بكلام الناس

إحتضن حسين ابنه بعدما إستشعر حبه الشديد لمريمشعر
بالشفقة نحوه ونحو مريموربما نحو نفسه .

كانت تقود سيارتها بإضطرابقامت بصفها أمام
الفندق ثم ألقت نظرة أخيرة على ملامحها القلقةفشرعت
بإضافة بعض مساحيق التجميل ظناً منها أنها ستخفي إضطرابها
.....بعيونٍ مجهدة ومظهرٍ رث إستقبلهانظرت
له بدهشةذقنه طويلةًيرتدي قميصاً
قطنياً يبدو أنه عليه منذ البارحة وقد فتح جميع أزراره وكأنه
يسعى للتحرر منه دون جدوىبصوت ضعيف قال لها
: إتفضلي يا سلمى

دخلت وهي تتفحص محتويات الغرفة المبعثرةزجاجات
فارغة من الخمر ملقاه بعشوائية على الفراشلا
يوجد شئ في مكانه وكأنه يعاقب خدمة الغرفإستلقى
على أحد المقاعد دون أن يهتم بلامحها التي زادت إضطراباً
ودون أن يكلف نفسه عناءاً لغلغ أزرار قميصه وإخفاء صدره
العاريجلست أمامه ونظرت له بدهشة وقالت :
مالك

مازن : إيه

سلمى : مالك وإيه اللي إنت عامله دهإنت شارب

إبتسم بسخرية وتابع : انا مايشربش

سلمى : طيب إيه دهقالتها وهي تشير للحفلة الماجنة
من الزجاجات على فراشه

ضحك وتابع : فضيتهم في الحوض هههههه ماهي
فلوس حرام .

سلمى : إيه

مازن : ماسمعتيش فلوس حرام مش تجار مخدرات
يبقى أكيد فلوس حرام .

برقت عيناها من الصدمة فما خرج من فمه لم تكن
تتوقعه على الإطلاق بلعت ريقها بصعوبة ثم قالت بنبرة
بطيئة ربما لتستوعب كلماته : مخدرات أنت عرفت

مازن بأسى : كان نفسي أعرف منك

نظرت له بغضب ثم قالت : تعرف مني !!!! عايزني أقولك إن
أبوك وجوزي تجار مخدرات عايزني أبلغك خبر زي ده
إزاي أنت فاكّر إنها حاجة سهلة

مازن : عندك حق دي حاجة مش سهلة
..... بس هما الكذب عيشتهم والخداع ملامحهم لكن إنتي لأ
يا سلمى إحساسي بيقولي إنك مش زيهم مش شبهم

قامت وأدرات ظهرها له وتابعت وهي تأهب نفسها للمغادرة :
بيتهياك أنا مفرقش عنهم كثير

أمسك بذراعها ليمنعها من المغادرة وتابع

مازن : بتخدعيني ولا بتخدعي نفسك

سلمى بغضب : إنت ليه واثق فيا كده مش جايز بلعب
بيك إنت ناسي إني مرات يحيى

مازن : لأ يا سلمىلأ

سلمى : أنا ست متجوزة ووافقت أجيك أوضتك يا مازن
.....فاهم !!؟؟

مازن وقد قربها إليه فأصبحت في مواجهته : برده مش شبهم يا
سلمىبتحاولي بس مش عارفه

سلمى بسخرية : بيتهالك

تابعت وهي تتأهب للمغادرة : متصلش بيا تاني يا مازن
.....إهربإهرب وسيب البلد مالکش مكان
هنا.....ياريتك إنت كنت زيهمياريت

مازن : بتقولي إيه

سلمى : إفهم بقه بلاش الثقة العمياء ديضيعت غيرك
قبل كده

مازن : دي مش ثقة يا سلمىدي مشاعر

سلمى : مشاعر !!!!

مازن : أنا بحبك يا سلمى

ظلت محدقة نحوه دون أن تجيبإقترب منها وتابع :
بحبكأيوه يا سلمى أنا بحبك

ردت سريعاً وبغضب واضح : مينفعش

مازن : هو إيه اللي مينفعش

سلمى : مينف عش تحبنيبدأت عيناها تدرف
الدموع وتظهر حشرجة صوتها من البكاء وهي تقول بأسى : أنا
لا عايزة أحب ولا أتحبأنا اللي حبني أذاني أذية
عمري واللي حبيته ضاع مني خلاص ومش حيرج تاني
.....أنا الحب الوحيد اللي عايزاه بنتيمش
عايزة حاجة غير إني أشبع منهاأشبع منها وبس
كانت ملامحه في تلك اللحظة تعجز جميع الكلمات عن وصفها
.....نظر لها وهو يردد كلماتها ربما رغبةً في
تصديقها : بنتك !!!!!!!!!!!!!

نظرت له ودموعها منهمة ثم جلست على الأرض وأشاحت
بوجهها عنه وتابعت : أيوه بنتيبنتي اللي حرمني
يحيى منها بكل جبروتكان نفسي أسمع أول كلمة
أحس بفرحة أول خطوةإتحرمت من ده كله
.....وحتى مش عارفة أرجعلها لإني عارفة إن شيطانه
مش حيخليه يسيبنيوأنا مش حسيبه إلا لما يدفع
التمنوغالي قوي

مازن : أنا مش فاهم حاجةإنتي بتقولي ألغاز
أخرجت من حقيبتها الأوراق خاصة باسم وقذفتها في وجهه بعنف
وهي تقول : الورق ده باسم كان عايزيني أمضيك عليه
.....النهارده أنا كنت على إستعداد أعمل أي حاجة علشان
امضيك على الورق دهأنا كنت بستغلك يا مازن
.....بستغلك علشان أنتقم من يحيىشفت بقه إن
حبك ده نقمة مش نعمة

نظر للأوراق وقد بهت مما قرأ.....نظر لها بغضب ثم
قال : فهميني فهميني كل حاجه زمش
حاسيبك غير لما أفهم

سلمى : حفهمكحكايك الحكايةحكاية الحب
اللي قلبت بوجعالعشق اللي قلب برغبة همجية
دمرت الكلحكايك يا مازن

وهكذا قصت عليه كل شئإختطاف يحيى لها
وفقدانها للذاكرةظهور زوجها وخطتها للانتقام

ظل صامتاً لفترة طويلة بعدما إنتهتقام وأغرق
نفسه بزجاجة من المياه الباردة ثم شرب بعض الماء ونظر نحوها
نظرةً حانية وقال : ياااااااااا شايلة الحمل ده كله وعائزاني أسيبك

سلمى :إمشي يا مازن سيبيني أكمل لوحدي

مازن : مينفعشإحنا مع بعض في سكة واحده
دلوقتي

سلمى : لأ إنت ملكش علاقة بالموضوع

أخرج قلم من جيبه وشرع في إمضاء الأوراق خاصة باسم
.....نظرت له بذهول وقالت : إنت مجنون
.....إنت بتعمل إيه

مازن : أنا معاكىخطتك كان مستحيل تنفيذها لوحدك

سلمى : لأ إنت مالکش دعوة

مازن : حتقفي في وسط 3 دبابير لوحدك يا سلمى إزاي
.....مينفعش

سلمى : ليهبتساعدني وأنا كنت عايزة أورك

مازن : بساعدك وبساعد نفسي وبساعد أبويا

سلمى : بتساعده !!!!

مازن : أيوه بعرفه أد إيه طريقه من الأول كان سواد
.....مش حاهرب يا سلمىحواجهه ومش
بطريقيتي بطريقته هو.....ها نبتدي

مد كفه نحوها نظرت له بتردد وقالت : كده حتتاذي
.....إنت متستهالش الأذية مش حاقد

مازن : لو خطتك مشيت صح مش حيلحق يأذيني
.....برده رغم كل شئ إنتي خفتي عليا

سلمى : كده وخفت عليكأنا كنت ناوية أستغلك

مازن : وأنا مسامحكاللي بيحب بيسامح

سلمى : مازن أرجوك

مازن : متخافيشمتخافيش من حبي يا سلمى
.....يلا مدي إيدك إنت محتاجاني متعانديش

مدت يدها ووضعها على كفةإبتسم وقال : نقول بسم
الله

سلمى : بسم الله

مازن : ورق باسم خليه ليومهايوم فتح الخزنة ودلوقتي لازم تروحي

سلمى : مش حنبت ليحيى رسالة الاول

لازم الرسالة توصل ليه وانتي في البيت غير كده خطر ولعبة الحمل مش حتحميكيمعاي خط موبايل مش باسمك صح

سلمى : أيوه التليفون ده مسروق

مازن : جبتيه منين

سلمى : مش كيمياء إحنا في بلد المافيا

مازن : خلاص خليه معاياأول ما توصلي كلميني وأنا حابعت ليه الرسالة

سلمى : أوكيه

مازن : تمسحي نمرتي أول بأول من الموبايلمش عايز غلطة تخليه يسبقنا بخطوة

سلمى : متقلتشسلام أنا بقه

نظر لها نظرة حانية وقد إستبد به القلق عليها : سلمىلا إله إلا الله

إبتسمت له وقد شعرت أنها أزاحت حملاً ثقيلاً وقالت : محمد رسول الله

كان يحيى بمكتبه يتابع بعض الأعمال وينتظر من جوليا تقرير بمكالمات الباشافقد قرر تجنيدها لحسابه من أجل

التجسس على محمود لم يخرج من تركيزه سوى رسالة غريبة من رقم مجهول كانت بالعربية

" أستاذ يحيى صباح الخير

مراتك بتخونك دلوقتي "

الفصل الخامس والثلاثون

مراتك بتخونك !!!! دلوقتي

إبتسم بسخرية وهو يقرأ الرسالة نعم فهي رسالة حمقاء ربما من شخص أكثر حماقة إتصل بها على الفور ولكنها لم تجب مراراً وتكراراً ولكن دون جدوى بدأ الشك يدب في أوصاله خرج مسرعاً متجهاً للمنزل والغضب قد وجد طريقاً لملامح وجهه

في المياه الدافئة غمرت جسدها مرة أخرى لا تدري ما الذي تحاول فعله لقد نبهها مازن ألا تحاول إستفزازه هي فقط بذرة من الشك تدفعه لتصديق ما بعد ذلك ولكنها كانت ترغب في رؤية غضبه كان سيسعدها لمعت عيناها وهي تتخيل هيئته الغاضبة ومشاعره المضطربة فالزوج سيعود ليجد زوجته مستمتعة بحمام دافئ ربما بعد قضاء وقت حميم مع غيره لا يستطيع

التأكيد أو النفي نعم يحيى لا راحة بعد اليوم ولا وقت
للتفكير أو التدبر أنا من سيحرك الخيوط وأنت
ستكون دميتي الملعونة

وصل إلى المنزل سريعاً بعد أن قاد سيارته ربما بأقصى سرعة
..... دخل كالمجنون يبحث عنها وعندها أخبرته الخادمة أنها
بغرفتها منذ حوالي الساعة بعد أن عادت من الخارج
..... دخل الغرفة ليجد هاتفها الجوال ملقى على
الفراش وهي بداخل الحمام تستمع بالمياه الدافئة دون الإكتراث
لصوت الهاتف بغضب إقترب من الجنون دخل
عليها وسحبها من ذراعها بعنف غير مبالٍ بخروجها عارية أمامه
ليقذفها على الفراش وينظر لها نظرة ممزوجة بالغضب
..... كنتي فين ؟

نظرت له بعيون يملؤها الصدمة كيف يتجرأ عليها
بتلك الطريقة ردت بغضب مواز لغضبه : أنت
إتجننت إيه اللي إنت بتعمله ده

شعرت بالإهانة من نظراته التي إنتهكت جسدها فسحبت أقرب
غطاء لتداري جسدها المبلل وتابعت : إطلع برة
إقترب منها وهو يمسك بهاتفها وقال وهو ينظر نحوها نظرة
شيطانية : ما بترديش على الموبايل ليه

سلمى وهي تبتعد عنه : مسمعتوش

يحيى : خرجتي رحتي فين

سلمى : في إيه هو تحقيق

يحيى : ردي بتروحي فين وراجعة مزاجك رايق وواخده حمام ليه

سلمى : إنت مش طبيعي على فكرة

يحيى : ماهو لما تيجيني رسالة زي دي ومراتي اللي بتتلكك
ومش عايزاني أقرب منها مش بترد على تليفوني وأجي الأقيها
كده آخر إنسجام لازم أبقى مش طبيعي

سلمى : نظرت سلمى لمحتوى الرسالة بإشمنزاز بعد أن أراها
الهاتف ثمي قالت وهي تنظر نحوه بإزدراء : مشكلتك إنك حقير
وفاكر كل الناس زيك

لم يشعر يحيى إلا وهو ينزل بكفه على وجهها ويمسكها من
ذراعها بعنف ويقربها نحوه ويقول : حقير !!! شايقة إن جوزك
حقير يا سلمى طيب أنا بقية حابقي حقير بجد معاك
وإنتي اللي جبتيه لنفسك

على الرغم أنها لم تكن المرة الأولى التي يحاول فيها إجبارها
على ذلك إلا أنها كانت المرة الأولى التي يشعر فيها
بهذا الرفض بتلك الشراسة شحنة الغضب
داخلها تفوق الخيال إبتعد عنها ثم نظر لها بحنق وهو
يرتدي ملبسه وتركها ورحل لم يمنعه عنها سوى
هذا الجنين الضعيف داخل أحشائها لولاه لأخذها بقوة غير عابئ
بشئ أما هي فلم تكن تفكر سوى في شئ واحد
..... قتله

خرج أحمد بعد أن أدلى بشهادته في النيابة وأعطاهم تفاصيل غاية في الأهمية عن مكان تواجد يحيى وربما الحصول على تفاصيل أكثر أهمية عن إنهيار عادل وإعترافه بعد الوصول لرباب وعلى الرغم من طمأنة المحقق له بقرب الوصول ليحيى ومراسلة السلطات الإيطالية والإنتربول للقبض عليه إلا أنه كان يشعر بالقلق كيف ستكون ردة فعل سلمى هل تتذكره وأزاحته من أمامها عن عمد!!!! أم هي لا تعرف غير يحيى زوجاً ربما زوجاً تعشقه وتحبه ولا تشعر برجل غيره أخرج علبة سجائر إعتاد على تدخينها بشراهاه في الفترة الأخيرة هي لا تخصك الآن أيها الأحمق هي ليست زوجتك هي فقط أم إبنك إنساها لترتاح من هذا العذاب .

في تجمع عائلي بسيط وضع معتز حلقته اللامعة بيد مريم الصغيرة كانت تبدو جميله بفستان ذهبي أنيق إشتريته خصيصاً من أجل تلك المناسبة طبع والد معتز قبلة بسيطة على جبهتها ربما يداري بها تردده بشأن تلك الزيجة ولكنه لمح سعادة حقيقة بعيون معتز التي لم تفارقها طوال الحفل سعادة جعلته يؤثر الصمت فما قاله وسيقوله لن يثني معتز عن قراره لن يجلب له سوي الحزن .

وكعادته قرر أن يفجر مفاجئة أمام الجميعنظر معتز
لمريم وهناء وقال بصوت واثق : بعد إذنك يا طنط وبعد إذنك يا
بابا أنا عندي طلب

نظر له الجميع في دهشة منتظرين أن يكمل حديثه نظر لهم بعد
إبتسم لمريم بحب ثم تابع : أنا عايز أكتب الكتاب الأسبوع الجاي
.....وأرجوكم قبل ما تندهشوا وتتخضوا وتستغربوا
الإستعجال أنا حاوِض لكأنا إن شاء الله
حاتجوز مريم على العيد الكبير صح

ردت هناء : صح ولسه بدري يا معتز

معتز : بس المكان اللي ناوي آخذ مريم فيه شهر العسل لازم
أحجزه من بدري وإلا مش حلاقي حجز

هناء : مكان إيه يا بني اللي بيتحجز ليه من بدري كده
.....أنا مش فاهمة حاجه

معتز بإبتسامة واثقة : موسم الحج بيكون زحمة يا طنط ولازم
تكون مريم مراتي علشان أقدر أخلص الإجراءات ونطلع سوا

هناء : الحج !!!!

معتز : اه عايز آخذ مريم بعد الجواز ونطلع نحجنبدأ
حياتنا بالرحلة الجميلة ديبيتهيا لي كده موقفي وضح
هناء بنبرة توحى براحة شديدة : ياااااااااا ربنا يبارك ليكم يا بني

نظر والد معتز له بعمق شديدشعر أنه في تلك الليلة
لمس جانباً لم يعهده بابنه الصغيرأصبح رجلاً حكيماً

ربما فاقه حكمةإبتسم حسين وهو ينظر نحو ابنه
وتابع : خلاص نقول كتب الكتاب الجمعة الجاية
هنا : خلاصوأنا حاقولك لأ يا معتر
معتر : وإنتي يا مريم موافقة الجمعة الجاية تكوني مراتي
مريم : معتر إنت فاجئتني
معتر : أنا عارفبس نفسي تكون مفاجئة حلوة
إبتسمت له مريم وأومات بالإيجاب بعد أن لمحت نظرة سعادة
مخلوطة بالقلق في عينيهكيف لها أن تُغضب هذا
الرجلكيف .

كان يحيى يجلس بمكتبه غاضباً وهو يتذكر ما حدث مع سلمى
.....ماذا حدث ولماذا تسرب الشك إلى قلبه فأخر
ما ينتظره من سلمى هي الخيانة ولكنلماذا
رفضته بهذه الشراسةهل حقاً هناك آخر
.....ضرب بقبضته القوية على المكتب أمامه وكاد أن
يشطره نصفينآخر يا سلمىسأقتله
أمامكسأمتعك بروية دمائهحبيبتي
إذا كنتي خائنة فحتماً ستدفعين الثمن .

دخلت جوليا وهي تبتسم له إبتسامة ماهرة ولكنه تفاجئت بلامح
الغضب الجادة على وجهه

جوليا : شو في

يحيى : مفيش

جوليا : شكك كثير مضايق

يحيى : قاتلك مفيش يا جولياهاتي اللي عندك

جوليا : مازن هون

يحيى : هو ماكنش لسه جه

جوليا : توه وصل ودخل للباشاشكله كتيبيير مضايق

يحيى : يعني حيبيب جون

جوليا : اكيد

يحيى : أوكيه

جوليا : شو بك الخبر مو حلو

يحيى : حلوأنا اللي مش فايق دلوقتي

قام وارتدى سترته ليهم بالخروجإعترضت جوليا

طريقه ونظرت نحوه في دهشة وتابعت : يحيىشو

صابك

يحيى : مفيش يا جوليادماغي مش رايقةأنا

ماشي

جوليا : طيب شو رأيك تيجي لعندي وترتاح شوي

مازن : من الناحية دي إطمئن خالص أنا لازم أروح أنام
.....هلكان

خرج مازن ليترك محمود مع تساؤلاته حول تلك المرأة التي
دخلت حياة ابنه لم يكن يعلم أن جوليا أيضاً سمعت
ما دار ولكنه أحببها لم تلق بالأ بالحديث حول تلك المرأة ولكن
كان ما يهمها عدم ذكر مازن لما ينتظره يحيى !!!!

إتصل مازن بسلمى على الفور ليطمئن عليها
مازن : ها حصل إيهسلمى إنتي معيطة
سلمى : لألأ

مازن : حصل إيه
سلمى : إترفذ عليا ووسابني ومش
مازن : سلمى أنا مش مرتاح خايف عليكى

سلمى : بدأنا ولازم نكملإتكلمت مع باباك
مازن : اه كده هو عنده معلومة إن في واحدة في حياتي
سلمى : خلاص انا حاكمم باسم علشان ننفذ بكرة
مازن : بكرة !!!! بسرعة كده

سلمى : مش ضامنة يحيى عايز ألحق قبل ما يفكر
مازن : خلاصكلميه وبعدين عرفيني
سلمى : أوكيهسلام

لمعت عيناها ثم إتصلت بباسم الذي إستقبل إتصالها بسعادة

.....

باسم : ها في خبر حلو ؟

سلمى : ورقك معايا وممضي

باسم : إنتي بتتكلمي جد

سلمى : معقول حهظر في حاجة زي كده

باسم : ياه دانتي طلعتي جامدة بقه

سلمى : من غير رغي مستياك بكرة في الفيلا تفتحي الخزنة
أسلمك ورقك

باسم : بكرة لأ إديني وقت اظبط مع الراجل

سلمى : مش حينفع لازم بكرة كمان تشغل يحيى بأي إجتماع في
الشغل علشان أضمن إنه ميطبش علينا

باسم : مش حتفوتني دي

سلمى : خلاص حاستنى منك تليفون بالمعاد علشان ادخلك من
الباب الوراني وحاوزع الخدمة أوكيه

باسم : أوكيهبس

سلمى : بس إيه

باسم : إنت مش خايفة مني أكوش على كل حاجه وأسيبك منفضة
ضحكت سلمى بشدة وتابعت : أنا خلاص بطلت أخاف

الفصل السادس والثلاثون

صباح جديد بعد ليلة من الأرق أغلقت فيها غرفتها
على نفسها ولم يحاول هو الإقتراب منها أو الحديث معها قضى
ليلته وخرج دون أن تراه لم تشعر بالراحة إلا عندما
إطمأنت لرحيله شربت قهوتها الصباحية وشرعت
بالإتصال بمازن بملامح تتسم بالجمود وقلب حديدي
حدثت مازن : نزل مستنياك علشان نبدأ

كان باسم قد رتب ليحيى إجتماعاً طويلاً بغرض إشغاله
..... كانت الوقت قد قارب على الظهيرة عندما تلقى
إتصال سلمى

سلمى : جاهز

باسم : جاهز والراجل مستني مني تليفون

سلمى : خلاص مستنياكم .

لمعت عيناه على الرغم من شعوره بالخطر إلا أن الفرصة كانت لا
تعوض فهو بصدد معرفة ما تحتويه خزانة يحيى السرية بل
والحصول على سندات الثمينة أيضاً وفي أقل من ساعة كان
بمنزل يحيى هو والمحترف الذي سيفتح الخزانة
..... إستقبلتهم بحرص وأدخلتهم من باب خلفي
..... وبخطوات خفيفة خلفها بالمنزل الفارغ تحركوا حتى
وصلوا لغرفة المكتب بمهارة ضغطت على زر خفي

لينفتح البار وتظهر الخزانة الخفية نظر باسم بجديّة
للرجل الذي أحضره وقال : ها حتقدر
إبتسم الآخر بثقة وتابع : حتاخذ مني ساعة
باسم : خلاص إبدأ

لاحظت نظرات باسم المرتكزة نحوها بوقاحة إبتعدت
عنهم وظلت تراقب النافذة بإمعان شعرت بصوته
قريباً جداً فأستدارت لتجده خلفها تماماً نظرت له بدهشة
وقالت : إيه في حاجة
باسم : معجب

سلمى : هههههههه ما هو ده الطبيعي

باسم : مغرورة

نظرت له وإبتسمت بسخرية ثم عادت لمراقبة النافذة
..... تابع بنبرة أكثر جدية : الورق فين

أجابته دون أن تنظر نحوه : ورق إيه

باسم : الورق بتاعي السندات

سلمى : اه لما صاحبك يفتح الخزانة ويمشي أبقى أديك الورق
عندها جاءهم صوت الرجل بجانب الخزانة : خلاص

إتجهت سلمى مسرعة للخزانة بخطوات تسبق باسم الذي قام
بوضع الكثير من النقود في جيب من أحضره وتأكد من مغادرته
المنزل ثم عاد إليها فوجدها تتصفح بعض الأوراق بإهتمام

.....ولم يلحظ المسدس الذي جذبته بمهارة من داخل
الخزنة بمجرد رؤيته وأخفته في ملابسهاجذب
هو الآخر بعض المستندات وبعد وقت ليس بقليل من قراءة
محتوايتها قال وهو يبتسم بمكر : يا ابن ال جوزك
ده كارثة

سلمى : دي حسابات خاصة بالشركة وكمان أوراق خاصة
بحسابات في سويسرا

باسم : إيه دهيحى عنده حساب في سويسرا بمبلغ
وهي ولسه حاطه من كام يوم بس
سلمى : إيه !!!!

باسم : يا ابن ال.....الصفقة

سلمى : صفقة إيه

باسم : صفقة السلاح الأخيرةمفيش بوليس جوزك
أخدها لحسابهده الباشا لو عرفحيخليه
عبرة

إبتسمت بانتصارفباسم يكشف أمامها معلومات ثمينة
للغايةناولته بعض الاوراق الأخرى وهي
تسأله : ودول إيه

باسم بنظرة تتم عن الصدمة والإعجاب بنفس الوقت بعقل يحيى :
حساباتالحسابات الحقيقية للمجموعة والحسابات
المزيفةيحى ماسك على الباشا ورق يدمر كل حاجه
علشان محدش يقدر يقرب ليه لما يخلع

سلمى : يخلع !!!

باسم : جوزك واخذ تأشيرة سويسراحاجز طيران ليكم
بعد أسبوعينإتفضلي الورق أهو

أخذت منه الأوراق بعنف لتقرأها وعيونها مملووة بالدهشة
.....مازلت تفاجئني يا يحيى

نظر لها ثم تابع : إديني ورقي بقه وخليكي معايا وإنتي تكسبي
.....أنا حخلصك منه

لم يكد يكمل جملة حتى فاجئه مازن بضربة قوية على رأسه
بمضرب من الخشب بيده أفقده الوعي في لحظتها

كان يباشر عمله بمللجلس بمكتبه شارداً بعد
نهاية الإجتماعأغمض عينيه وظل يفكر فيما حدث
.....تلك النظرة الغاضبة في عيناهاهل
تكرهههل حقاً تكرهيني يا سلمى وأنا لم أعشق
إمرأةً غيركبل أدوب عشقاً في تفاصيلك
.....تنهد بحزنحزن تحول في لحظات
لغضب جامح عندما عادت فكرة الخيانة لتحتل عقله من جديد
.....كان يحدق بهاتفه ويتذكر تلك الرسالة الملعونة
ويحاول تفسير الغرض منهاعندها طرقت جوليا الباب
ودخلت بإبتسامة ماكرة ونظرات جريئةإقتربت منه
في دلال وقالت : شو بك شكك كثير تعبان

يحيى : مازن عمل ايه مع الباشا

جوليا وقد تبدلت ملامحها لضيق فقد كانت تعلم أن حديثها
سيغضبه : ما قاله

يحيى : إيه !!!!

جوليا : ما خبره شى

يحيى : إزاي !!!!

جوليا : والله إتحدثت معه عادي حكي فارغ مثل ما بتقولوا

يحيى : فارغ !!!

جوليا : كان مقضي الليلة بفندق ما بات بالببيت واضح إنه كان
مع صديقة

يحيى : واحدة صاحبتة يعني

جوليا : إيه شكله داخل علاقة مع ست بس ما رضي يخبره للباشا
مين هي

بدأت خيوط غريبة تتشكل داخل عقله مازن وإمراته
المجهولة رسالة الخيانة بدأت نظراته
تشع بغضب جامح أخاف جوليا التي إبتعدت عنه وقالت في قلق :
يحيى شو بك

لم يجب الهاتف هو من أجباً منبأ برسالة جديدة

" على فكرة هو عندها دلوقتي "

وبغضب يحركه الشيطان تأكد من وجود سلاحه بجيبه وخرج
كالمجنون

وبعد خروجه بدقائق وفي مكتب الباشا كان الرقم
المجهول قد أرسل له الرسالة الثانية نظر محمود
لهاتفه ثم جحظت عيناه تجمد بمكانه للحظات ولكنه خرج
مسرعاً هو الآخر بعد أن سحب مسدساً صغيراً من خزانته
..... وتحرك بخطوات لا تقل جنوناً عن خطوات يحيى
..... فوجئت جوليا بخروجه هو الآخر بنفس الطريقة
..... فإطلقت وراءه بسيارتها وهي تشعر أن أمراً خطيراً
يحدث وطوال الطريق لمنزل يحيى كانت كلمات
الرسالة تتردد داخل أذنه

" يحيى حيقتل مازن دلوقتي هو في بيت يحيى يا
تلحقه يا متلحقهوش "

وصل يحيى لمنزله كالمجنون كان المكان يبدو
هادئاً تحرك بحرص في البداية بغية أن يفاجئهم
ولكن الهدوء القاتل جن جنونه في البداية صعد لغرفة
النوم ولكن لم يجد أحداً وعندها سمع صوت نقرات
بسيطة داخل غرفة المكتب وكان أحدهم ينقر بأصابعه
نقراً خفيفاً على أحد الطاولات توجه مسرعاً وسلاحه
يسبقه كانت تجلس بهدوء عجيب على أحد
المقاعد ترتدي فستاناً فضفاضاً أبيض اللون
..... وقد أغمضت عينيها في سلام !!!!! تنقر بأصبعها
على طاولة جانبية وكأنها تؤدي بها معزوفة موسيقية تزيد من
نشوتها وهناك رجل نعم رجل يبدو أنه فاقد
الوعي جالس على أحد المقاعد ولكن مقيد

.....يداه مقيدتان من الخلف ورأسه مغطى بقماشة سوداء
.....ويبدو انه فاقد للوعي

دخل وملامح الصدمة بادية على وجههفتحت عيناها
عندما إنتبهت لخطواته ثم نظرت له بإبتسامة ساخرة

نظر لها وملامح مختلطة من الدهشة والغضب بادية على وجهه
ثم وجه سلاحه نحو الرجل وقال : مين ده
ظلت تنظر نحوه بنفس الإبتسامة

تابع بغضب أقوى وبصوت عالٍ : مين ده يا هاتم وبيعلم إيه هنا

سلمى : ماتقرب وتشوف بنفسكمعتقدش إنك خايف

إقترب منه في غضب وسلاحه يسبقهخلع الغطاء
في عنفصدمةإتسعت حدقة
عيناها من الدهشةصوب مسدسه حتى ألصقه
بجبهة البائس فاقد الوعي ونظر نحوها وقال : إيه ده

سلمى بنفس إبتسامتها الساخرة : ده باسم

يحيى : وبيعلم هنا إيهومين اللي كتفه كده

سلمى : أناأنا وحببي اللي كتفناه

نظر لها وقد هز رأسه بعنف في محاولة للإستيعاب وهي تكمل
بإصرار وبصوت على الرغم من قوته بدا مرتعشاً : مش إنت
جيت هنا علشان تظبطني مع عشيقتيخد ده كمان
فوق البيعة

صمت للحظات اغمض فيها عينيه في محاولة لإستيعاب ما يحدث
ثم نظر نحوها نظرة أكثر ثباتاً وقال : مازن فين

أنا هنا اهو متدوخش نفسك.....قالها مازن بإبتسامة
واثقه وقد رفع كلتا يديه بجانب رأسه وتقدم داخل الغرفة بثقة
على الرغم من سلاح يحيى الذي وجهه نحوه في غضب

تقدمت سلمى بجرأة شديدة ووقفت في مواجهته فأصبحت بينه
وبين مازن نظرت له بسخرية وتابعت : عايز تقتله
.....يبقى تقتلني الأول

يحيى : فاكرة كده إنك حتمسكيني من إيدي اللي بتوجعني يا
سلمى علشان إبنى اللي في بطنك

سلمى : إبنك !!! إنت جبت الكلام ده منين

يحيى : إنتي بتقولي إيهإنتي مش حامل

كانت تنظر في عينيه بثقة دون خوفإقتربت أكثر
حتى أصبحت في مواجهته تماماً لا يفصلهم سوى سنتيمترات
معدودة وتابعت : مش فاكرةشكلي كده فقدت
الذاكرة

كلمةكلمة إخرقت جسده فانتفض كله
بلحظة واحدة.....الآن بدأت الخيوط تتضح أمامه
ولكنها ليست خيوط الخيانة بل خيوط الإنتقامصمت

لوهلة ثم أغمض عينيه في محاولة للإستيعاب أو ربما التماسك ثم
قال بصوت ضعيف : إفتكرتي

لم تجب فقط ظلت تنظر نحوه بنفس النظرة خليط من
الغضب واللوم والكرهية لم ينتبه يحيى لظهور
محمود الذي رفع سلاحه على الفور في وجه يحيى

كانت تقف بين ثلاث رجال يحيى سلاحه مصوب نحو
مازن وينظر نحوها في ذهول ومحمود سلاحه مصوب نحو يحيى
صمت مطبق لا يوجد سوى صوت أنفاسهم
..... سلمى ويحيى يبدو أنهم في عالم آخر فصوت
محمود يبدو كالصدى وهو يصرخ في يحيى بغضب : عايز تقتل
إبني يا يحيى بعد كل اللي عملته علشانك
..... دنا وثقت فيك وخليتك دراعي اليمين لكن إنت كلب
مطمرش فيك

كلمات محمود تدخل من إحدى أذنيه وتخرج من الأخرى ففي تلك
اللحظات الطويلة كان يري تاريخه معها
..... منذ البداية وحتى النهاية التي يبدو أنها ستكون الآن

قاطع مازن أبيه ثم قال بأسى : ياه مصدوم فيه يا بابا هو منتظر
ايه يعني من دراعك اليمين في تجارة المخدرات

نظر محمود لمازن في ذهول وقال : مازن !!!! إنت

مازن بنفس نبرته الحزينة : ممكن في لحظة رصاصة مسدسه
تبقى في قلبي بس خد بالك المسدس ده إشتراه

بفلوسكم الحرام الفلوس اللي عمرها ما تبني
..... بتهد وبس دراعك اليمين قبل ما يفكر في
قتلي بعد ما شككته إن في حاجه بيني وبين مراته سرقة
يا باشا لو تعبت نفسك ورحت لغاية المكتب اللي في
الركن ده حتلاقي الورق ورق الصفقة اللي أوهمك إنها
ضاعت وإن البوليس حجز البضاعة وهو باعها لحسابه
..... وإتحولت الملايين على سويسرا مش كده
وبس ده عنده ورق يحبسك 100 سنة قدام فعلا
دراعتك اليمين وتربيتك يا باشا اه ولا الثاني
..... قالها وهو يشير نحو باسم الذي كان قد إستعاد
وعيه بالفعل وينظر نحوهم بفرع الثاني بقه حضر
ورق وسندات علشان يمضيها عليها وياخد أكثر من 40% من
أسهم المجموعة يعني سرقة برده ولعلمك مضيتله
محمود وهو يحاول بصعوبة إستيعاب ما يحدث ثم قال بصوت
مبحوح : مضيت

مازن : ماهي فلوس حرام جات بالحرام وتروح
بالحرام عرفت بقه إن الإمبراطورية بتاعتك يا
باشا ورق أساسها فاسد وسماها لعنة علشان كده
عمرها ماحتطرح خير.....

كان محمود يستمع لكلمات ابنه بمشاعر مختلطة بين الغضب
والذهول والحزن غاضب من مازن أم نفسه أن تلك
الحياة التي وهبتها إبناً ليس مثله برئ مثل أمه
..... نعم مثلها تماماً

لم يخفض محمود سلاحه فما زال موجهاً نحو يحيى الذي لا يأمن شره وقد يفرغ سلاحه في لحظات بصدر أبنه ليدفع محمود أعلى ثمن مقابل كل شروره.....ولكن يحيى كان بعالم آخر.....عالم داخل عيناها التي كانت تنظر نحوه بحده.....رفع يحيى مسدسه في الهواء ثم ألقاه بعيداً وهو ما زال ينظر نحوها وقال : خذ إبنك وإمشوا يا باشا.....اللي جاي مالكوش فيه

أخفض محمود سلاحه وتنهد بعدما شعر بالراحة لزوال الخطر عن مازن الذي أبى أن يتحرك من مكانه ونظر نحو سلمى في حب ولكن سرعان ما تبدلت نظرتة لفرع عندما أخرجت سلمى سلاحاً من العدم.....ووجهته نحو يحيى

سلمى!!!!!! قالها مازن وهو يصرخ وتابع : سلمى لأ.....سيبيه.....مصيره السجن صدقيني

لم تجبه كانت بكل عقلها وجوارحها مع يحيى الذي إبتسم بسخرية وكأنها نهاية توقعها.....أقترب منها حتى إلتصق جسده بسلاحها.....وأمسكه بيده ليضعه على قلبه بل أمسك معها الزناد!!!!!! ثم قال بنبرة حزينة : خلاص.....كده خلصنا يا سلمى.....مدام عايزاني أموت.....يبقى خلاص.....قال كلماته الأخيرة بصوت متحشرج ثم تابع في ضعف لم تعهده به قبل ذلك : برده مش حتلاقي راجل يحبك قدي.....يعشقتك زي.....

إقترب منها ليطبع على شفتاها قبلة قوية.....إستسلمت لها لا تعرف كيف.....وكانها قبلة الموت.....نظر لهم الباشا وباسم بدهشة وأزاح مازن بصره عن قبلته الشغوفة التي لم

يوقفها سوى إبتسامة من فمه وصوت رصاصة نعم
رصاصة أنهت كل شئ في لحظة

الفصل السابع والثلاثون

يحيى : إنتي عارفة إسمي ولا لأ

سلمى : عارفة إسمك يا يحيى

يحيى :أنا شبه البحر

سلمى :البحر غدارأنا بخاف قوي من البحر

مقطفات من ملامح ذكرياته معهامرت كطيف

سريعحتى إرتخت يداه عن الزناد وإبتعد عنها

.....سقط أرضاًسقط للأبد

كانت صرخة جوليا التي كانت تراقب ما يحدث خلسة من أحد

النوافذ المطلة على الحديقة هي من اعاتهم جميعاً للواقع

.....بعد أن غرقوا في دقائق من الذهولإلا

سلمىكانت تقف في مكانها ومازال السلاح في يدها

المرتعشةعيونها جاحظةتتنظر نحو

جسده الممدد أمامها في ذهول

جلست على الأرض بجانبه وما زالت بأعينها نفس النظرة
..... لحظات تحمل العديد من المشاعر غضب
..... شفقة عشق خوف

ظلت تنظر نحوه بألم ودموعها منهمة جلس مازن
بجانبها وحاول بهدوء أن يأخذ من يدها السلاح خشية أن تؤذي
نفسها نظر لها نظرة حانية وقال بصوت هامس : سلمى
..... خلاص هو كتب النهاية بإيده يا سلمى
..... خلاص

أفلتت السلاح من يدها أخذ مازن برأسها الصغير
ليسنده على صدره وظل يمس على شعرها حتى تهدأ ويتوقف
جسدها المضطرب عن الإرتعاش نظر بغضب
نحو محمود وقال بلهجة أمرة : رجعنا مصر .

بعد أيام قليلة أفلتت الطائرة وعلى متنها مازن وسلمى
..... إختفت جثة يحيى وكأنه لم يكن له وجود

وتعامل الباشا بطريقته الخاصة مع باسم وفعل كل
ما بوسعه لإرضاء مازن وكان أول ما فعله خروج سلمى بسلام
من روما

نظر لها مازن بأسى فمنذ ما حدث لم يعهد منها سوى
الصمت وكأنها تعيش بعالم آخر بحر من الذكريات
تبتسم بأسى كلما غاصت لأعماقه .

وفي القاهرة و بعد وصولها بعدة أيام إستقرت في مشفى لعلاج
الأمراض النفسية في محاولة من مازن لإستعادتها مرة أخرى
دون جدوى وعندها قرر البحث عن الزوج والإبنة
..... وبعدها بأيام كان يقف أمام شقة أحمد يحمل مفاجئة
.....

مازن : سلام عليكم أستاذ أحمد

أحمد : أيوه يا فندم

مازن : أنا اللي أخذت معاد من حضرتك على التليفون

أحمد : اه إتفضل

أدخله أحمد لحجرة الصالون وفي طريقة لاحظ سلمى الصغيرة
..... جودي الملاك الصغير نسخة طبق الأصل
من أمها بإستثناء عيناها التي كانتا تحملان بصمة الأب بوضوح

نظر له أحمد بتساؤل وقال : حضرتك قلت إسمك أستاذ مازن

مازن : أيوه وطلبت أجيلك البيت علشان عندي موضوع
مهم

أحمد : اه ومارضتش توضح في التليفون ومش عارف حضرتك
تعرفني منين

مازن : الحقيقة انا معرفكش كل اللي أعرفه بيانات
بسيطة قدرت أوصل منها للعنوان والتليفون

أحمد : خير يا أستاذ

مازن : خير مدام سلمى رجعت مصر

ظل صامتاً للحظات من هول المفاجئة فحتى الآن
ينتظر من الشرطة خبر دون جدوى نظر له وقد
تسارعت أنفاسه وتابع : إنت بتقول إيه إنت تعرف
سلمى منين

مازن : حكاية طويلة و حضرتك لازم تسمعها بالتفصيل

وهكذا قص له مازن أهم التفاصيل فقدانها للذاكرة
وعودتها إليها بعد رؤيته في روما ثم خوفها عليه من يحيى مما
جعلها تسخر إتصالاتها لتخرجه من هناك بأسرع ما يمكن
..... وكان الخبر الأهم إنتحار يحيى أنهى
مازن حديثه بقوله : هي كان كل أمنيتها إنها ترجع لبنتها
..... هي دلوقتي في دنيا غير الدنيا اللي
حصلها صعب يتحمله بشر أتمنى إن تكون جودي
هي طوق النجاة اللي يتمد لها قبل ما تغرق وتضيع مننا خالص
ظل صامتاً لدقائق فما سمعه لم يكن بالأمر الهين
..... نظر نحو مازن بريية قائلاً : وإنت ساعدتها ليه

مازن : علشان هي مظلومة وكانت محتاجه مساعدتي
.....القدر خلانا إحنا الإثنين في مكان غلط
.....مكان كنت أقدر أخرج منه بسهولة لكن هي لأ
.....وأكيد مش من الشهامة إني أسيبها.....ودلوقتي
دوري إنتهى مش حاقدر أساعدهاالدور عليك إنت
أحمد بأسى : إنتظرحجيز جودي ونيجي معاك
.....كمان لازم أعمل تليفون مهم

كانت تجلس شاردة كعادتها على أحد المقاعد في حديقة المشفى
.....كلما أغمضت عيناها تراهلقد
إشتمت رائحة الموت في أنفاسهرائحة تأبى أن تفارقها
وكأنه رحل عن الدنيا جسداً وروحاً ولكن روحها ما تزال عالقة
معهربما في الجحيم
كالسراب بدأ يظهر أحمد وبجانبه ملاك صغير تتعلق بيده وتنظر
ببهجة لما حولهابحلم آخر فارقها منذ فترة
.....تتمناه ولكن يعود يحيى ليطل عليها من جديد
.....مهلاًإنه ليس بحلمشعرت
بمازن وقد إقترب منها وأمسك بيدها لتستطيع الوقوف وقال
بصوت مطمئن : سلمىجودي
نظرت له بعين دامعة تكاد لا تصدق أنه ليس بحلم وأنها على بعد
خطوات من أول لمسة

نظرت لها الفتاة بخوف في البداية ولكنه تبعه إبتسامة عندما
همس أحمد في أذن الصغيرة ببعض الكلمات لتطمئن
.....إبتسامة جميلة تبعتها إبتسامة أخرى من سلمى ودموع
منهجرةإمتدت يد سلمى المرتعشة لتمسك بيد
جودي الصغيرة ولم تشعر بعد ذلك إلا وهي تقبل كل جسدها
.....وجهاقدمهاكانت لحظة إشتياق
ربما ستسمر للأبدوبدأت صورة يحيى تختفي رويداً
رويداً من عقلها

كانت مريم تقف على بعد خطوات تراقب ما يحدث بدموع ومعتز
بجانبا يحاول من تهدئتها ولكنها لم تستطع حبس دموعها
وإنطلقت نحو سلمى لتحضنها باكيةوسعيدة بعودتها
بنفس الوقت

بعد مرور عدة أشهر

كانت مريم تبدو جميلة بفستان الزفافمازالت
ملاحها تنبض بالتوترإنها ليلة الزفاف
.....وعلى الرغم من صدور حكم الإعدام بصدد عادل
وشعورها بالراحة لهذا الحكم إلا أنها كانت مازالت تعاني إنقاباضاً
خائفة من أن يطل عليها شبح تلك الليلة

إقتربت منها سلمى وهمست في أذنها برقة قائلة : معتز بيحبك
قويخليكي فاكرة ده

مريم بإبتسامة و عيون دامعة : عارفة

سلمى : متقلقيش هه

مريم : حاضر

سلمى : على فكرة أنا واثقة إن معتز مش حيضفط عليكي وكلها
كام يوم وحتلبسوا الإحرام وتبقى أحلى ليلة في حياتك بعد الحج
إن شاء الله

إحتضنتها مريم بقوة وهي تقول : يا رب

أخذت سلمى جودي الصغيرة وإبتعدت عن الكوشة لتجلس على
أحد الطاولات كانت تشعر بمراقبة أحمد لها طوال
الوقت وتشعر بالآسى من أجله فليس هو وحده من لا يستطيع
العودة بل هي أيضاً في الشهور الأخيرة إستقرت
بشقتها القديمة وانتقلت جودي للعيش معها وتزوج أحمد بشقة
والدته وأصبحت جودي تزوره من حين لآخر
..... استطاعت مريم أن توفر لها عملاً بشركتها وهكذا
إستقلت بحياتها ولم يكن لديها إهتمام سوى إبنتها رحل
مازن على أمل أن تغير رأيها بعد ذلك وودعها بجملة واحدة
..... برده عندي أمل ولكنها كانت تعلم أنه لا مكان
لرجل بعالمها الآن عالمها لا يوجد به سوى جودي
..... وظيف ذكرى تعود لها من آن لآخر في أحلامها
..... بحر ثائر وكأنه هو هذا البحر
..... تستيقظ بفرع هرباً منه ولا تلبث أن تهدأ عندما تعود
مرة أخرى لوجه جودي النائم بجانبها فتقبلها بقوة
..... وتغوص في ملامح إبنتها الصغيرة هرباً من ذكرى
ربما ستظل عالقة معها للأبد.....

تمت

مروة جمال

بفلمي

مروة جمال